

ORIGINES DES DIGNITEZ ET MAGISTRATS de France.

RECVEILLIES

Par CLAUDE FAVCHET:



*Christians
Ainsbury D.
no 1606.*

A PARIS,
Chez IEREMIE PERIER, rue
S. Jacques, au Bellerophon.

M. D. C.

AVEC PRIVILEGE.

Enn Parisys pro 12 souls.

**Bayrische
Staatsbibliothek
München**



A TRES-ILLVSTRE
SEIGNEVR, MONSEIGNEVR
HENRY DE LA TOVR, DVC
de Boüillon, Prince souuerain de
Sedan, Vicomte de Turene,
Comte de Beaufort, Mareschal
de France.



ONSEIGNEVR;
*Encores que le sūjet
de ce liure aye esté
traicté par plusieurs
doctes et grands
personnages de ce
temps; toutesfois il pleust au feu Roy
Henry III. de bonne memoire, que
i'y misse la main; pour dire avecques li-*
à ij

EPISTRE.

berté, ce qui luy sembloit en auoir esté
 sciemment obmis, ou trop negligemment
 discouru: Ce labeur d'adiouster aux tra-
 uaux d'autrui, ou de les contreroller,
 outre qu'il estoit contre mon naturel, de
 premier abord me sembla dur & fas-
 cheux; & encores suiet à reproche de
 presumption: laquelle ie fuy en mes a-
 ctions tant qu'il m'est possible. Mais
 qu'est-ce (M^oseigneur) que le cōmande-
 ment de ce bon Roy (toufiours bien-fa-
 cteur) n'eust peu sur un fidele & obligé
 suiet, tel que i'estois enuers sa Maieité.
 Certes, ie doy confesser que sa volonté
 força tellement la mienne, qu'en peu de
 iours ie luy rendis mon ouurage, sinon
 comme il auoit entierement desiré, à tout
 le moins agreable, fors la publication
 d'iceluy: qu'il voulust estre supprimee
 iusques à une autre saison, & pour les
 mesmes considerations qui l'auoit meu

EPISTRE.

d'en commander le recüeil. Or la promptitude avec laquelle ie le seruy lors, l'ayant plus contenté que moy-mesmes: apres sa mort, ie me deliberay d'enrichir un si beau subiect, des plus veritables Antiquitez que ie pourrois nettoyer d'entre les poudreuses librairies garnies d'Historiens, voire & de Romans: Et pource qu'il me sembla que les Poëtes souz des suiets fabuleux ne laissent d'auoir representé plusieurs façons & manieres de viure de leur siecle: & que l'on en peut recüeillir des preuues certaines pour la verité. Ayant donc mis à fin ceste Royale commission, apres sa mort, de l'aduis d'un mien singulier amy, & tres-affectionné seruiteur de vostre grandeur, ie me resolus de vous desdier le Liure: considerant que c'estoit approprier la chose à son poinct, de presenter l'Origine & principaux devoirs des di-

E P I S T R E.

gnitez & Magistratz de France à vous (MONSEIGNEUR) qui pour la grandeur de vostre extraction, la cognoissance qu'avez acquise des affaires de paix & de guerre, & finalement par les haultz & grands faits d'armes, & services qu'avez rendu à nostre magnanime Roy, tant au dedans que dehors son Royaume, estes estimé digne des plus grands honneurs de cest Estat, & par le iugement & par le souhait de tous les bons François. Mais outre la consideration generale : qui m'auoit induit à publier ce liure sous vostre nom, une nouvelle courtoisie vostre, s'est conuertie en tres-estroicte obligation, de le faire ; pour l'honorable témoignage que vous avez rendu au Roy, de moy & de mes actions : depuis que par vostre debonnaire recit, vous essayastes d'exciter la liberalité de sa Maie-

EPISTRE.

sté, pour soulager ma vieillesse (quasi chargée de ses derniers ans) & de plusieurs affaires domestiques, que ma seule ardeur au service de nos Roys, & à l'honneur de ma patrie, à contractées en ma maison. C'est pourquoy, j'ay tousiours creu que les forces de mon esprit ne pouuoient suffire, pour tesmoigner la recognoissance que j'ay de vostre bonté enuers moy : & qu'aumoins, j'estois obligé par toutes les Loix de l'honneur, de vous donner les fructs plus meurs de mon étude: attendant qu'en l'Histoire de nos Roys, ie puisse verifier à la France quels ont esté les Comtes d'Auvergne vos ayeulx : & comme de puisne de la maison de Guyenne, ils se sont entez en la Royalle de France, par le mariage de Mahault fille unique de Monsieur Philippes Comte de Boulongne, fils du Roy Philippes Au-

à iiii

EPISTRE.

guste: Et que leur maison a esté depuis honnoree de l'alliance de quatorze Princesses du sang de France: outre les Royales maisons d'Escoffe & de Portugal: & quasi de toutes les plus illustres de ce Royaume: Sur laquelle verité l'Histoire d'un escriuain de ce temps a peu dire, que l'aîné de vostre illustre famille, auoit accoustumé de tenir rang sur tous les Officiers de la Couronne. Et puis qu'en ma personne, & de celle du Docteur Godeffroy mon nepueu, excellent Iurisconsulte, vous vous estes déclaré le vray Macenas & Protecteur des Muses, ie traceray, auant mes derniers iours, le chemin à ceux qui en sont les plus chers nourrissons, pour en continuant l'Histoire de nostre grand Roy, luy représenter quel vous auez esté à son seruice, & au bon heur de ce Royaume: sous les commandemens de son

EPISTRE.

Auguste Maiesté. Et ce pendant ie supplieray le Createur,

*MONSEIGNEUR, vous
vouloir longuement conseruer en tres-
longue & tres-heureuse vie, & moy
en l'honneur d'estre recogneu de vostre
grandeur pour son*

Tres-humble & affectionné
seruiteur,

CLAUDE FAVCHET,
n'aguieres premier Presi-
dent en la Cour des Mon-
noyes.

De Paris ce 15.
Ianuier, 1600.



TABLE DES CHAPITRES
du premier liure de l'Origine des
dignitez & Magistratz
de France.


	Pistre au Roy Henry I I I. de ce nom sur l'occasion de la composition de ce pre- sent Liure,	fol. 1.
	Des Roys François, Chapitre I.	fol. 3.
	Que le Royaume François est hereditaire entre les prochains masles, & pourquoy les filles en sont deboutees, chap. I I. verso.	fol. 4.
	Sacre & Couronnement des Roys, chap. I I I.	fol. 6.
	Du nom de Tres-Chrestie, & habillemeñs Royaux, chapitre I I I I.	fol. 12.
	Des Roines, de leurs droicts & officiers, chap. V.	fol. 13. verso.
	Des enfans du Roy, Dauphin & Monsieur, chap. V I.	fol. 15. verso.
	Des Chapellains, Archi-chapellains, maistres de l'Oratoire, & Clercs de la maison du Roy, chap. V I I.	fol. 17. verso.
	Des officiers domestiques, chap. V I I I.	fol. 23. verso.
	Des sieges Royaux, chap. I X.	fol. 25.
	Des Maires du Palais, Seneschal, Grãd Maistre, Grand Escuyer de France, chap. X.	fol. 26. verso.

Table des Chapitres.

Du Chambrier & Chambellan,	chap. XI.
fol. 35. verso.	
Du Bouteiller,	chap. XII. fol. 39. verso.
Des Gardes du Roy,	chap. XIII. fol. 41. verso.
Du Roy des Ribaux,	chap. XIII. fol. 43. verso.

Table des Chapitres du deuxiesme liure de l'Origine des dignitez & Magistrats de France.

D es Patrices,	Chapitre I. fol. 46.
Des Ducs,	chap. II. fol. 51.
Des Marquis,	chap. III. fol. 53.
Des Comtes,	chap. IIII. fol. 55.
Des Barons,	chap. V. fol. 58. verso.
Des Chastellains, Vassaux & Fiefs,	chap. VI. fol. 60.
Du Connestable,	chap. VII. fol. 68.
Des Mareschaux.	chap. VIII. fol. 74.
De l'Admiral.	chap. IX. fol. 77.
Des Mareschaux & fourriers de logis,	chap. X. fol. 79.

Fin de la Table des Chapitres.



AV LECTEUR.

EN I N Lecteur, c'estoit bien mon intention de publier en vn volume, l'Origine de tous les Estats de France, tant publics que particuliers à la maison de noz Roys : mais outre que ie ne pouuoy le faire si tost, desnué de la quantité de liures que ie soulois posseder, & encores molesté, cōme ie suis en mes affaires domestiques, il m'eust cōuenu mesler trop de l'autrui parmy le mien : car i'appelle miens tant de Romans desquels à tous propos ie m'ayde : & l'autrui, ce que Messieurs du Tillet, l'Euesque & le Greffier (les plus sçauans en nos Antiquitez qui furent onques en France) maistre Vincent de la Loupe Lieutenant Criminel au Baillage de Chartres, & quelques autre doctes & sçauant personnages, ont escript de l'Origine desdicts Estats. Quant ausdits Romans qui en parlent, ie les tiens pour miens : comme en la preuue d'un finage

A V L E C T E V R.

d'un Royaume ou Seigneurie, les Princes s'aydēt du tesmoignage de leurs Barōs, de hauts Seigneurs, & Nobles Gentis-hommes, mēsmes & des soldats, ou paisans des marches & cōfins, pour verifïer leurs limites & posselliōs immemorialles, aussi ie me fers de ceux-cy, pour la preuue de l'antiquité que i'essaye à descouurir la plus nette qu'il me sera possible. Et comme en vne necessité lon fait buche de toute sorte de bois, ie les ay employez à mon vſage pour la perfectiō de mon entreprise: les pouuās iustement appeller miens, puis qu'estans delaissez par ceux qui m'ayans precedé, ont desdaigné des'en seruir au bastimēt de leurs œuures, & me les ont delaissez ainsi que des Esclaues malades abandonnez pour leurs dāgereuses maladies, par de mauſpiteux maistres, appartiennēt à ceux, qui meuz de charité, les font si bien traiter, que les ayās remis en leur premiere santé; en mōstrant l'humanité de leurs nouveaux Seigneurs, monstrēt qu'une courageuse patience, peult rendre de mort à vie, des hommes desesperez de recouurer guarison: & que des choses mespri-

A V L E C T E V R.

sees peuuent encores estre vtils & profitables avec le temps, & par occasion. Quant au stile de ce liure & de ses semblables il ne peult estre que grossier, & pour les pieces dont il est composé, presque tirees de liures anciës avec des liaisons lasches & sentans leurs Autheurs, & de moy mesme; trop vieil Menuisier, pour faire quelque chose de gaillard. Cependant, pren en gré le present que ie te fais; attendant d'autres œuures miennes de mesme subiet: pour la Iustice, le Duel, & particularitez de nostre France, non moins dignes d'estre cognuës pour esclaircir les Antiquitez Françoises, que celles que j'ay publiees, pour descharger mon estude, & pour le contentement de toy benin Lecteur.

*Extrait du Priuilege du Roy octroyé à Monsieur
le President Fauchet.*

PA R grâce & priuilege du Roy donné à Paris le vingt-vniesme iour d'Octobre, l'an de grace 1598. Il est permis à M. Claude Fauchet, Conseiller du Roy, & premier President en la Cour des Mōnoyes, de faire imprimer les *Origines Francoises* qu'il a faites & compolees : Et deffenses sont faictes par ledit Seigneur à tous autres de quelque estat, cōdition & qualité qu'ils soient de ne faire, ou faire faire imprimer lesdits liures dedans, ou dehors ce Royaume, à peine de cinq cens escus d'amende, applicables audit Seigneur, & audit Sieur Fauchet, ou à ceux à qui ledit Sieur Fauchet en aura faict transport, ou quelque droit, pendant le tēps & terme de dix ans finis & accōplis, à conter du iour & datte de la premiere impression : Car tel est le plaisir de sa Majesté. Donné à Paris le iour que dessus.

Signé par le Roy, en son Conseil,

P E R R O T.

Ledit Sieur Fauchet a permis à Ieremie Perier faire imprimer ledit Liure, & non à autres : & consent qu'il en iouisse.

Acheué d'imprimer ledit Liure
le 15. de Ianuier 1600.



AV TRES-CHRESTIEN
ROY DE FRANCE ET DE
POLOGNE HENRY III.
de ce nom.



IRE,

Ce liure seroit plus accompli, si par
d'autres ie n'eusse esté preuenue en l'ar-
gument : & encores tout fraichement,
par un qui a traicté mon subiect.
Toutesfois le champ de l'Estat François est si grand,
que quelque diligence dont mes deuanciers ayēt vſé,
voire le ſeu Greſſier du Tillet (homme tres-curieux
& le mieux garni de memoires qu'autre) qu'ils m'ont
laissé (& à ceux qui ſont venus apres) non ſeulement
de quoy glaner, mais encores pour faire gerbes. C'eſt
pourquoy i'ay pris la hardieſſe de recueillir à ma fa-
çon, ce qui par eux auoit esté delaiſſé, De maniere,
que cy apres il ſera plus aysé (ſi voſtre Majeſté le
trouue bon) faire de noz œures vne maſſe & com-
poſition, non du tout inutile pour remedier aux abus
que maintenant V. M. eſt empeschée à reformer. Et
certes, c'eſt choſe tres-veritable, que qui entendra
bien la premiere forme de l'Eſtat, tant en chef qu'en
membres, il ſera plus aysé de remettre ce que le temps
y peut auoir alteré. Vray eſt qu'il eſt difficile de re-

A

EPISTRE

presenter la suite d'un Royaume continué par environ M. CC. ans : tant l'ignorance, ou nonchalance de ceux qui au temps passé auoient la charge d'en escrire l'histoire a esté grande: ou la rage du temps violente, contre la memoire des François, pour estouffer non seulement les beaux faits de tant d'excellents Roys, mais encores l'ordre de leur Police; qui ne peut auoir esté que bon & excellent, veu la grandeur de leur Estat, & leurs conquestes proches ou loingtaines. Ce neantmoins, en rapportant plusieurs pieces esparées çà & là, l'on pourra faire une assez plaisante continuation des affaires de nostre France: laquelle eut encores esté plus agreable, si la briefueté du temps que j'ay mis à faire ce Recueil (commencé à tirer du corps de mes Antiquitez & autres memoires depuis le premier iour de Iannier de cette presente année M. D. LXXXIIII.) ne meut fait retrencher ce que j'ay delibéré dire de l'ordre de la Militie, des Aydes, & de la Iustice: que ie reserve pour un autre liure: avec prou d'autres choses mesprisées: ou (possible, oubliées par ceux qui ont publié leurs œuvres deuant moy. Le travail desquels mon intention ne fut onques de m'aproprier: ayant (Dieu-merci) depuis xxx. ans qu'il y a que ie feuillette à bon escient les histoires Françoises, assez de matiere pour dire quelque chose, non pas de nouveau (car ie le fuy) ains de vieil & delaisé. Cecy donc (SIRE) seruira de Projet ou de Modelle, pour un plus grand œuvre; lequel s'il vient à gré à V. M. & elle iuge qu'il doine estre traicté en ceste façon, en peu de temps pourra prendre quelque forme: pour luy représenter une bonne partie de l'ancien Estat de ce Royaume: Que Dieu

AV ROY.

2


vueille deliurer de toute semence de troubles, le faire
prosperer sous le regne de V. M. & à cette fin luy
donner tres-longue & tres-heureuse vie, pour l'ac-
complissement de ses bons saints, & louables desirs,
De Paris ce XXX. Ianuier M. D. LXXXIIII.

Vostre tres-humble & tres-affectionné
seruiteur & subiect,

CLAUDE FAVCHET
premier President en vostre Cour des Monnoyes.

A ij

*Ce premier Liure fut présenté au feu
Roy, lors qu'il tenoit audict an mil cinq
cens quatre vingts & quatre, une for-
me d'Estats de Scigneurs assemblez à
sainct Germain en Laye.*





LIVRE PREMIER
DE L'ORIGINE DES
DIGNITEZ ET MAGISTRATS
de France.

Des Roys François.

CHAPITRE PREMIER.



OVRES nations & villes, furent iadis gouvernees par le peuple, ou par certain nombre de Seigneurs, ou par vn seul. Mais vne de ces formes de Republique ayant esté choisie, est plus aisee à loüer, que de la rencôtrer bonne: ou si vous l'avez trouuee, elle ne peut longuement durer. Vray est, que les premiers qui gouvernerent le Monde, se firent appeller Roys: & semble par les histoires, que ce soit le plus ancien nom de commandement. Voire que c'est encores la marque de l'autorité, que les premiers hommes retindrent sur leurs enfans: lesquels depuis multipliez en plusieurs & diuerses

A iij

DES ROYS FRANÇOIS.

generations, & les peres viuans beaucoup de temps, se trouuerent en fin auoir soubs eux grand nombre d'hommes descendans de leur race : ainsi qu'il se liët dans Genese: & à ce propos Homere dit :

Chacun est Roy, de ses enfans, & femme,

A V S S I est-ce le Patrō suiuy & gardé par les nations plus simples : telles que les Septentrionales : & autres que la seule bonté ou force de nature, conduit plustost que les loix escrites. Tacite excellēt historien Romain, ne l'a pas oublié au liure qu'il a faict „ des mœurs des Germains : où il dit. Ils font „ leurs Roys de la plus noble maison : & leurs „ chefs ou Capitaines, des plus vaillans d'entre eux. Ces Roys n'ont puissance de faire „ toutes choses à leur appetit : & les Capitaines qui sont prōpts, qui sont hardis, & que „ lon void à la pointe des bataillons de l'armée, sont plus reuerez, par l'exemple qu'ils „ donnēt, & leur admirable vertu : que pour „ auoir la charge de commander. Au reste, il „ n'est loisible qu'aux Prestres de chastier, „ emprisonner, ou battre aucun : & encores „ n'est-ce par ordonnancē du Capitaine, ne „ par forme de punition ; ains comme s'ils en „ auoient le commandement de Dieu : qu'ils pensent assister aux gens de guerre, durant qu'ils cōbattent.

C E neantmoins, le mēme auteur monstre, que la successiō de pere à fils, & autres

prochains degrez, estoit dès lors respectée, & gardée: de sorte que les enfans masles, ont presque tousiours succédé à leurs peres: voire les freres, oncles, nepueux & cousins, ont esté receuz à la successiō, mesmes en leur grande ieunesse. Car ledit Autheur adioute: l'excellente noblesse où les grands merites des peres, font esleuer à la dignité de Prince les enfans: encores qu'ils soient bien ieunes. Et vous lisez dans, son histoire, que bien souuēt, les Germains venoient demāder aux Empereurs de Rome quelqu'un, fils, frere, ou cousin, pour succéder à leur Roy mort, ou chassé par eux. Ce que Tacite a dit des germains, semble (à mō aduis) estre le vray pourtraict de noz premiers Roys Frāçois: qu'autre-part i'ay mōstré estre sortis de Germanie, sous le nom de Sicābres; & depuis, auoir habité le bout de la Gaule, sous celui de Bataues, Cauces & Frisons, ou plustost de Francs.

DE fait, qui regardera de pres, à ce que ledit Autheur a escrit, & l'ordre que noz premiers Frāçois Gaulois ont gardé en l'electiō (ou plustost eleuatiō & succession) de leurs Roys, il trouuera qu'ils les esleuoient sur des Targes, Boucliers, ou Pauois: & les promenoient par l'Ost trois fois: tout ainsi que les Germains. Car celle de Faramond ne se trouuera escrete en pas vn liure approuué: & il est bien certain parce que dit Ammian Marcellin; que de son temps (c'est

DE LA SVCCESION
à dire l'an ccccl. apres nostre Seigneur Ie-
sus Christ) les François auoient des Roys:
comme plus amplement i'ay monsté en
mes Antiquitez Gauloises & Françoises.

*Que le Royaume François est hereditaire entre les
prochains masles: & pourquoy les filles
en sont deboutees.*

CHAPITRE II.



REGOIRE Archeuesqué de
Tours (le plus ancien & fidele
Autheur que nous ayons pour
l'histoire François) ne parle
d'aucune electiõ de nos Roys.

Mais au cõtraire, Aymon dit expressement
que Clouis succeda au Roy Childeric son
pere, par droict d'hoirie: cõme aussi fit de-
puis, Thiebaud Roy d'Austrazie, à Thie-
bert son pere: y estant appellé par la Loy
de France, ainsi que dit Agathie au premier
liure de son histoire: N'estans les femmes
receuës à telle succession, pour la foiblesse
de leur sexe: ou plustost la coustume des
François; tant Saliens, que Ripuariens (ce
sont les Ribarols demeurãs pres de Liege)
qui ne donnoient aucune part des Alleuds
(c'est à dire heritages, & bien venãs de sou-
che) aux femmes.

P O U R le regard des Saliés, il est dit au til-
tre des Alleuds. Nulle part de la terre Sali-
que viene à femme: mais tout tel heritage,

soit laissé aux hommes.

ET en celle des Ripuariens sous le mes-
me tiltre: Mais tāt qu'il y aura d'hoir masse,
aucune femme ne succede à l'heredité de
son Ayeul. Et (ainsi que disent d'autres loix)
ne de lancea transeat ad fusum: c'est: de peur que
de lance ils ne tombēt ou passent au fuseau,
que nous disons communement de lance
en quenouille.

OR combien que ces loix ne priuēt pas
tousiours les femmes de leurs Alleuds, ains
seulement quand il y a des masses aussi pro-
ches qu'elles, nous croyons toutesfois, que
les premiers François habitans & regnans
en la Gaule, ont debouté de la Royauté les
filles des Roys, tant qu'il s'est trouué des
masses de la mesme lignee Royale: afin
(comme ie croy) que cette courōne si lon-
guement possedee de pere à fils (& par con-
sequent le vray Alleud & propre heritage
de la maison & famille Royale) ne vint en
autre main, par le mariage de leurs filles:
que bien souuent, pour entretenir la paix
auec les voisins, lon est contraint de dōner
à des Princes estrangers & ennemis anciēs.

IE ne veux parler des filles de Childe-
bert premier, Roy de Paris: car on pourroit
dire que Clotaire premier leur oncle, estoit
si fort qu'il luy fut aisé de les mettre en Re-
ligion, & de les tenir enfermées dans vn
Cloistre: encores moins parleray-ie de cel-
les d'Aribert aussi Roy de Paris: pource que

Ion dira que leurs Oncles ne les traicterent pas plus courtoisement : Mais que respondra-on à ce que Gunêthram Roy François Bouguignon , fit à Clothe sa propre fille ? Car n'ayant point d'enfant mâle, il institua Roy des François de Bourgongne, de son viuât, & en plaine assemblee des Seigneurs dudit Royaume ; Childebert Roy d'Austrasie fils de son frere. Et neantmoins, Ion ne sçauroit dire, que par ceste donation il eut mesprisé sa fille : veu qu'en vn accord faict avec sondit nepueu, il stipulle de grosses terres pour elle : monstrant bié qu'il luy portoit vne Paternelle & grande affection. Toutesfois, pource que la loy de France (comme il est vray semblable) l'empeschoit de succeder à la Courône, il luy fit tous les autres aduantages qu'il peut : sans desroger à l'ordonnâce Salique, Ribarolle, ou Françoisse, ainsi que la voudrez nommer : si profitable en vn Royaume, que par son moyé il est conserué en son entier : & ne reçoit pas tant aisément des coustumes & façons de faire (qui peuuent destruire les anciennes loix) comme s'il cheoit en main d'estrangers : lesquels ne faillent iamais d'apporter où ils entrêt quelque chose de leur maison. Pour tout cela, ie ne veux nier que le premier Roy des François ne soit venu par Election : puis qu'encor il en est demeuré quelque marque au couronnement d'aucuns de la maison qui de present tient le Royaume.

Car au nouuel aduenemēt du Roy, le grād Chambellan, à certain iour precedant le Sacre, fouloit tenir la chambre du Roy fermee; attendant que les Pairs & Barons y vinssent heurter : ausquels ayant demandé ce qu'ils cherchoient, & eux respondans nōstre Roy : il ouuroit l'huis. Et encores quand ils l'amenoiet à l'Eglise, l'Archeuefque de Reims demandoit semblablement au peuple s'il le vouloit pour Roy. Non que par ces interrogatoires le nouveau Roy acquit vn droit qu'il n'auoit point: mais pour le confirmer, & renoueller le contract reciproque entre luy & le peuple. A sçauoir le Roy, de garder les loix du pays; & de faire iustice à chacun : & le peuple d'obeir à son Roy; fils des Roys leurs anciens maistres: és mains desquels le mesme peuple, auoit remis toute sa liberté, pour obeir à leurs cōmandemens. Ceste stipulation n'est pas seulement pour les Roys de Frāce, ains commune à tous les autres : & se void escripte au liure intitulé Pontifical Romain sous le tiltre du Couronnement des Roys.

Sacre & Couronnement des Roys.

CHAPITRE III.

ET mesmes l'Onction de nōstre Roy, se faict nō pour suiure la ceremonie gardee au Baptisme de Clouis (car ce Prince fut lors oingt pour ce qu'un

Euesque Catholique le Baptisoit , & non vn Arrien) ains pour monstrier que Dieu luy a fait ceste grace par son Sainct Esprit: que noz anciens Theologiens volontiers ont representée par le signe de l'huile.

Je ne veux encores nier, qu'en ceste onction Royale noz Euesques n'ayent voulu suiure l'ancienne façon des Iuifs: aysément persuadans à noz Roys que c'estoit vne sainte ceremonie. Puis que par le commandement de Dieu, Samuël en auoit usé en l'election de Saul & Dauid, premier, & second Roys d'Israël: laquelle onction, & imposition de couronne sur la teste, se pratique aujourd'huy, au lieu que les Roys Merouingiens assis sur vne Targe, estoient portez trois fois autour du camp: ainsi que iadis leurs predecesseurs Bataues ou Sicambriens: & comme le fut Gombaube, soy disant fils de Clotaire premier, cedit Gregoire de Tours: plus de lxxx. ans apres le Baptisme de Clouis.

L'EPISTRE que Foulques Archeuesque de Reims escriuit à l'Empereur Arnoul l'an vcccxcii. en faueur de Charles le Simple Roy de France, descouure bien que les François respectoient la famille Royale: & ne se desportoient de l'obeissance d'icelle, sans grande raison. Car apres auoir déclaré les occasions, pour lesquelles il s'estoit au parauant ragé du party de Eude (esleu Roy pendant l'enfance dudit Charles le Simple.

& puis l'auoit abandonné pour fauoriser «
 ledict Charles deuenu maieur: Il dit, qu'il «
 ne pouuoit moins faire, que d'esslire Char- «
 les, qui seul restoit du sang Royal: les freres «
 & predecesseurs duquel auoient esté roys. «
 Que si l'on vouloit soustenir qu'il falloit «
 donc l'esslire auant Eude; il respondoit, que «
 les armes des Normans pressoient tant fort «
 la France, quand Charles le Gras deceda; «
 & Charles heritier du Royaume estoit tât «
 ieune de sens & d'aage, qu'il eust esté trop «
 dangereux d'estre gouuerné par vn cent «
 d'hommes appelez aux affaires pendant «
 sa minorité: Qu'il ne luy a fait tort d'esslire «
 Charles sans attendre son congé: Car c'est «
 la coustume des François, quand leur Roy «
 est mort, de prendre vn du sang. «

CE Vx qui sont pour les Electiōs, diront
 que par ceste Epistre mesme, il apert qu'el-
 les auoient lieu en France. Mais ie respos-
 qu'auenant defaut du vray heritier (par
 quelque occasion que ce fut) lon en choy-
 sissoit vn de la mesme famille. Et ne faut
 prendre exemple, ou fonder vn argument,
 sur les Elections d'Eude, Robert son frere,
 ou Raoul gendre de ce dernier: Puis que
 ceste mesme Epistre de Foulques, monstre
 la necessité ou force, qui fit esslire Eude: &
 laquelle se trouua aussi du temps desdicts
 Robert & Raoul, Princes factieux & ban-
 dez contre Charles le Simple, leur Roy na-
 turel & legitime.

DE LA SVCCESION

AV contraire, cela me confirme en l'opinion que j'ay tousiours eüe, que ces princes estoient du sang Royal : puis qu'ils furent choisis. Aussi quād Charles Martel fit l'an vccxxxix. succeder à Thierry de peusens, Childeric son frere, qui n'estoit pas plus sage, seulement (dit vne Chronique) pource qu'il ne s'en trouuoit de la maison Royale de plus digne & capable que luy; il monstroit bien que la famille & le sang des Princes Merouingiens, estoient lors respectez.

EN C O R E s peut-on adiouster, que Eude commandant aux siens par son Testament, de recognoistre Charles le Simple: & Raoul tirant de luy (ainli que dit Floard) vne nomination ou résignation (tout prisonnier qu'il estoit) monstre euidément, qu'il confessoit la couronne estre hereditaire en ceste maison. Comme aussi faisoit Huë Capet, quand il practiqua la donation de Louys I. I. I. Duquel Odoran moyne lors viuant à sainct Pierre le Vif Abbaye de Sens; dit ces mots. Louys mourut ayant donné son Royaume à Huë Capet.

ET si la Couronne estoit en la disposition libre des estats: pourquoy Hugues le grand Comte de Paris, si riche & puissant Prince, qu'il pouuoit tout: estant fils de Robert Roy, tué à Soissons: Nepueu de Eude, & beau-frere de Raoul de Bourgogne, (tous Roys esleus pour le deffaut de Char-

les le Simple) ne se fit il Roy apres la mort de Raoul ? Ou si la race estoit priuilegiee seulement, Hebert Comte de Vermādois, oncle par deux fois dudit Hugues, & venu en droite ligne de Charles le grand (par Pepin Roy d'Italie) ne fut-il esleu? Il failloit donc (suyuant ce que Foulques remonstre audit Empereur Arnoul ainsi que i'ay dit) que la succession de pere à fils, & prochain heritier, fust respectee par les Estats de ce temps là: quand les capacitez de l'aage ou sens des Roys heritiers, venoient à cesser: ainsi qu'à ce Louys d'outre mer, fils de Charles le Simple (c'est à dire insensé) car ceux du temps l'appellent, *Insipiens*: auquel ledit Hugues fit homage sus le bord & riuage de la Mer: quand ce Prince retournant d'Angleterre descédit de son Nauire.

LES merites des premiers Roys qui furēt esleuz par les Frāçois, acquirēt ce priuilege à leurs vrais heritiers: d'estre preferez à tous autres, tant qu'ils sont capables. Car iacoit que lon donne à des enfans prodigues, ou fols, des Tuteurs pour gouuerner leurs personnes ou biés; ils n'en sont priuez pour celà, quand ils viennent en aage: ou reprenent leur bon sens. Et s'ils meurent, leurs heritiers ne laissent pour tel deffaut à leur succeder.

LES grands inconueniens esquels tombent les Royaumes elecifs à tous changemens, donnent à cognoistre l'vtilité de la

ſucceſſion hereditaire: teſmoings les troubles aduenus pour l'Empire d'Allemaigne, ſubieſt à Election : & des Royaumes de Hongrie, Pologne, Boeme, Danemarck & Sueden: où les brigues & l'ambitiõ ſe trouuent (bien ſouuent) auoir autant de lieu, que les merites & la prud'homie. Tellement que ces Royaumes receuans des eſtrangers, ou eſſilans vn d'entr'eux, ordinairement tombent en diuiſion : Eſtant malaiſé que celuy qui a eſté rebuté, porte iamais entiere obeiſſance à celuy contre lequel il a debatue l'authorité Royale, cõme ſon eſgal en maiſon, reputation, ou merite.

QVE ſi lon dit qu'il n'y a pas moindre danger à recognoiſtre vn enfant qui ne tiendra rien des bonnes complexions de ſeuſon pere: ie reſponds que cela n'aduient pas tant ſouuent, que le mal qui ordinairement ſuit les Elections. Et puis qu'il n'y a rien de ſi parfait qu'on n'y puiſſe trouuer à redire, & n'apporte quelque inconuenient ou incommodité, il faut eũter le pire: Qui auſſi eſt la cauſe pourquoy, les plus excellents Politiques ont conclud pour la Monarchie : & (poſſible) a fait dire à Balde (l'vn des premiers Iuriſcõſultes Italiens) en ſon liure des Feudes, que ſi la maiſon de Bourbon duroit iuſques à mil ans, elle auroit droit au Royaume de Fance.

PADIOVTERAY encores, que le droit
de

de succession est tellement ioint à l'aîné de la maison de France, que son petit fils exclud l'oncle : à fin que la Benediction de Primogeniture, demeure (tant qu'il sera possible) en la droicte ligne: & que les issus de l'aîné ne seruent point au puîné de leur pere: comme il faudroit, si l'oncle excluoit le nepueu.

IE dy plus, que le Roy comme ne tenant point la couronne des Ecclesiastiques, nobles & peuple, la peut prendre sans qu'ils y mettent la main: puis qu'il ne la recognoist que de Dieu: ainsi qu'ordinairement il le declare par toutes ses lettres patêtes: quand il y fait mettre ces mots: PAR LA GRACE DE DIEU. &c.

AVSSI trouuons nous, que Charlemagne l'entendoit ainsi: puis qu'il declare souuerain, Louys son fils: sans que les Euesques ou Nobles touchassent à la Couronne: laquelle il luy commanda d'aller prendre de dessus l'autel, comme de la main de Dieu, ce doit-on croire. Car des vieilles Chroniques ou Annalles disent sous l'an vcccxiij. Il couronna Louys son fils, & le fit son compaignon en l'Empire, Et en la vie dudit Charlemaigne faite par vn Moyne d'Angoulesme: Puis ayant tenu à Aix vn Parlement general, il couronna Louys Roy d'Aquitaine. En la vie dudit Louys faite à la relation d'Ademar: Il l'admoneste, & puis le couronna, & declara qu'avec l'ayde de

B

DE LA SUCCESSION

Dieu, nostre Seigneur Iesus Christ, la souueraine puissance de toutes choses deuoit estre par deuers luy. Mais ce que dit Tegan aux gestes dudit Louys est plus expres: & monstre la souueraine puissance de noz Roys, pour le regard de leur couronnement Article vi. le suldit Empereur cognoissant approcher la fin de ses iours (car il estoit ja fort vieil) appella son fils pres de soy: & toute sa puissance, Euesques, Abbez, Ducs, & Comtes, Auec lesquels assemblez au Palais d'Aix, il eut vn grand Parlement. Où paisiblement & honestement il les admonesta de monstre leur fidelité enuers son fils: les interrogeant du grand iusques au petit, s'il ne leur plaisoit pas qu'il donnast son nom (à sçauoir d'Empereur) à Louys son fils. Tous respondirent que cela estoit vn aduis de Dieu.

CE fait, le prochain Dimanche, il se para d'habillements Royaux: & ayant la Couronne f'is la teste, bien noblemēt & richement vestu, ainsi qu'il appartenoit, il s'achemine vers l'Eglise qu'il auoit faict bastir depuis les fondements: & vint iusques à vn Autel plus hault esleué que les autres; consacré en l'honneur de nostre Seigneur Iesus Christ: sus lequel il commanda estre mise vne autre Couronne, que celle qu'il portoit au chef.

APRES que le pere & le fils eurent assez longuemēt prié Dieu, l'Empereur parla

à son fils deuât toute la multitude des Euef-
ques & de la Noblesse : l'admonestant sur
tout d'aimer Dieu, & le craindre: de garder
en tout, ses commãdements: gouuerner les
Eglises de Dieu (le Latin par le mot *Ecclesiã*
semble entẽdre la communauté des Chre-
stiens ses subiects , aussi bien que les Eccle-
siastiques) & les deffendre des meschans
hõmes , se môstrer misericordieux enuers
ses freres , & sœurs puisnez , comme aussi
à ses Nepueux & parens. Honorer les Pre-
stres comme ses Peres , & traicter le peuple
comme ses enfans. Contraindre les iuper-
bes & meschans de cheminer la droicte
voye: & d'estre le cõsolateur des Monaste-
res & des pauures. Qu'il n'eust à chasser au-
cun de son Estat sans iuste cause, & se mon-
strast soy mesme irreprehenfible deuant
Dieu , & les hommes.

A P R E S qu'il eut dit ces parolles & au-
tres deuant la multitude du peuple ; il de-
manda à son fils s'il vouloit pas ie rendre
obeissant à ses commandements. A quoy il
respondit , que volontiers avec l'aide de
Dieu il les garderoit. Lors son pere luy cõ-
manda qu'avec ses propres mains il allast
leuer la Couronne qui estoit sur l'Autel &
se la meist sur la teste , en souuenance des
commandements que son pere luy auoit
faits : & le fils accomplist les commande-
ments de son pere . Car voila les mots de
l'ancien Autheur (ie croy lors viuãt ou tost

DE LA SVCCESION

apres) que i'ay d'autant plus volontiers mis en François.

QUE si lon dit que cet acte est seul, & fait pour la Couronne Imperiale; lon peut respondre, que les mots *rerum summam*, s'entendent de la succession totale des Royaumes François: cōme aussi l'article qui parle de la Misericorde & Charité enuers ses Nepueux & parens; montre que l'Empereur l'entédoit faire maistre de ses Royaumes. D'auantage, Charlemagne faisant cet acte en France, & en la preience des Seigneurs François, entendoit saisir son fils de toute son autorité. Car il n'y auoit là, ne Pape, ne Romain: comme quand il fut déclaré Empereur.

LOUIS le Debonnaire, en fit autant à Charles le Chauue son fils, ainsi que dit Aimon. L'Empereur y demourât tout l'Estdé, y assigna vn Parlement general au tēps d'Autōne. Et peu apres: là ou Louis l'Empereur, ceignit d'armes viriles (c'est à dire de l'espée) ou fit Cheualier Charles son fils; & luy mit sus la teste vne Couronne Royale: luy donnāt vne partie du Royaume, que Charles, duquel il portoit le nom, auoit eüe (c'est à dire) Neustrie. Et ie croy qu'il en faut autant penser auoir esté fait des autres enfans declarez Roys par leurs peres.

QUANT au serment que le Roy fait entre les mains des Euesques, de garder la foy Catholique, & les loix du Royaume, ce

n'est point comme par vn Contract nouveau qu'il le fait. Et le Greffier du Tillet a bien dict, que son Sacre n'augmenta point son droit, puis que ceux de la premiere maison n'ont point esté Sacrez. Voire les motz d'election estans en la vieille forme du Couronnement des Roix derniers, doivent estre pris, & entendus pour declaration, acceptation, ou submission, au Roy predestiné de Dieu: qui l'a fait & conserué le plus proche de la Couróne. Non pour aucun droit, qui apartienne aux subietz de donner le Royaume par leur voix & election. Car tousiours il a esté reputé familiaire, tât durât le Paianisme que le Christianisme: & tel l'ont transferé à leurs posterité, ceux qui par la pouruoyáce diuine (à laquelle seule appartient de metre, & d'oster les Rois) y ont fait les changements.

L'on peut encores adiouster à ceste proposition (tres-vtile pour exclurre tout maistre estranger) qu'à l'election du premier Roy François (si aulcune se peult remarquer) les Barons (car le peuple n'auoit aucune voix aux Parlements Sânes ou assemblees generalles, non plus que durant les premiers Gaulois) ont transporté au Roy, & en la personne de celuy qui tiendra cete dignité, tout leur pouuoir. Autrement, & s'il estoit loisible au peuple de changer de Roy à son desir, il n'y auroit en ce mode aucune puissance asseuree: & poussez de

DE LA SUCCESSION

l'ambition des plus entreprenans, le mesme peuple, tous les iours seroit à recommencer : au grand domage de la communauté de nostre France : qui se trouueroit enuelopee de guerres ciuiles , pour les contraires partis.

A INSI la reconnoissance que nous faisons à noz Rois à leur Sacre , n'est pas vne Election de Rois d'autre maison, ains d'un qui reçoit la Couronne comme à luy appartenant : & qui neantmoins, sans estre forcé, ne requis , promet de faire le deuoir que Dieu luy a commandé ; c'est à dire, de faire Iustice ; & de garder les loix du Royaume.

S V I V A N T cela, pareils serments, & sans en estre requis , fit Charles le Chauue : appellé à la Couronne de Lorraine l'an V C C L X I X. ainsi qu'on peut lire dans Aimon.

C H O S E que lon ne doit trouuer estrange : pource qu'à l'instant mesme qu'un Roy prend la Couronne & le Sceptre, il s'oblige de rédre Iustice à son Peuple : sous la mesme promesse que son pere ou predecesseur, s'obligea au mesme Peuple ou (plustost) à Dieu, qui iadis establit les Roys, pour Pasteurs de leur Peuple. Afin que par la Iustice, ils representassent cōme vne viue image de Dieu leur Autheur.

Q U E si lon dit, que les anciennes Chroniques de langage François, disent sous la premiere race, En ce temps les François

esfleurent (tel ou tel) pour Roy , ie dy que c'est vne mauuaise translation du mot Latin *Eleuauerunt*, que le trāslateur n'a entendu, ou que celuy qui a copié *Esfleuerent*, a laissé escrit *Esfleurent*. Car i'ay monstré que les anciens, au lieu du Couronnement Esleuoient sus des Escus, Boucliers, ou Pauois les nouveaux Roys. Et aucunes anciennes copies de Chroniques Latines, ont *Eleuauerunt*:: dont quelque Copiste a faict *Elegerūt* n'entendant la coustume du port sus le Bouclier.

*Du nom de Tres-Chrestien, & des
habillemens Royaux.*

CHAPITRE IIII.



Es grandes victoires par nos Roys obtenues sus les infideles, leur religion invariable, & tousiours reglee sus la Catholique, le prompt secours que les Papes ont trouué en ceux de la maison de France, leur ont continué le nom de Tres-Chrestien, à eux donné, mesmes du temps de S. Remy, qui en son testament appelle ainsi le Roy Clovis premier de ce nom : comme aussi le Pape Estienne III. donne le mesme tiltre au Roy Pepin, en sa lettre faisant mention de la guarison qu'il receut en l'Abbaye de S.

B iiii

DES HABILLEMENS

Denis pres de Paris. Et laquelle lettre se veoid encores parmy les Chroniques de Reginon, qui fut Abbé de Prom au diocése de Tréues, & viuoit auãt l'an vcccix.

IE ne puis oublier, que les Roys appelez Merouingies, ont esté remarquez par leurs cheueux pendans derriere: & (comme disent les anciennes Chroniques) lassées en tresses galonnées (c'est à dire, lices de cordons, estans les galons vne sorte de bandelletes) & sa barbe boutonnée d'or. Chose que (possible) d'autres Princes anciens ont faite, voire des Romains: cōme Calligule; qui se mōstroit quelque fois avec vne barbe d'or: & vn autre feroit, ou pouldroit la sienne de limaille d'or de ce metal: comme du temps de noz peres, Tammass Sophi papillottoit la siene d'or: si le portait qu'on void de luy est veritable.

MESME René duc de Lorraine, vint veoir le corps de Charles Duc de Bourgongne, ayãt vne barbe d'or en signe de victorieux, ce dit vn Autheur du temps. Mais pour le regard de noz François, il n'estoit loisible à autres que ceux du sang Royal, d'auoir ceste longue cheueleure pendante, ainsi qu'il se peut comprétre par ce que fit Clotaire premier à Bombauld: quand il le desaduoua pour fils. Toutesfois ie ne trouue point que ceste coustume ait esté pratiquée par les successeurs de Pepin, ou de Huë Capet: sinon modestement.

Av contraire Louis le ieune VI. Roy de sa maison, commença de razer sa barbe à la suscitation (ainsi que l'on dit) de Pierre Lombard Euesque de Paris : Gardant sa chevelure longue, iusques aux espauls. Ce qui dura tant que le Roy François premier blessé en la teste iouant à Remorentin, se fit tondre pour guerir sa playe plus aisément : & depuis portant la barbe longue de deux doigts.

Les habillements cōmuns de noz Roys ont tousiours esté longs principalement les manteaux : lesquels estans encores doublez de fourrure precieuse, tesmoignent la froidure de leur pays originaire. Qui est la cause pourquoy tous les Roys sortis de Germanie, ou Scithie, sont volontiers nommez par les anciens (tels que Sidoine & autres Ecclesiastiques du temps) *Pelliti* : c'est à dire fourrez. Je croy pource qu'ils ne voulurent si tost prendre l'habillement Grec, ou Romain.

V R A Y est que Charles le Grand, vestoit vn fagon de couleur bleuë, court iusques à my-iambes, & bordé de velours : fors les festes solemnelles, & iours de parade, qu'il portoit la chape Imperialle. Louis le Debonnaire ausdites grâdes festes se couuroit tout d'or ce dit sa vie. Et Charles le Chauue Empereur, se vestit comme les Empereurs de Constantinople. Mais lon void que toutes les plus vieilles statues des Rois qui sont

DES ROYNES, LEVRS
aux portaux des plus anciēnes Eglises sont
vestuēs de manteaux en escharpe, ou rete-
nus sus l'espaule droite à vn bouton, avec
de longues cottes que nous appellōs main-
tenant Sottanes.

MAIS lōg temps apres Charles sixiesme
s'habilla si court, que Monstrelet historiē
de son temps, s'en plaint biē fort, & Philip-
pes de Comines en dit autāt du Roy Louis
XI. Toutesfois l'habillement long a touf-
iours esté gardé par nos Rois en leur Sacre,
& ceremonies de leur ordre. Cōme celuy
qui a plus de Majesté mesmes le Iournal
d'un hōme d'Eglise Parisien qui a escrit de-
puis l'an 1409. iusques à l'an 1449. & lequel
i'ay par deuers moy, parlant de l'entree du
Roy dans Paris, dit, qu'il estoit vestu d'E-
scarlate comme les Presidēs de la Cour de
Parlement, & Maistre Alain Chartier en
sa Chronique en dit autant.

Des Roynes, de leurs droicts & Officiers.

CHAPITRE V.

NOZ premiers Roys, comme sen-
tans encor le pajanisme, ont esté
fort libres en leurs mariages, car
se foudians beaucoup plus de
multiplier en lignee, ou devarier leurs plai-
sirs, que de se fortifier par grandes allian-
ces, ils auoient plusieurs femmes ou concu-
bines, appellees Roynes.

CE ne seroit qu'emplir le papier , si ie voulois tirer tous les exemples qui sont dedans l'histoire de Gregoire. Et suffira de dire qu'ils en tenoient tant qu'il leur plaisoit , n'estans pas en cela fort contreditz des Euesques Gaulois , qui (à mon aduis) pensoient retenir ces nouveaux Chrestiés, par vne liberté suiuite aux Rois d'Israël, sur lesquels du commencement ils souffrirent se patronner. Dagobert tenoit quatre femmes appellees Roynes: sans les concubines, en si grand nombre que Fredegair ou Idace , qui viuoit bien tost apres , ne les daigne nommer. Vray est qu'ils n'ont pas tousiours esté si desbordez : & quelquesfois ont espousé des filles de Roys leurs voisins. Comme Sigisbert Roy d'Austrazie , filz de Clotaire premier. Brunehault fille de Atanagilde Roy d'Espagne: & Chilperic son frere Gosuinte sœur de ladite Brunehault. Mais le plus souuét des femmes, & des Esclaues acheptées à pris d'argent, lesquelles faisans des enfans , estoient d'autant plus honorees ; & quelque fois portoient tiltre de Roynes. Toutesfois ie ne fay doubte, que celles qui estoient filles de Roys voisins, ne fussent prises avec conuentions. Car oultre les exemples qu'il y a dans Gregoire, vous lisez dās Idace & Fredegair , que Clouis premier espousant Clothe niepce de Gombault Roy de Bourgogne , luy fit offrir vn sold & vn denier

DES ROYNES, LEVRS

par son Ambassadeur & paranimfe, pour obseruer(ainsi qu'il est croyable) la coustume des Peuples Septentrionnaux: qui portoiēt à leur espouses, certaines sōmes d'argent, auant que de les mener en leur maison. Dont possible vient nostre coustume, que le mary presente treze deniers au prestre. Et dans les loix Bourguignonnes cela s'appelle *pretium puella*, le pris de la fille: cōme s'ils les eussent acheptées en les espousant, laquelle ceremonie ou coustume, n'estoit si barbare que les Romains n'en ayent tenu quelques chose, prenans leurs femmes comme par vn achapt imaginaire: apres auoir donné & receu L'AS CAIAN merqué en forme de U renuersé.

ENCORES oultre cela, noz François faisoiet à leurs nouuelles femmes vn present: appellé *Morgan-gheba* en vieil langaige *Teuthfranc* c'est franc Germain: & signifioit don du matin: ainsi que dit Gregoire: ce n'est pas le Mort-gaige duquel parle le liure de la Royne, mere du Roy S. Louis composé par messire Philippes de Fontaines son Conseiller: car Mort-gaige, estoit vn heritage baillé en seureté & gaige de quelques deniers deubz ou promis en mariage, & dont le mary iouissoit sans diminution du fort principal. Qui est ce que depuis, par ignorance ou abbus lon a appellé mariage fait à la Morganatique.

EN ce meisme chapitre de Gregoire pro-

chainemēt allegué, lon peut veoir que telles Roines tenoient des terres de propre, & de Douaire : dont elles iouyssoient & leurs heritiers. Aussi que toutes Roynes auoient des Officiers pareils aux Roys : & iusques à des Maires de leurs Palais, Referendaires, Contes d'Estable, & autres necessaires pour monstrier leus grandeurs.

MESMES quant les Roys mouroient elles prenoient part aux meubles acquis de leur temps: ainsi qu'il appert au lxxxv. chapitre de la continuation de l'histoire de Gregoire de Tours. Mais les Roys de la seconde famille ont esté plus modestes & referrez en leurs mariages : & n'ont si publiquement vsé de concubines, ne fait appeller Roynes que leurs femmes espousees, ou leurs filles.

HVES Capet & ses successeurs, ont encores mieux gardé l'honnesteté des mariages : & fui la coniôction de leurs prochaines parentes, honorât leurs femmes si fort, que d'aucuns souffroient les ans du regne de leurs femmes estre mis avec les leur, dâs les Chartres.

ENVOYA aussi cherché bien loing de belles filles de Roys & Princes souuerains, pour les espouser, plustost que celles de leurs voisins plus laides encores que plus riches. Comme s'ils eussent eu crainte de perdre ceste majesté, qui d'auantage accôpaigne les Roys quant nature les a douiez

DES ENFANS DV ROY,
de beau visage. Estant bié certain que cela
tire l'amour du Peuple : lequel souuent iu-
ge des mœurs de son Prince par sa belle ou
laide presence : Qui peut estre la cause
pourquoy le premier Poëte des Latins a
dit d'Eurial:

Gratior & pulchro veniens in corpore Virtus.

Et sa vertu , croissant avec un si beau corps:


Plus agreable estoit. &c.

Aussi vous
trouuerez par les Histoires, que noz Roys
ont tous esté beaux hommes: fors Charles
huiëtiesme, fils d'une mere qui n'estoit gue-
res agreable, si vous croyez Philippes de
Comines.

VOIRE ils n'ont point espousé que des
Princesses: afin (comme ie croy) de ne se
mesler avec leurs subiects, qui en ont les
Roys en plus grande admiration, quand ils
se voyent esloignez du haut degré: auquel
aspirent tous les grands, quelque humilité
qu'ils monstrent à leur superieur.

Des enfans du Roy : Dauphin & Monsieur.

CHAPITRE VI.

E premier fils du Roy s'appel-
le Dauphin, à cause du pays de
Dauphiné, qui fait partie de la
terre qu'anciennement les Allo-
broges tenoient dans les Alpes,
vers le Mont-Cenis: ainsi appelé, pource

que plusieurs Princes nommez Dauphin l'ont tenu.

P A R le priuilege de la donation que Himbert dernier Seigneur de Dauphiné fit de sa terre l'an M. ccc xli x. à Iean Roy de France, autre ne peut estre Dauphin que le fils du Roy regnant. De sorte que l'heritier du Royaume ne s'appelle iamais de ce nom, s'il n'est fils du Roy: ains Monsieur: ainsi qu'auiourd'huy regnant Henry III. lon void Monseigneur François Duc d'Alençon. &c. ne prendre ce tiltre non plus que du temps du Roy Louis XII. François Duc d'Angoulesme depuis Roy, ne porta que ledit tiltre de Monlieur.

O N les veut cōparer à ceux que les Romains appelloient Cæsars destinez successeurs de l'Empire: ou à ceux que les derniers Grecs appelloient *Despotes*, c'est à dire Seigneurs: & dont les Empereurs de Constantinople ont vsé: si l'heritier du Royaume portoit le tiltre de Dauphin. Mais ce nom appartient seulement au fils aîné du Roy regnant. Celuy qui est Monsieur peut mieux estre comparé au Despote Grec.

L E S enfans des Roys Merouingiens estoïét appelez Rois, & leurs filles Roines: comme il appert par toute l'histoire dudit Gregoire: ce qui aussi à esté pratiqué soubz Philippe premier & Louis le Gros son fils. Et quand leurs peres mouroient, les masles des deux premieres races partissoïét esgal-

lement la succession, avec pareille dignité: se faisoient tous appeller Roys des François. Vray est que Dagobert ne voulut qu'Aribert son frere portast tiltre de Roy. Mais quand ce puisné fut paisible de son partage il le prist: & tint son siege à Thoulouse ou il regna trois ans: & selon d'autres neuf.

APRES la mort de Clouis II. Thierry & Childebert ses enfans, n'eurent point de Royaulme, iusques au deces de Clotaire III. leur frere aîné. Car lors Thierry fut pourueu de celuy de Vvestrie: & Childeric d'Austrazie. Et quand ledit Thierry mourut, Clouis III. luy succeda, sans faire part du Royaulme à Childebert, ne à Clotaire ses freres.

AVSSY les enfans des autres Roys qui vindrent depuis (sous le gouvernement des Maires du Palais de France) ne furent plus partis en Royauté ne voulans ces Maires (comme ie croy) amoindrir leur autorité, en faisant deux Roys: qui eussent voulu tenir Cour à part: & par consequence auoir d'autres Maires. De sorte qu'il fut bien facile à Charles Martel, de persuader aux François (lassez des guerres ciuiles) que la Monarchie les mettroit hors des troubles; ordinairement engendrez pour telle equalité de dignité.

ET toutesfois, ceux de sa maison venans à la Couronne, vserent aussi du partage esgal, tant que leurs pieces hereditaires furent

rent grandes. Mais en fin voyans l'incommodité, & l'affoiblissement qui eussent fuiuy les partages, sus partages, ils se rengèrent à la Monarchie. Car apres la mort de Louys III. surnommé d'Angleterre, & plus communément d'outré mer. Lothaire son fils aîné eut le Royaume; & Charles puisné le Duché de Lorraine. Lequel exemple Capet & ses successeurs ont fuiuy, par ce moyen conseruans leur maison en quelque grandeur pour le commencement: mais à la fin ramassans les pieces deschirees de ce grand corps, lequel fut deuenue à neant, qui ne luy eust donné vn chef puissant en authorité, par le moyen de l'hommage qu'il retint avec le ressort des appellations à son Parlement. Tellement qu'au long aller, il a par confiscations, alliances, ou traictez, fait & composé vn tant beau Royaume: tel qu'aujourd'huy nous le voyons reluire par dessus tous les autres de la Chrestienté, en forces, richesses, ou dignitez: excellence de baltiments, & toutes autres marques de grandeur publique, ou priuee.

C

*Des Chapellains , Archi-Chapellains , Maistres
de l'Oratoire , & Clercs de la
maison du Roy.*

CHAPITRE VII.

*Ce cha-
pitre est
adiousté
au liure
du Roy
Henry
III.*



E ne sçauroy pas bié dire quand
noz Roys ont comencé d'auoir
vne Chapelle , & des Chapel-
lains: car il ne me souuient point
que les Merouingiens eussent des gens
pres d'eux ainsi appelez. Et iacoit qu'ils
tinssent des Clercs en leur maison , ie n'ay
point trouué dans Gregoire de Tours (pere
de nostre Histoire Françoise) le mot de
Chapelle ou de Chapellain : & encores
moins d'Archi-Chapellain. Trop bien lit-
on dans noz Annalles , que Fourre (c'est
Vvolrad) Lombard , estant au seruice du
Roy Pepin, deuint Abbé de S. Denis pres
Paris, pour auoir descouuert vne trahison
ou conspiration : & que puis apres il fut
Chapellain & Archi-Chapellain du Palais
Royal: que ie pren pour Maistre de l'Ora-
toire, Chapelle, Clercs, Châtres & leur suit-
te. Car encores auiourd'huy la musique de
la chambre du Roy est composee d'autres
personnes: iacoit que quelque fois on se
serue de mesmes Chantres, & à la Chapel-
le, & à la Chambre.

GREGOIRE de Tours chap. 29. du hui-
ctiesme liure , monstre que les Roys auoiét

des Clercs en leur Palais. Puis que Fredegonde en suborne des siens, pour aller en la Court d'Austrasie, essayer d'entrer au service de Brunehaut, en intention de la tuer, ou le Roy Childebert son fils: sans que ledit autheur, particulièrement declare à quoy ces Clercs estoient employez.

Mais pour esclaircir d'ou vient le mot, il est bien croyable que noz Prelats, viuans apres l'an de nostre Seigneur Iesus Christ. cccc. relaschans beaucoup de choses de la seure doctrine Apostolique, & souffrans parmy les Chrestiens des façons Payennes, sous couleur de gaigner les Idolatres par choses qu'ils iugeoient indifferentes, ne s'aduiferent qu'ils entretenoient les nouueaux Chrestiens en leurs superstitions: faute de contredire beaucoup de ceremonies Iudaïques ou Payennes, ainsi que j'ay dit au second liure de mes Antiquitez.

Or d'autant que de toute memoire, les anciens auoient des Images domestiques (car ce leur sembloit vn grand soulagemēt d'auoir *presentes deos*, disoient les Payens) il est croyable que la superstition n'ayāt peu estre defracinee de nostre France pour les causes que j'ay dites, noz Roys voulurent aussi auoir des choses sacrees particulieres à eux, comme presque toutes nations leurs Dieux *Lares, Penates* & Tutellaires: de tout temps adorez es maisons priuees, ainsi que particuliers deffendeurs, & protecteurs.

DES CHAPELLAINS

Ceux de Laban luy furent desrobez par Rachel sa fille, ainsi qu'on lit en Genese, & arresta le Leuite, la main duquel il beneist pour estre sacrificateur en la maison. Les riches Payés leurs dresseiēt des Ares ou Autels: Car les pauvres n'ayans autre Autel ou Arc que leurs foyers, deuant ces Images domestiques offroient les premieres fleurs & fruits de leurs arbres & terres.

*O nostri paruique Lares quos thure minuto
Floribus & tenui soleo exornare corolla,*
ce dit vn Poëte Latin, duquel il ne me sou-
vient, c'est à dire,

*O nos Lares petis, que d'Encens ie parfume,
De fleurs legers chapelcts, ie pare de costume.*
Et cōme ie croy leurs chātoient des Hym-
nes, sacrifioient & adressoient leurs prieres
accoustumans leurs femmes enfans & fa-
mille à s'encliner deuant.

Or d'autant que pour la commodité des
habitāns des villes les prieres publiques sou-
loiet estre faites à certaines heures, esquel-
les les Princes, au moyen de leurs grands
empeschemens & occupations, ne pou-
uoient pas tousiours assister ne se trouuer:
pour euitier à murmure ou scandale (s'ils
eussent par leur demeure extraordinaire
retardé l'assemblée) ils se firent bastir des
lieux de prieres dedans ou proches de leurs
Palais & Royales maisons, Ces lieux ap-
pellez Oratoires, pource qu'ils y faisoient
leur Oraisons & prieres à Dieu, à la diffé-
-

ce des Temples publics , en aucuns lieux Domes, *de dominicum* Montiers de *Monasterium & Martyrium* : pour auoir les temples premierement esté bastis en memoire des Martyrs renommez , & par autres noms suyuant l'vsage des païs diuers.

Le mesme Gregoire de Tours liure .ix. chap. xii. & xxi. monstre que Ageric Euesque de Verdun, viuât enuiron l'an ccccx. auoit fait bastir dans sa maison Episcopale vn Oratoire, & mis dedans des reliques de Saincts; qui estoit lors chose vsitee. De maniere que nous pouuons dire, que les grâds, pour leurs cōmoditez, pour cuitier vne facheuse presse d'vn peuple mal appris, pour ne se faire point attendre avec ennuy du commun, auoient leurs Oratoires particuliers; & en consequence des gens, qui aux heures commodés aux Seigneurs, faisoient les ordinaires prieres des Chrestiens. Mais qui voudra prendre le fait plus haut, il est certain que l'Empereur Cōstantin le Grād, (dit l'histoire Tripartite liure i. cha. ix.) accoustumât les soldats de seruir Dieu cōme luy, il marqua leurs armes (ie croy leurs enseignes) du signe de la Croix, pour le moins du Monogramme & chiffre de Christ.

mesme ayant *in regalibus* (ie croy Palais Royaux) basti vn Oratoire, il faisoit porter quant & soy encores *tabernaculū* (vn Pauillon ou Tabernacle) comme vne Eglise. Des Prestres aussi le sui-

DES CHAPPELLAINS

uoient, & des Diacres seruans à ce tabernacle : lesquels fuiuant l'ordre ecclesiastique, accomplissoient le seruice necessaire. Dès ce tēps là, les cohortes Romaines que maintenant (dit ladite histoire) lon appelle Nombres (c'estoient les compagnees des gens de guerre) chacune firent vn tabernacle particulier pour soy, & auoient des Prestres & Diacres. (Cc qu'ils ne firent pas sans exemple, non seulement de Constantin, mais encores des Empereurs payens precedents. Car de tout temps les Romains auoient dans leur camp vn lieu nommé *Principia* : où estoient les Aigles, enseignes & images des Empereurs : deuant lesquelles ils sacrifioient comme aux Dieux protecteurs gardes du camp & de l'Empire, ce dit Tacite & Tertullien.)

L'EMPEREUR Iustinian auoit vng lieu particulier que dans vne Nouvelle il appelle *ἐκκλησίαις οἰκίαις* voulant dire, maisons de prieres & *Oratoria* en Latin du temps. L'Emperiere Constance femme de l'Empereur Maurice cinquante ou soixante ans apres, escrit à Sainct Gregoire le grand Pape, qui viuoit l'an ccccxc. pour luy enuoyer des Reliques des Saincts Pierre & Paul, en l'honneur desquels elle auoit faict bastir vne Eglise dans son Palais de Constantinople. Ainsi donc noz Roys, tant à cause des guerres & des voyages (que pour diuerses occasions & necessitez ils estoient

contraincts de faire par leur Royaume) si aisémēt, ne pouuans assister aux prieres publiques, voulurent auoir des Clercs ordinaires à leur suite, pour les seruir en leurs Oratoires, quelque fois portatifs : puis que nous lisons en plusieurs endroits dudict Gregoire de Tours, que beaucoup de Parlements se renoiēt en la campagne, & que les grands, voire les Euesques & Abbez, estoient contraincts porter des tentes & pauillons pour se heberger.

ENCORES estant deffendu de leuer vn Autel sans premierement enfouir dessous des reliques de Martyrs, pour authoriser ces Autels champestres, il falut aussi auoir des reliques portatiues : avec ce que les François venus depuis l'an ccccc. de nostre Seigneur Iesus Christ, en furent tant curieux, que sainte Ragonde Royne, ayant fait bastir vn Monastere à Poitiers, pour y loger des filles enuiron cccccx. enuoya iusques en Orient chercher du bois de la propre Croix ou nostre Seigneur auoit esté crucifié : & lequel apporté, ainsi que lon pensoit, elle fit mettre dans l'Eglise de son Monastere, qui en a pris le uom de Sainte Croix. (Donnant exēple de si grāde deuotion à d'autres,) que non contens de fieschir le genouil deuant telles reliques (biē souuent incertaines) & possible mesprisees pour ceste cause, par Maroul lors Euesque de Poitiers, qui ne voulut met-

tre ce bois dans l'Eglise de sainte Ragonde) ils les portoient au col; ainsi que des preseruatifs. Et d'autant que S. Martin iadis fut tant reueré par les Gaulois & François Chrestiens, qu'ils le tenoient pour l'un de leurs principaux Apostres, pour plus grande memoire de ses biens faits, ils datterent leurs chartes & instruments publics & priuez par l'année de sa mort: estant son corps tellement reueré pour les miracles qui ordinairement aduenoient à son sepulchre, que beaucoup de differents se vuidoient par les serments que les parties faisoient dessus; & pource que du commencement de l'usage des reliques, les Occidentaux estimoient que ce fut sacrilege de dissiper & desmembrer vn corps de Saint, pour en tirer vne piece (ainsi que le mesme Gregoire Pape en sa responce faite à ladite Constance Emperiere; sous parolles couuertes, reproche aux Orientaux leur irreligieuse coustume, il est croyable (dis-ie) que nos Roys François ne pouuans auoir le corps de Saint Martin tout entier, pour leur seruir de garde ordinaire, trouuerent moyen d'en obtenir la chappe, laquelle selon l'aduís des plus deuotieux, estant la principale relique de leur Oratoire (car les iours de bataille nos Roys la portoient sus eux pour estre gardez de mal & de fortune de mort, (ce dit Rhenan apres vn Auteurs ancien) il peut bien estre que de vray ou par sobri-

quet ces garde-chapes furēt appelez Chapellains au lieu de Clercs, ainli que souloient estre nommez leurs predecesseurs.

CE que ie dy de ceste Chappe Martiniane, se prouue par vn escrit d'un liure que Rhenanus dit estre du Monastere de Nouient, & dit : *Quendam optimum dictatorem & scriptorem in Capellam suam assumpsit, quo nomine Francorum Reges Capam Sancti Martini, quam secum ob sui tuitionem & hostium oppressiōnem iugiter in bello portabant & sancta sua appellare solebant.* De ces Chapelles & Chapellains est fait mention au LXXXII. chap. du v. liure des Capitulaires de Charlemaigne. Au Synode d'Aix chap. ou Canon v. en celuy de Rheims, Can. v. ils sont appelez *Capellani presbyterij*.

LES Archi-Chapellains du Palais des Roys de France iadis tenoient grand lieu; puis que Dreux Euesque de Mets, fils bastard de Charlemaigne, le fut. Comme aussi Hilduin Prince François, Abbé de S. Denis, & de Saint Germain des Prez, du tēps del'Empereur Louys le Debonnaire. Aussi Vvalafriid Strabon semble parler de ceuxcy, quand il dit : *sunt & illi quos summos Capellanos Franci appellant Clericorum causis prelati.* Comme encōres aujourd'huy le maistre de l'Oratoire du Roy a l'intendance sus la Chappelle Royale : & viēt sçauoir du Roy en quel temps & lieu il veut ouir le seruice diuin, se communier, ou confesser.

DES CHAPELLAINS

CESTE charge a tousiours esté exercee par de grands & honorables Prelats: & les Roys ont esté fort curieux d'y auoir des hommes de marque. Mesmes quand les Royaumes François ont esté partis entre plusieurs freres Roys, il semble que chacun a voulu auoir vn Archi-Chapellain de son Palais: puis que l'Euesque d'Angoulesme pretend destre Archi-Chapellain des Roys de France, quand ils sont en Aquitaine: soustenans que Launus Euesque d'Angoulesme du temps du Roy Pepin le Brier, ou le Court estoit aussi Archi-Chapellain de son Palais: & pour ceste cause, leur auoit acquis ce droit. Mais la Chronique d'Angoulesme dit, que Louys le Jeune venant en Guyen l'an m. c. . . . quand . . . Euesque d'Angoulesme, voulut vser de ce droit, le Roy l'empescha d'en iouir

Pour le regard des Clercs de la Chapelle, lon trouue en de vieilles Annalles Latines. que les Roys en auoient plusieurs à leur suite; desquels ils prenoient le serment auant que de les receuoir à leur seruice, & leur distribuoiét des benefices vacās. Ne pouuās lesdits Clercs, qui auoient ainsi donné leur foy, laisser ce Roy: non plus que les vassaux liges les Seigneurs, à qui ils s'estoient donnez. Car c'est ce que le Roy Charles le Chauue reproche à Thiote Clerc de sa maisón (sic croy Chapelle ou Oratoire) qui sans la permission de luy son Roy, auoit

receu l'Euesché de Bayeux enuiron l'an
VCCCCIX.

IL est possible que ces Clercs estoient
aussi petits Chancelliers, c'est à dire, Se-
cretares. Car il se trouue en la xxviii. Epi-
stre de Loup Abbé de Ferrieres en Galti-
nois, que du temps de Charles le Chauue,
il y auoit vn *Ludonicus magna indolis, epistolare
in platio gerens officium*. Mais cetuy-cy semble
auoir esté dauantage : & comme vn Chan-
cellier ou son Lieutenant: car plusieurs let-
tres de ce temps là, ont à la fin ces mots: *ad
Vicem N. Archicancellarij*, & ledit Rhenanus
en la Preface du liure intitule, *Missa Diui
Ioannis Chrysostomi*, est de cet aduis, & dit
auoir veu des tiltres ou sôt escripts ces mots
*N. Cancellarius ad Vicem N. ad Vicem Archi-
cappellani recognoui*. Et du temps du Roy Ro-
bert & Henry son fils, Vvlgam (depuis
Chancelier, & dont les Allegrains noble
maison Parisiène se disent venir) s'appelloit
Clericus Palatinus: ie ne sçay pas si pour estre
de la Chappelle, ou pour auoir esté Secre-
taire de la maison Royale: Mais il est bien
certain, que les lettres estans lors si fort
abastardies, que n'y ayât plus que les Moi-
nes & autres gés d'Eglise qui les sceussent
lon appella les sciences Clergié, & Clercs,
ceux qui les sçauoient. De maniere, que la
plus part des Laïcs ne sçachans ne lire n'es-
crire: necessairement il falloit, pour la
commodité du public que les Clercs Ec-

clesiastiques deuissent Notaires ; & par consequence noz Roys les prendre au lieu des Chancelliers ou des *Domestici*, dont i'ay parlé à mes Antiquitez (& ja congnyus du temps des Roys Merouïngiens) pour faire l'estat de Secretaire pres des Roys & de leurs Lieutenans.

MAIS les derniers Roys tindrent ces Clercs de deux sortes : assauoir des Secretaires Ecclesiastiques & des Laïcs ; qui souloient auoir bouche à cour, & droit de ferrage pour leurs cheuaux, avec sept sols & demy de gaiges par iour, lors vallans demy escu : si i'ay bonne memoire de ce qui est escrit en vn estat de la despence du Roy S. Loys, & qui est en la châtre des Comptes au liure *Pater*, ce me semble.

IE ne puis bien certainement dire quand ces Clercs ont pris le nom de Notaires & Secretaires de la maison & Couronne de France.

P'AROUSTRAY encores que les Clercs & Secretaires Royaux pretendent (& non sans raison, & pour plus grande majesté de l'autorité Royale, maison & Couronne de France) qu'eux seuls doiuent porter le tiltre de Secretaire. Et que ceux qui escriuent souz les autres Seigneurs, qui ne sont des Fleurs de Lis, ne doiuent prendre que la qualité de Clerc de tel & tel Seigneur. Comme du temps de noz peres, les grands Seigneurs mieux apris, n'appelloient leurs

gens, qui sçauoient escrire leurs Mandemens & lettres, que Maistre Iean ou Maistre Pierre, & mon Clerc. La ou ceux du Roy, dès vn temps immemorial se sont dits Clercs, Notaires & Secretaires de la maison & Couronne de France, iouyssans de tres-grands priuileges, comme domestiques du Roy.

Avec ce qu'en ce College il y a tousiours eu de grâds personages, & principalement Gerard de Montagu pere de Iean; monté en tel credit du temps de Charles cinquieme, qu'en fin il fut grand Maistre de France, & bastit Marcoussis Monastere & Chasteau, lequel Gerard mit par ordre les Chartres du Roy. Allain Chartier fut aussi fort estimé pour son eloquence & industrie, lequel ayant beaucoup aydé le Roy Charles septiesme pour le recouurement de son Royaume occupé des Anglois, merita que en sa faueur le Roy Charles huietieme octroyast aux Secretaires lettres d'ennoblissemens, pour eux & leurs successeurs. Monsieur Budé, le Soleil de la France en lettres, fut aussi Secretaire du Roy, & assez d'autres grands & doctes personages, que ie ne puis tous nommer.

Des Officiers domestiques.

CHAPITRE VIII.

LA pluspart des Officiers domestiques de la premiere & seconde maison, voire de la troisieme, estoient esclaves ou affranchis, que l'on emploioit au manimēt du patrimoine ou domaine du Roy. Ainsi voyez vous dās gregoire, que Marilef premier Medecin du Roy Chilperic, est réduit à l'Eglise de Tours: cōme ayāt esté esclave d'icelle. Droctusi Bail & nourricier du Roy Childebit, & Septimine sa nourrice réuoyez, l'un à labourer les vignes, l'autre à tourner la meulle, qui fournissoit la farine des femmes de la maison Royale. Et quād Chilperic enuoye en Espagne Rigunthe sa fille, tous les Valets de chābre, Cuisiniers, Boulangers, & aultres menus officiers, sont tirez d'entre les Fiscalins : c'est à dire, des enfans ou affranchis nourris és maisons & terres du Roy. Aussi à leur retour Fredegonde les chastie en esclaves: dōt il ne faut s'esmerveiller: Car les Roys tenoient leur mesnage & viuoient de prouision.

LE mesme Gregoire en la preface du cinquiesme liure dit, parlant aux Roys, Que faites vous? que cherchez vous? quelle chose est ce que n'ayez en abondance? toutes delices foisonnent en voz maisons:

le Vin, le Bled, l'Huile, regorgent en voz Greniers & Celliers. L'or & l'argent se void par monceaux dans vos trefors. Comme aussi par le xxxiiii. Chapitre du mesme liure Fredegonde dit à Chilperic. Quoy? noz Caues ne regorgent-elles pas de vin, noz Greniers ne sont-ils pas réplis de Froment? noz trefors ne sont-ils pleins d'or & d'argent, Pierres pretieuses, Carquans & autres ornements Imperiaux?

ILs auoient iusques à des Salloirs. Car la mesme Roynie, au liure vi. Chapitre. vx. reproche à Nectaire, qu'il auoit enleué des Celliers du Roy, tant de la chair sallee que du vin. Et cette façon de viure de provision est encores gardée par aucuns Princes d'Alemaigne: lesquels en la saison, font des Chasses generales, ou ils prennent cent, deux cens & plus, de Sangliers ou Cerfs, qu'ils font saler pour en partie nourrir leur famille.

CE Vx qu'au temps de Gregoire l'on appelloit *Domestici*, apprestoient les choses necessaires au Roy, allant aux assemblees, Sânes, ou Parlements Generaux. Car ledict Autheur liure x. Chapitre xxxviii. dit: A ce Parlement se trouuerent plusieurs de son Royaume, tant Domestiques, que Côtes, pour fournir à la despence Royale. Ce qui a duré pour le moins, iusques à l'an vccLxxx: puis que nous trouuons que Guy de Spolete depuis Empereur, en

DES OFFICIERS

contention avec Berenger de Frioul, perdit le Royaume de Frâce, pour l'avarice de son Maître d'hostel, qui marchanda avec l'Euesque de Metz, pour faire contenter son Maître, à moins de la moitié des viures que l'Euesque deuoit fournir au Roy. Et que dās des anciens comptes des Roys il est fait mention des Giltes, que les Abbez leur doiuent passans par leurs Abbayes. l'adiousteray, que le *Domesticus* des derniers Empereurs Romains estoit, selon Procope, comme Cōseiller & Secretaire d'un Lieutenant general, de sorte que ce n'est de ceste heure, que les Secretaires de la Maison & Couronne de France, pretendents ce droit, d'assister lesdits Lieutenans Generaux.

LES Roys auoient aussi des Haras: specialement en Touraine: & autre part, selon l'aissance des lieux commodes & fournis d'abondant pasturage. Car le mesme Auteur dit au XL. chait. du huitiesme liure, qu'un certain Pelage ne craignoit aucun iuge, pource qu'il estoit garde des bestes cheualines du Roy: que ie pense auoir esté un *Mariscalus*, tel que ceux dont fait mention la Loy des Allemans, & dont ie parleray tantost.

ENCORES est remarquable ce qui est dit en la vie de Louys le Debonnaire fils de Charlemagne: Que lors qu'il estoit Roy d'Aquitaine, il auoit audit pais quatre Palais pour y viure les quatre saisons de l'annee:

nee : des prouisiōs que lon y auoit retirees, pour soullager le peuple du *Foderum* (qui est le Fourrage) que les gēs de la suite des Roys prenoient sur le plat pays. Quant aux autres Officiers pour la Iustice ou pour la guerre, iacoit que bien souuent ils fussent pris des domestiques & gens nourris pres des Roys, il y en auoit aussi de tirez des Gentils-hommes de marques, demourans par les prouinces : employez selon leurs merites & capacitez ; ou la faueur qu'ils pouuoient acquerir pres des Roys.

Des Sieges Royaux.

CHAPITRE IX.



VAND au Siege Royal de noz Roys, il a esté diuers ; selon les partages.

GREGOIRE Archeuesque de Tours dit ; Que Clojon habitoit le Chasteau de Disparg : qui est sus la Riuiere du Rhin : que lon pēse estre Diuifbourg, à . . . lieues de Cologne.

ET il y a grande apparence, que depuis il le tint à Tournay, Arras, & Cambray ; quand il eut pris ces Villes, & aduancé ses conquestes iusques à la Riuiere de Somme ; courant la plaine d'Artois : ainsi que dit Sidoine Apolinaire, en vn Panegiric.

LE melme Gregoire, dit manifestement à la fin du second liure ; Que Clouis apres

D

DES SIEGES

auoir deffait les Gots^s, establit son Siege Royal à Paris : mais quand il fut mort, les enfans choilirent pour Sieges, Rheims, Orleans, Paris, & Soissons.

ENCORES ne fault-il penser, que celuy qui auoit le Siege de Paris, eut preference sur ses freres à cause de cette Ville: car tous s'appelloient Roys des François. Et pour môtrer que le Siege de Paris n'estoit point plus que les autres ; vous voyez dans le meisme Gregoire, que Paris aduint à Chilperic troisieme enfant dudit Clouis : & que Aribert aîné, de Clotaire premier ne l'eut que par sort.

Si lon dit que Chilperic fils dudit Clotaire s'en faislant auant le partage fait avec ses freres, monstroît qu'il l'estimoit d'auantage que les autres, ie respon, que c'estoit l'assiette commode qui l'inuitoit, & pource qu'elle estoit plâtee au milieu de la France de ce temps-là ; qui ne passoit la riuere de Loire. Ioint que nous n'auons point de Chartes, ne tesmoignage d'Historien du temps, que le Roy de cette ville seul, portast le tiltre de Roy des François.

Av cōtraire, soubz les deux Tetrarchies (cest à dire quatriesme portion de Royaume) qui aduindrent en Frâce apres la mort de Clouis, & Clotaire premier, Rheims ou Metz, Orleans, Paris, & Soissons, furent Sieges Royaux.

VRAY est que les Roys venus depuis

Dagobert, s'aimèrent à l'entour de Paris: comme aussi Charles Martel & Pepin son fils. Mais Charles le grand étant nay fus le Rhin, & ayant trop souuent affaire contre les Sefnes (qui sont les Saxons) & prenant plaisir aux bains d'eauë chaude qui sont à Aix (depuis nommée la Chapelle) fait croire que ce fut son principal Siege.

L O V Y S le Debonnaire se retiroit volontiers à Thionville.

C H A R L E S le Chauue à Compiègne.

L O V Y S d'Outremer à Laon.

E T ie croy que Capet n'estant Seigneur vtile de grâdes villes (que de Paris, Orléans & Laon) fit son Siege de Paris: non tant pour auoir esté l'ancien tiltre de son Pere, que pour estre en pareille distâce de Laon & d'Orléans: seules villes qui luy restoiēt en domaine du Duché ou Marquisat de France, desmembré; pour en Fiefuer les pieces à ses confidents: tels que les Seigneurs de Mont-fort, Mont-lehery, Corbeil, Dourdan ou ceux de Garlande: & d'autres voisins de la Forest d'Iueline: en ce temps appelée *Aquilina* (*ab aquis*) c'est à cause des eauës ou des yues (en viel langage appellees Iuments) contenans presque tout le Comté de Mon-fort. De sorte que les successeurs dudit Huë Capet, ont continué d'habiter ce quartier.

A I N S I que fit le Roy Robert: Qui semble auoir basti le Chasteau & l'Eglise nom-

D ij.

DES MAIRES

stre Dame d'Estampes & de Poissy & mesmes fit vn Palais à S. Martin des Champs.

ENCORES dit-on , que Louys le Gros ferma premicrement le Louure , pour y venir faire l'homage des grandes terres ; & de celles qui estoient voilines & de la Preuosté de Paris au Chastellet (ancien fort de ladicte ville:pource que chaque Seneschal ou Bailly , receuoit les hommages des petits fiefs vassaux de sa Prouince , ou ressort qui luy estoit baillé en garde:affin de congnoistre ceux qu'il deuoit mener en guerre , ou à qui il estoit tenu de rendre iustice.

Des Maires du Palais, Seneschal, Grand Maître, Grand Escuyer de France.

CHAPITRE X.



A premiere dignité domestique estoit le Maire du Palais. Qui fut comme vn Lieutenant General : & est la cause pourquoy on le compare aux Prefaits du Prétoire des Empereurs. Il est vray que les premiers Maires, n'auoient pas tant d'autorité sous les Roys sages & vertueux ; que durât le regne des mal-aduisez ou mineurs d'ans. Le Maire (à mon aduis) eut premicrement charge de la maison du Roy ; & de la iurisdiction sus les officiers domestiques. Aussi s'appelloit-il *Maier*, de

Maior: nom tiré du Latin qui signifie Majeur & premier ou plus grand: estans aucunes fois employez hors de la maison à choses de la Police: comme il se trouue au xxx, chap. du ix. liure de Gregoire: ou Charlebert II. enuoye Florentin Meier & Romul Côte de son Palais pour rassoir & esgaller le tribut de Touraine & de Poitou: confondu par la mort de plusieurs: & tombant sus les veufues & orphelins. Mais depuis, l'insuffisance de leurs maistres, & l'ambition de ceux-cy les ayant aduancez, ils empieterent sus la gendarmerie, & voulurent estre comme leurs Lieutenans, & reformateurs de tous les officiers du Royaume.

Ainsi voyez vous dās Fredegair ou Idace continuateurs de l'histoire de Gregoire de Tours que Flaocat Maire du Palais de Bourgongne, veut chastier Vvillibauld Patrice du mesme pays. Car si vous croyez ledit Autheur, les Seigneurs François eslissoient le Maire du Palais Royal, pour estre comme supérieur de tous autres Officiers: & possible, representent le *Præfectus Prætorio*, iadis enuoyé en Gaule, pour Lieutenant des Empereurs Romains, en guerre & administratiō de la Iustice: ainsi que ledit Autheur monstre par l'exemple de Gogon pourueu de cet estat du consentement des Nobles, & suiuant la quittance que luy en fit Chrodin: laquelle histoire i'ay assez au

long recitee en mes Antiquitez, tant pour memoire de la vertu dudit Gogó, que pour monstrier la jurisdiction, puissance & authorité du Maire; si grande à la fin, qu'affoiblissant celle des Roys Merouingiens, elle donna occasiõ à Pepin d'occuper le Royaume de Frãce. Qui fut la cause pourquoy ce Prince parvenu à la Couronne, n'vsa point de ce Magistrat: craignant (ie croy) vne pareille audace que la sienne. Mais il retint celuy de Conte du Palais: pour oüir les causes & differens des gens de sa suite: & pour le regard du soing des autres affaires domestiques, il auoit vn autre officier appellé *Præpositus mensæ, Scalco ou Siniscalco* en langaige Franc Theuch, qui entendoit sus la viande: sans qu'il y eut plus de Maire ou Lieutenant General. Pource (doit-on croire) que luy mesme ou ses enfans menoient les armées, & se trouuoient aux entreprises.

CET officier s'appella depuis Seneschal: qui est vn mot François: qu'autrefois suivant l'opinion d'autres, i'ay pensé signifier vieil Cheualier, comme s'il eust esté composé du *Latin senex* ou *senior* dont vient Seigneur, & de *chal* que lon veut dire Signifier Cheualier en vieil Frãçois. Toutesfois i'ay depuis changé d'aduis.

IL y auoit deux sortes de Seneschaux, les vns frãcs & honorables, les autres serfs. De ceu-cy parle la loy des Allemans, tiltre

XII. de celuy qui a occis des Pasteurs ou Artisans §. II. Si le Seneschal d'aucun qui'est serfest tué, & son maistre est tel qu'il aye XII. vassaux en sa maison, il payera XL. sols de composition. Lequel Seneschal neantmoins, lesdites loix sous le mesme tiltre & §. v. font different de *Coquus*, c'est à dire Keux ou Cuisinier.

L'autre espee desdits Seneschaux estoit d'hômes Francs & Gentils-hommes notables: qui auoient intendence sus le boire & le manger du Roy, & tout l'ordre de sa maison, soit pour la Salle, paremēt de Chābres, que de cheuaux, & generalement de toute la despence domestique.

QV'IL eust intendance du māger sous la deuxiesme race, il appert par la Chronique: laquelle entre les Seigneurs occis en la iournee de Roncevaux remarque Egibart: qu'un Autheur du temps appellé *Præpositus mensæ*: vn autre *Scalco*, vn troisieme *Princeps coquorum*, qui est le maistre Keux.

SOVS la troisieme race, & par les Romains composez du temps de Philippe Auguste, ou bien tost apres, ils donnent au Seneschal, la principale charge de faire couvrir les tables de viandes. Car au Roman de Raoul de Cambrai, il est dit:

Son Senechal, a Raoul appellé

Qui d'el manger le seruoit mieux à gré.

Et au Roman de la Charrete, composé par Godefroy de Leigny apres Chrestien de

D iij

DES MAIRES

Troyes (qui commença.) dit:

Si Senechal firent cueillir

Les napes quand il le couvint. &c.

Au Roman de la Roze, ou de Guillaume de Dole qui est autre que cestuy de Guillaume de Lorris & de Jean de Meung.

* meure *Ni a nul qui de faim ne muire **

* bois *De ceux qui ont en bos * esté*

Porce ont li Senechal hasté

A la cuisine lor viande. &c.

Et audit Roman de Raoul de Cambray.

Et li Baron sont as tables assis

Li Senechal s'en sont been entremis.

De bien servir chacun fut bien apris, &c.

Ce qui monstre qu'il y en auoit de moindres. Quant au grand ou Guerrier, il portoit la Banniere de France: Car il dit,

De tote France le fit gon fauonnier

*Et Senechal pour t'enor * excaucier.*

* tō hō-
neur.

Car au Roman d'Aubry le Bourguignon il est dit:

* serex

*Senechaux iet ; * m'enseigne portera*

Et de fait il me souvient que François Duc de Guyse, porta la Banniere de France à l'enterrement du Roy Henry II. au lieu du Grand Maistre. Pour le moins il estoit chef d'armes. Car au Roman de Garnier de Nanteuil il est dit:

De Thichault d'Aigremont ot fet son Senechal

* guider.

*Por ses hommes guier * en la terre mortal.*

Robert Abbé de S. . . . de Rheims au quatriesme liure de son histoire en dit au-

tât du Dapifer qui est le Seneschal. Ce iour l'Euesque du Puy (ie n'ay plus le Latin, ie l'ay perdu avec mes autres liures) perdit son Seneschal qui souloit porter s'enseigne (c'est à dire son Enseigne) en la bataille. Et cest Abbé Robert scait bien ce qu'il dit: Car il se trouua au sermon de Clermôt, où se fit la premiere croisade.

G V I L L A V M E Archeuesque de Sur, c'est Thir, au IIII. liure chapitre v. de l'histoire d'Outremer c'est la conqueste de Ierusalem dit: *Alexius Mega domestici dignitate (quam nos maiorem Scenescalem appellare consueuimus) fungeretur officio ab Imperatore secundus*, c'est à dire Alexis pourueu de l'estat du grand Maistre que nous appellons grand Seneschal, & est le second apres l'Empereur.

LE Roman dudit Raoul luy fait porter en vne Cour pleniére & Royale, vne verge: ie croy en lieu de baston que porte le grand Maistre, Car il dit:

Après monterent en la Salle pance,

*Li Senechaux à la chere membree **

Tint en sa main vne verge pelee;

Il s'escria à moult hault balenee

Oiez Baron, France gent henoree

Quelle parolle le Roix, vous a mandee:

Ni a celui si ceans fait meslee

Qui ains le vespre n'ait la teste tranchee. &c.

Ceste verge ou baston signifie qu'il a Iurisdiction, & peult frapper ceux qui sont cōtre les Ordonnances.

* c'est à dire plaine et virile.

DES MAIRES

Av mesme Roman il luy fait distribuer les logis de la maison du Roy: Car quand Garnier & Gaultier se furent combatus, estans blesez ils furent couchez en mesme chambre par ordonnance du Seneschal,

Grans fu la Cor, ens el Palais

As hautes tables sirent li Chevalier

Li Senechaux ot moult a enseigner

Ensemble mit Gaulterot & Garnier, la où Enseigner signifie là: il eut assez à faire à enseigner où ils deuoient loger: & quelle estoit sa chambre, ou respondre à ceux qui luy demandoient leurs necessitez.

LE Roman intitulé Siperis de Vineaux, descouvre que le Seneschal signifioit grãd Maistre.

Je irai avec vos es primerains Cembaux

As grans cops departir veux estre Senechaux c'est à dire le premier, & (comme ie pèse) le Maistre.

Et en la Fable de l'Aigle & de l'Autour, il fait le Seneschal Lieutenant & premier apres le Roy. Côme aussi vne vieille Chronique Françoise qui dit: En ce tēps Ebroin le Senechal, qui auoit occis S. Leger fut occis de glaive: ainsi comme le Sainct luy auoit dit. Et neantmoins toutes les Chroniques Latines appellēt le meisme Ebroin *Maior Palatij* Maire du Palais.

LE Roman de la Roze, sous le nom de Guillaume de Dole, parlant d'un Seneschal, dit:

Qu'il estoit tot en sa maison

Commenderres apres le Roi.

IL est bien certain, par les Chartes, portans le nom des premiers Roys de la famille de Capet, que *Senescallus* & *Dapifer* est tout vn. Car au temps passé les Chartes lettres & iugemens de cōsequeunce, estoient soubz signez des principaux officiers domestiques : cōme entre autres la Charte par laquelle le Roy Louys le Jeune, casse les mauuaises coustumes d'Orleāns, il est dit: Donnees à Paris l'an MCLXVIII. au Palais où estoit le Queux (la cest *Comes*,) Thiebault nostre Seneschal: Guillaume, Bouteiller, Renaux, le Chambrier: Raoul le Connestable. &c.

DEUX ans apres, le mesme Roy en la Charte par laquelle est defendu de mener marchandises de puis le pont de Mante iusques à Paris, si le Marchant n'est associé avec marchand de Paris, la soubz-scription porte. *Anno incar. MCLXX. Astantibus in Palatio nostro quorum nomina subscripta sunt & signa. S. Comit̃s Theobaldi Dapiferi nostri Mathei Camerarij, Guidonis Buticularij, Radulphi Constabularij data per manum Hugonis Cancellarij Episcopi Sueffionēsis.* De sorte que vous voyez que celuy qui a tourné en François la charte de l'an MCLVIII. (car celle que j'ay leüe n'est que coppiee) a pris *Dapifer*, pour *Seneschal*.

MAIS Theülf en sa Chronique Latine

de l'Abbaye de Marigny pres d'Estempes mōstre cela euidemment. Car il dit en Latin (& i'ay perdu mon Original avec plusieurs de mes autres Liures) Quād Guillaume Dapifer (qu'on appelle Seneschal) frere d'Ansel fut mort, Estienne Chācellier, frere des deux susdits fut fait Maire, ou grand Maistre de la maison du Roy. Ce que iamaïs on n'auoit ouy dire, qu'un homme ja Diacre fut chef de gens de guerre pres du Roy. Et le mesme Estienne Chācellier laissa la Seneschauſſee qu'il disoit posseder par droit d'hoirie, & fit sa paix avec le Roy Louys & Philippe son fils par le moyen de sa mere. Ce qui aduint (cōme ie pense) l'an m c x x i x. ou x x x. Et puis que vous voyez que autre chose est Seneschal ou Dapifer que *Buticarius*, cela me confirme que l'estat de Seneschal est celuy de grād Maistre.

CAR en la Charte du Roy Philippe le Bel donnee en l'Aumosne de Citeaux l'an m c c x c i x. le Mardy apres l'inuention Saint Estienne : il defend à aucun de prendre viures à Paris au taux du Roy, fors luy, la Royne, ses enfans qui sont en sa main bournie, le Chamberier, Connestable, Bouteillier, Seneschal, & Chancellier de France. Par laquelle Charte vous voyez cēt estat osté du rang qu'il souloit tenir, cent ans au precedent, lors qu'il estoit le premier degré d'honneur.

A VSSI vous lisez en Sigebert, que le

Comté d'Anjou tenoit cet estat en fief: car il dit l'an MCLXX. à la Chandeleur, le fils du Roy d'Angleterre se trouua à Paris: & seruit le Roy de France à table comme Seneschal de France: ou comme lon disoit anciennement, Maire du Palais Royal.

ROBERT Roy de France donna l'estat à Geoffroy Comte d'Angers, en recompense de l'aide qu'il luy auoit faicte contre Othon Empereur d'Allemagne: Mais ie ne sçay pas comme lon pourroit accorder ce passage de Sigebert avec la Charte cy dessus alleguee de l'ā MCLXX. portāt le nom de Thibaut Dapifer. Et encores ce que la Chronique de Morigny dit, que vn Anselus (que ie pense estre Anceau de Garlāde) estoit Dapifer & *Cōsiliarius regis* l'an MLXXIII. ou LXXIII. Et en vne autre de la vendition de la place, faicte par le Roy Louys le leune aux Bourgeois de Paris donnee à Chasteau Lādon en l'an MCXLI. du regne le v. où il y a *Signum Radulphi Viremandiorū Comit̃is Dapiferi nostri, Guillelmi Buticularij, Mathei Camera-rij Mathei, Constabularij per manum Cardini Cancellarij*. De sorte que de ce temps là, les Comtes des Vermandois tenoient l'estat de Dapifer, comme aussi depuis il demoura longuement en la maison de Champagne: Encores quelquefois lon trouue *Dapifero nullo*, comme en la Charte confirmatiue au droit que les marchāds de Paris ont de pouuoir descharger du sel à Auxerre,

DES MAIRES

ou le Roy Philippe Auguste dit: *Presentem paginam sigilli nostri autoritate, & regij nominis Caractere inferius annotato confirmantes. Actum apud Loricum (c'est Lorris) anno ab incarnatione Domini M. ducentesimo: regni nostri anno vigesimo primo Astantibus in Palatio nostro quorū nomina subscripta sunt & signa. Dapifero nullo (ie croy à cause de la minorité des Comtes de Champagne) S. Guidonis Buticularij S. Mathæi Camerarij S. Droconis Constabularij, data vacante Cancellaria.*

Si ce n'est que le Comte d'Anjou fut le grand Seneschal, & les autres moindres & seruaens en son absence, ainsi qu'il appert par la relation mise à la fin de ce chapitre: ou que les Roys courroucez contre les Comtes d'Anjou enleuez pour leurs biens, eussent mis en leurs places ceux de Vermandois & de Champagne.

En fin ie trouue que Froissard au xxxii. cha. du quatriesme volume de son histoire, dit. Le gentil & loyal Cheualier Messire Thomas de Percy auoit esté vn grand tēps
 ” souuerain Escuier de l'hostel du Roy d'Angleterre, c'est à dire en François Maistre &
 ” Seneschal. Car tout l'estat du Roy passoit
 ” par luy. Et aussi conuient-il qu'il soit passé
 ” par l'Escuyer, quiconque il soit.

” CELA confirme ce que j'ay trouué en vn Roman, que le Seneschal auoit charge de presenter le Cheual au Roy: Car le nom d'Escuyer ne vient pas seulement du serui-

ce de ceux qui portoient l'Eſcu des Cheualiers, mais auſſi de *Scuria*, c'eſt à dire en vieil François Eſtable: dont vient le mot Eſcurie & d'Eſcuyer: celui qui maintenant a la charge d'amener le cheual au Roy, & de porter ſon eſpee. Je confeſſe bié que lon appelle aux vieilles Chartres *ſcutifer* celui que nous diſons Eſcuyer: & *Miles* le Cheualier: mais c'eſt tard, & pour le plus toſt ç'a eſté du regne de Charlemagne, que ces mots ont eu lieu. Car au temps de la premiere famille, il y auoit vn Comte de l'Eſtable (voire ſoubs ledit Empereur) qui auoit ſoin des cheuaux Royaux. Et côme i'ay dit *Scuria* ſignifioit Eſtable; ainſi que vous trouuez au dixhuitieſme tiltre de la Loy Salique, article troiſieſme. *Si quis Scudem cum Porcis, Scuriam cum animalibus, aut fœmile incenderit. &c.* C'eſt à dire, Si alcuna brulé la Porcherie avec les Porcz, l'Eſcurie avec les beſtes, ou le fenil &c. le grand Eſcuyer pare ſes armoiries de l'eſpee au fourreau & ceinture ſemez de fleurs de Lis.

A v Roman de la cõqueſte d'Outremer faite par Godefroy Duc de Bouillon compoſé par Gandor de Douay, & en vn autre il eſt dit:

Les tables ont oſtees Sergent & Eſcuyer. &c.

Auquel lieu l'Eſcuyer commence d'approcher de la table comme aujourd'huy les Eſcuyers & Varlets tranſchans, & dont ſeront monſtrez cy apres les exemples.

DES MAIRES

IADIOVSTERAY pour esclaircir quels
 estoient iadis les droitz du Seneschal de
 France ce qui est en vn liure de l'Abbaye
 de S. Aubin d'Angers, & qui semble estre
 vn proces verbal, raport ou tefmoignage
 ancien de quelque Cheualier commis pour
 faire la relation des droitz du Seneschal de
 France, sur le differend qui lors estoit entre
 le Roy Louys le ieune & Henry II. fils de
 Geofroy d'Anjou, & Mahaut d'Angleter-
 re fait enuiron l'an mcl. ou plus tard, elle
 „ commence ainsi tournee du Latin. Quant
 „ à vous qui voyrez cet escrit sçachez que
 „ moy Huës de Cleries ie vy les escrits des
 Comtes Foulques de Hierusalem qui sont
 en l'Eglise du S. Sepulchre de Loches tou-
 chant la Mairrie & Seneschauffee de Fran-
 ce: qui luy fut & à ses antecesseurs donnee
 par le Roy Robert, il y auoit dissention en-
 tre le Roy Louys fils de Philippes & le
 Comte Foulques qui depuis fut fait Roy de
 Hierusalem. Car le Comte Foulques ne le
 vouloit seruir, pource que le Roy Louys
 auoit donné la Seneschauffee & Mairrie
 de France à Ansel de Garlande, & depuis à
 Guillaume de Garlade, desquels le Comte
 Foulques ne pouuoit retirer ses redeuan-
 ces & homages. Il aduint que le Roy
 Louys eut grosse guerre avec le Roy Hen-
 ry fils de Guillaume le Conquerant d'An-
 gleterre, pour laquelle il requist le Comte
 Foulques de l'aider en cette guerre. A quoy
 le Comte

le Comte respondit qu'il ne luy deuoit aucun seruice, puis qu'il l'auoit despouillé de la Mairrie & Seneschauce de France. Le Roy manda au Comte par Amanlry de Monfort oncle dudiect Comte Foulques, par Geofroy Abbé de Vandosme & Raoul de Boisgency, que de tout cela & de plus grãde chose, il vouloit se tenir à l'aduis des desusdits, & l'amender si besoin estoit. A cette cause le Comte Foulques prenant conseil à ses hommes : assauoir, Robert de Blo lors Seneschal, Salmace lors Eschāçon, Hugues de Cleries, Boudin de Vegia & plusieurs autres, respondirent au Roy, que s'il faisoit cela qu'il luy auoit mandé, que, & cela, & autre secours qu'il luy demanderoient il luy feroit volontiers. Or le iour que ce conseil fut pris, la Cour d'Anjou estoit remplie de bonne & sage Cheualerie. Lors Amaury de Mont-fort & autres qui auoient apporté les parolles du Roy, persuaderent au Comte Foulques, qu'il respondit au Roy par quelcun qu'il congneust, & auant qu'eux (ses messagers) retournassent il enuoyast en diligence l'en remercier. Lors les Conseillers du Comte Foulques oyās le conseil qu'Amaury auoit donné, l'aprouerent, & la Comtesse Aremberge fut d'auis qu'aucun n'y allast fors Huë de Cleries, & pource ie Huë de Cleries allay à Paris : & de là à Guenor, où ie trouuay le Roy, & le Comte de Beaumôt.

E

DES MAIRES

L'ayant donc trouué à Guenor entre Pontoise & Chaulmont, (ie ne ſçay s'il y a vn Gournay en ces quartiers là) le parlé avec Monsieur le Roy; le ſaluant premierement de la part du Comte, & le remerciant de ce qu'il luy auoit mandé. Puis ie luy dis, que le Comte Foulques luy offroit son ſeruice dès à preſent: ou s'il luy plaſoit apres leur veüe & parlement. Et pource, iour & lieu fut assigné, pour eſtre audit parlement, entre Marchefnoir & Bierne en Beaulce. Ce pendant le Roy manda au Comte qu'il amenast audit parlemēt Geoffrey son fils, qui de preſent giſt en l'Egliſe de S. Iulian du Mans: car il deſiroit moult de le voir. Approchāt donc le iour, le Roy & le Comte Foulques vindrent au Parlement avec leurs Conſeillers; où furent recongnus les droits du Comte, aſſauoir la Mairie & Senefchauce de Frāce: Et Guillaume de Garlande qui lors eſtoit Senefchal de France, recongnut qu'il deuoit homage de ladite Senefchaufſee de France: & depuis fut *in voluntate Comit̃s* (ie croy en la puiſſance & diſcretion, pour eſtre charge de tel rachapt qu'il plairoit audit Comte.) Apres Guillaume, fut Senefchal Eſtienne de Garlande, qui fit homage au Comte: apres Eſtienne Raoul Comte de Perōne, lequel fit ſemblablemēt homage & ſeruice. Car celuy qui fera Senefchal fera auſſi homage au Côte de tels ſeruices. Si

le Comte va à la Gour de Mōsieur le Roy, le Seneschal commādera aux Mareschaux de Monsieur le Roy, de preparer & deliurer hostelleries au Comte. Quand le Côte viendra, le Seneschal ira au deuant, & le conduira en son hostellerie, lors le Seneschal ira dire au Roy que le Comte d'Anjou est arriué. Si le Comte veut aller trouuer le Roy, le Seneschal le conduira à la Cour, & de la Cour le recōduira en son hostellerie. Que si le Comte veut aller au Couronnement du Roy, le Seneschal luy fera preparer & deliurer hostelleries qui sont propres & deuës audit Comte. Et quād le iour de la Courōne viendra: & que le Roy sera assis à table, le Seneschal fera preparer vn Banc, couuert d'vn riche drap Paille ou de tapisserie, la où ledit Comte & ceux de sa cōpagnie serōt assis, iusques à ce que la viāde vienne. Mais quād le premier metz sera venu, le Comte se desbouclant (c'est à dire ostant son mâteau attaché à vne boucle) se leuera du banc, & prenāt de la main du Seneschal le mets, l'assiera deuant le Roy & la Royne: puis commandera au Seneschal seruir par les autres tables: & le Comte s'en ira rasseoir: iusques à ce que les autres metz reuiennent, & ce qu'il aura fait du premier il le fera des autres. Puis le seruice de la table acheué, le Comte montera à cheual, & s'en ira en son hostellerie accōpagné du Seneschal: lors le cheual qui aura

DES MAIRES


porté le Comte en Cour, assauoir vn destrier, sera baillé au Keux du Roy comme à luy deu, *feodaliter*, c'est pour son droit de fief) le manteau dont le Comte sera affeublé appartiendra au despencier. Mais apres le diîner, le Panetier enuoirà au Côte deux pains & vn septier de vin, le Keux vne piece de chair & *unum Hastum* (ie croy *vnā Hastam*, c'est vne haste ou broche) car c'est la liuree du Seneschal. Ce iout les metz seront pris par le Seneschal du Comte, qui les enuoirà aux Ladres. D'auantage quand le Comte ira en l'host du Roy, le Seneschal de France luy preparera vn Pauillon capable de cent Cheualiers, & vn Sommier pour le porter, & ses cordes & pieux: & vn homme de cheual pour les conduire avec deux de pied. L'host finy, le Comte s'il veut, rendra au Seneschal son pauillon, & quand bien il ne le rendroit, pource ne laira-il d'ē auoir vn autre à vn autre voyage. S'il se trouue ou vient au camp du Roy, *tutelam faciet in reditu retutelam.* (ie croy fera l'auant-garde, & au retour l'arriere-garde) & quelque chose qui luy aduienne soit biē ou mal, ne sera blasmé de la bouche du Roy. le Huē de Clirries ay veu ces seruices estre rendus au Comte Foulques Roy de Ierusalē en deux ostz d'Auuergne, & à vn Couronnement fait à Bourges, & au Côte Geofroy qui est enterré au Mans. le le vy rendre à vn Couronnement à Bourges, &

à vn autre à Orleans. Item Gaultier de Senlis eschançon recongneut deuant le Roy, moy l'oyant, qu'il tenoit du Comte d'Anjou tout ce qu'il auoit en la ville de Senlis, hors les murs & le forage d'arbrie, estre du fief du Comte d'Angers & tous les casements Raoul de Martray & Thomas son frere, souloiet seruir en Anjou de leur fief. Et moy Huë de Cleries parlant au Roy Louys, i'ouïs dire au Roy ces mots: Raoul de Martré voyez Huë de Cleries Cheualier du Comte d'Anjou vostre seigneur, allez seruir le fief de vostre Mareschalerie, & hosteller Huë. Car vous tenez ce fief du Comte. Lors Raoul me logea comme Mareschal. Je le vy & le Roy adiousta, Dieu mercy, ie suy bien avec le Comte d'Anjou. Au surplus ledit Comte est appellé Maire en France, pour la garde & arriere-garde qu'il fait en l'host de France. Item quand il fera en France, ce que sa Cour aura iugé demourera ferme & stable. Que s'il naist different du iugement donné en France, le Roy mādera que le Comte le viēne amēder. Et s'il ne veut venir, les escripts des deux parties luy seront enuoyez: & ce que sa Cour en iugera sera ferme & stable. Ce que ie Huë de Cleries ay veu en plusieurs iugements faits en France & Anjou amendez. Comme fut celuy *de Bello* (ie croy de guerre ou champ) fait à Sainct Aumer: & de plusieurs plaidz & iugements. I'ay veu

cela & plusieurs avec moy. Qui est le contenu dudit proces verbal bié notable pour les droits de Seneschal ou grãd Maistre de France : & d'autres faits particuliers, que lon peut tirer en consequence : mesmes pourquoy il portoit la Banniere de France en vn oist Royal ainsi qu'ont dit les Romãs, lesquels nous representent l'estat de leurs temps.

Chambrier & Chamberlan.

CHAPITRE XI.

 HAMBRIER vient de Chambre, & Chambre de *Camera* mot Latin & ancien, ce dit Festus. Et ie pense que de là soiēt venus les mots Courbé Courbe, Couruer & Cambrer pour flescir en arc: d'autant que les anciennes Chambres estoient voutees, non seulement du temps des Romains, mais encores de celuy des François, puis que le Roman de Aubry le Bourguignon dit:

Ia n'entrez en sa Chambre voutie

Sely Queens n'est en vostre compagnie. &c. le mot voutie estant dit pour voutee.

L'ESTAT de Chambrier est vieil, & les Roys de la premiere race en ont vsé. Gregoire de Tours liure IIII. chapitre XXI. dit que *Carresgille Cubicularius* (que ie pense

estre Chambrier & Chamberlan) de Sigibert fils du Roy Clotaire fut tué quant & son maistre. Et combien que par ce lieu lon puisse iuger qu'il fut prochain de la personne du Roy (comme encores est le grand Chamberlan) il semble par le mesme Autheur qu'il eut charge du Tresor. Parce qu'au XXI. chapitre du VII. liure il dit que le Roy Guntêthram voulant sçauoir qui auoit occis Chilperic son frere: la Royne Fredegonde en chargea Euroul Chamberlan, disant, encores qu'il auoit emporté beaucoup de choses du Tresor Royal. Et toutesfois le mesme Autheur Liure V. chapitre XXXIX. donne vn Tresorier à Clouis fils de Chilperic. Durant la deuziesme race l'estat de Chambrier ou de Chamberlan (que ie pense auoir esté tout vn) fut octroyé à persônes honorables & Nobles. Car nous trouuons que Bernard frere de la Royne Iudith femme de Louys le Debonnaire Empereur & Roy de France, qui fut Duc de Septimanie, estoit aussi Chamberlan du Palais : & desia il commandoit aux portiers.

S o v s la derniere Famille ceux qui tenoient l'estat de Chambrier signoient les Chartes & lettres de consequence, avec les autres principaux Officiers de la Couronne. Et croy (pour les raisons que ie diray cy apres) qu'ils estoient aussi grands Tresoriers. Comme encores en Anglater-

D V CHAMBRIER

re l'estat de Tresorier est le plus grand, & tenu par grand, Seigneurs. Les Italiens & la Cour du Pape estimoient, il y a quelque temps, le *Camerlingo* comme Tresorier. Car Ioan Vilany au ix. liure chapitre clvi. dit *Papa Ioanni & soi Cardinali contra differo a cio, prouando che Christo è gli Apostoli hebe proprio, & commune: si come si mostra per li Euangeli: & che Iuda Scarioth era Camerlingo & despenciere de beni loro dati per Dio.* Et encores aujourd'huy en la plus part des grands Abbayes, le Chābrier reçoit le reuenu comme Tresorier, ainsi qu'en l'Abbaye de Sainte Geneuiefue à Paris & plusieurs autres Monasteres, & lieux Ecclesiastiques. Mesmes les Romans qui ont escrit du temps de Louys le Icune,

PHILIPPES Auguste, & autres Roys prochains, font les Chamberlans gardes du Tresor, des coffres, de l'or & de l'argent des Princes, dont ils parlent. Car Huon de Mery au Tournoiemēt d'Ante-Christ dit:

Je sui Chambellan d'Ante-Christ

Je gard son Or & son Argent.

Le Roman de Doon de Nanteuïl, monstre euidemmēt que les Chambellans portoyent l'argent de la despence, & des offrandes que le Roy donnoit à la Messe:

Li Kamberlans le Roy qu'en auoit le mestier

*Aporta au Seigneur, trois offrādes d'ormier **

Ce furent trois Besans, cest offrande a Princier

Au Romans de la conquēste de Hierusalē;

* c'est
Or.

*Al departit cōmande son Chāberlan Geofroi
 Qu'il lor dōnast cinq sols par le souuerain Roi,*
 parlant de l'Euesque du Pui.

ET pour monstrier que ces Chamberlans petis, estoient employez à la Chambre. Les mesmes Romanciers leur font mettre & couvrir les tables de vaisselle d'argent. Au Roman de

Et veissiez couvrir ces tables

As Chamberlans & Connestables

De pots & de Hanaps d'argent.

Et encores au Roman de Doon.

Les napes fit estendre le Chāberlans Gregoire.

MAIS lors il faut penser que tels Chāberlans & Connestables estoient ce qu'aujourd'huy sont les Varlets de Chambre, Escuyers tranchans, & Gentils-hommes seruaus.

LES mesmes Romanciers donnent au Chamberlan le droit d'asister aux homages, & en font vn Fief, comme il semble qu'estoient les Estats qui sous-scriuoient aux Chartes des premiers Roys de la maison de Capet, lesquels Estats il y a grande apparence d'auoir esté Fiefs, assauoir de Seneschal ou grand Maistre en la maison d'Anjou ou de Garlande (à tout le moins par arriere-fief) de Vermandois & Champagne ainsi que i'ay monsté cy dessus. Et l'on void qu'il a esté pratiqué en plusieurs autres grandes terres, mesme en Normandie, où les estats de Seneschal, de Connesta-

ble, & Chamberlan, estoient tenus en
comme encores ils sont en Escosse.

Et c'est (possible) pourquoy l'Auth eur
du Roman de Regnault de Montauban,
introduisant Charlemaigne qui parle a vn
fils de Regnault.

* c'est
Noblef-
se.

*Je vous donrai vn Fief voiant tout mō Barnez *
Chamberlā de ma Chābre tonsiours mes en serez
Niviendra nus haut homs qui de mere soit nez
Pou terre ne par Fief auoir & releuez
Que naiez le mantel qu'il aura astublez
Par mō chef ce dit Nesmes, bō Fief as reconuez.*

Ce qui n'est pas hors de raison, puis que
lon trouue entre les vieils memoires de la
chambre des Comptes, les noms des Euef-
ques Abbez & Abbeſſes, desquels le Chā-
brier de France du temps de S. Louys ou
son fils, prenoient à leur nouuel aduene-
ment cent sols,

Le Chamberlā gardoit la porte du Roy:
voire celle d'un Comte, i'entends celle de
sa chambre: ainsi que monstre le Roman
de Raoul,

*Vet sen la guette que plus ni atend
Droit à la chambre don Doon le hardi
L'anel croſla le chamberlan l'oy
Odoon éueille le Cheualier genti,*

Les Chamberlans qui faisoient les ser-
uices dont i'ay parlé cy dessus, pouuoient
estre comparez aux Varlets de Chambre.
Et lesquels durant la premiere race, estoiet
tirez (comme tous autres communs Offi-

ciers domestiques) des maisons des chāps appartenantes aux Roys.

DE ces petits Chambrier fait mention Gregoire au quatriesme liure chap. 111. Et croy bien qu'une partie estoient Fiscals; c'est à dire, gens tirez des maisons Royales champestres ; ou des enfans desdits Fiscals.

LES grands Chamberlā ou Chambrier de France souloient auoir plusieurs beaux droits, & semble qu'ils eussent part aux deniers, pour leur garde; Car au Roman de Graal, que Messire Robert de Bourron ou Boron translata de Latin en François ou Roman (ie croy enuiron l'an m.c.l.) par le commandement de sainctē Eglise, dit aux Propheties de Merlin. A y cheu tems estoit coultume que li Camberlent auoiet la disme partie de che qui venoit à la bourse de les seignor. Et ie croy que c'estoit pour le salaire de sa recople : qui estoit vne merueilleuse espargne au pris de l'argent qui s'en va aux gaiges des Officiers manias les Fināces du Roy : auquel lon dit que l'escu ne reuiet pas à vn quart. Voire ces Chambriers auoient des terres tenans d'eux en Censues, à cause de leurs offices. Car la plus part des vignes vers S. Mādē & Piquepuce & les murs du bois de Vincennes tenoient du Chambrier.

OUTRE cela il auoit Iurisdicțiō sus les Pelletiers, Merciers, Marchands de draps

D V C H A M B R I E R

de soye, & autres officiers ou mestiers qui se meslent de vestemens à Paris, comme s'il eut eu cognoissance & intendence de ce qui se fait en la Garderobbe du Roy: car le premier Gentil-homme de la chambre & Maistre de la Garderobe du Roy ne sont que des Eclipses de grand Chambrier.

MESME il auoit vn visiteur des marchandises, poids & aulnages: lequel prenoit tiltre de Roy des Merciers. Duquel les autres Merciers estoient tenus de prendre lettres: & les Merciers suiuan la Cour auoient lieu separé. Côme à Paris la Gallerie d'entre la grande Salle du Palais & la Sainte Chappelle en a retenu le nom: & vne grange près Sainct Antoine des châps, s'appelle encores la grange aux Merciers, pource qu'ils s'y retiroient lors que les Roys habitoient le bois de Vincennes. Le droit que le Roy des Merciers tire sus les autres de son estat, ne luy est deu sans cause & charge: Car il est tenu de fournir certaine quantité de cire au Sacre du Roy.

LES Ducz de Longueuille ont longuement tenu l'estat de grand Chamberlan, scauoir depuis le Roy Charles septiesme, iusques au Roy Henry second, quand par la mort de François Duc de Longueuille fils de la Royne d'Escoffe fille de la maison de Guyse, ledit Roy la donna au Duc de Guyse oncle du deffunct.

IL me souuient d'auoir ouy dire que l'e-

stat de Chāberlan de Frāce auoit esté laissé aux Comtes de Dunois, afin d'honorer leā Bastard de Louys Duc d'Orleans, qui tant auoit trauaillé pour garder ceste Courōne, durāt la guerre des Anglois, & le regne de Charles VII. qui luy dōna cest Estat, non tāt pour recognoissance des seruices par luy faits, que pour oster la jalousie que les Princes eussent peu auoir, si on luy eut baillé rang parmy eux. A ceste cause on luy reserua ceste place : laquelle sans enuie, le pouuoit monstrier & faire apparoirre des premiers & plus proches du Roy ; estant contraint par son estat d'estre à ses piedz quād il estoit assis en son throsne, & derriere luy à la queuē de son cheual quand il cheuauchoit en magnificēce Royale: voire les siēs retiennent le rang de Princes, du'consentement des estats de ce temps.

L'AY vne assez bonne Chronique Françoisse, qui donne vne fort honorable charge au grand Chamberlan. Car parlant de la maniere de viure de Charles le grand, l'Auteur dit: Durāt le disner & souper, il oyoit volontiers aucune chose notable, ou dictié honeste: ou vn homme qui lisoit les Histoires & faits vertueux & louābles des Princes & autres personnes dignes de renommee, représentant ceux que Suetone en la vie de appelle Libraires. Ainsi fouloit estre fait en France; Et mesmement aux festes, que le Roy & la Roynes doiuent estre en Estat & habit Royal. Et cet office

D V B O V T E I L L I E R

de reciter tels faits à telles festes, souloit faire le Comte de Tancarville au temps du Roy Charles sixiesme de ce nom, Pere du Roy nostre Sire qui est à present, ce dit madite Chronique.

LA mesme charge faisoit vn predecesseur dudit de Tancarville du temps du Roy Iehan : duquel Gares de la Vigne Autheur du Roman des oiseaux dit:

La suli Queens de Tanquarville

*En lui n'ot ne Baratz ne Guille **

* c'est
trom-
perie.

Parlant d'un banquet solemnel du Roy Modus. Car l'estat de grand Chamberlan de France & de Normandie estoit tenu par Iean Vicomte de Melun fait Comte de Tancarville l'an mcccii. ainsi que porte un memoire de la Chambre des Comptes que j'ay veu.

Du Bouteillier.

CHAPITRE XII.



LE nom de Bouteillier vient de Bouteille, & Bouteille de Boutis ou Bout & Bouts (car il se trouve ainsi escrit) vaisseau nommé entre les vitencilles d'Eschançonnerie de la maison du Roy S. Louys, pour l'an mclxi. là où le Barillier, & le Chartier des Bouts sont nommez parmy les autres seruans, & encores en l'Estat qui fut fait l'an mclxxxv.

le porte-Bouts est nommé. Et dit le memoire. L'on n'achettera ne Bouts ne Bouciaux ne Barils sans le congé du Maistre d'hostel. De maniere que les Italiens en pourroient auoir pris (comme beaucoup d'autres mots) leur Bota, Si vous ne dites qu'il vient de Boutis: que le Glossaire Grec interprete Seria: c'estoit vn vaisseau longuet de terre propre à metre vin ou huile. De sorte que les Bouts d'Eschançonnerie, representent ce que les Latins appelloiét *Vter*, en François Oudre, vne peau dans laquelle se porte le vin par les lieux mal-aisez au charroy: comme dans les montagnes d'Auvergne & autres, ou pour ce vaisseau, lon dit ce vin sent la Boute: c'est à dire, la peau ou la poix dont elle est enduite & conroyee.

Les anciennes Chartres nomment tousiours le Bouteiller apres Dapifer: fors qu'é vne de l'hostel de la Ville de Paris qui parle des droits de Boso de Poissy l'an MCLXXIII. où y a *S. Comitis Theobaldi Dapiferi nostri S. Mathei Camerarij S. Guidonis Buticularij S. Radulfi Constabularij vacante Cancellaria*, Sa charge estoit de presenter la Coupe au Roy, & d'auoir soing des Bouteilles, c'est à dire du boire du Roy, d'ot il a pris le nom. Ces cinq Officiers, *Dapifer*, *Buticularius*, *Camerarius*, *Constabularius* & *Cancellarius*, ont tousiours esté nommez aux Chartres, cōme les Principaulx Domestiques. le *Dapifer* pour grand Maistre de la maison du Roy. Le *Buticula-*

DV BOVTEILLIER

rius pour Eschançon, Le *Camerarius*, pour Tresorier. Le *Constabularius* pour Escuier & auoir soin des cheuaux ou de l'estable. Le *Cancellarius* pour signer & marquer les lettres: & comme vn premier Secretaire du Roy, ayant la charge & garde de l'anneau du Roy, auquel son image à tout le moins sa teste, enfôcez en pourfil (cōme lon void dans l'anneau des Roys Charliens, & ie n'en ay point veu de telle façon que durât ceste maison) estoit figuree: pour l'imprimer en cire au bas des lettres. De maniere que ce n'est merueille si aux Chartes le nom de ces Officiers est escrit: comme de ceux qui au moyen de leurs estats doiuent tousiours estre les plus proches de la personne du Roy: & pource tesmoings de ses commandement, actes, oëtroys, & principales liberalitez.

LE Bouteillier auoit aucunes Vicomtez en Normandie affectees (ce croy-ie) pour les frais de son estat ainsi qu'il se trouue par vn Memoire de la chambre des Comptes. L'Autheur du Romã de Brut fait porter au Bouteillier la Coupe du Roy. Car il dit Beduers de l'autre partie seruoit de la Bouteillerie: & puis autre part

Bedeuers deuant il aloit

Kile Cope le Roy portoit,

Tellement qu'il semble à veoir que l'Estat deschançon a esté tiré de celuy de Bouteillier. Comme de Chābrier celuy de Chamberlan

berlan. Pource que le Bouteiller estant empesché à d'autres particularitez de son estat, le Roy voulut auoir vn homme pour luy presenter sa Coupe, appelé Eschançon, en vieil langage, pource qu'il verfoit à boire, ce que lon dit encores signifier le mot Alleman Schank.

C E S T estat de Bouteillier ayant esté longuement en la maison de Moussi sous Dammartin, pource que ces Seigneurs ont demeuré à Senlis, furent communement appelez les Bouteilliers de Senlis : qui ont retenu les armes escartellees d'or & de gueulles representās du vin en vne Coupe d'or. I'oubliey à dire que le Bouteillier auoit iurisdiction sus les tauerniers, comme aussi tous autres grāds Officiers sus les metiers fournissans pareilles especes que celles, dont le Roy s'aidoit en sa maison ; le Greffier du Tillet, ayant assez parlé du Panetier, Keux & autres Officiers de la maison du Roy, ie les passeray, pour n'auoir rié de nouveau à dire plus que luy : qui doit estre tenu pour nostre premier Antiquaire. Mesmes ie passeray sur l'estat de Connestable, le reseruant entre les dignitez de guerre.

Des Gardes du Roy.

CHAPITRE XIII.

MONSIEUR Chambré Escossois, qui a fait l'histoire abrégée des Papes, Empereurs, Roys de France, d'Angleterre & d'Ecosse, s'avance trop de dire que Sainct Louys fut le premier de noz Roys qui eut Garde. Car si bien la grand Chronique (parlât des Assassins, que le vieil de la Môtagne leur Prince enuoyoit pour tuer les Princes Chrestiens plus courageux & entreprenans) dit ces mots : Quand ledit Roi ouït les nouvelles si se doubta formant, & prist conseil de soi garder. Il esleut Sergents à marches, garnis & bien armez, qui nuit & iour estoient entour luy pour son corps garder. Il ne deuoit pas cōclurre que ce fut le premier Roy gardé.

HOTO Euesque de Basle descriuant les mocqueries que Charlemagne fit faire aux Ambassadeurs Grecs : declare assez la magnificence de sa Cour. Mesme Gregoire Archeuesque de Tours liure septiesme chap. huictiesme, monstre que Guntthran Roy de France Bourguignonne, ou d'Orleans, voyât que Sigibert Roy de Rheims ou de Metz (qu'on disoit aussi d'Austrazie) & Chilperic Roy de Soissons, & de Paris

ses freres, auoiēt esté tuez , mist grosse garde , sans laquelle il n'alloit pas seulement à la Messe ny a ses esbats . Aussi n'est-il croyable que les Roys Meroüingiës, nouueaux conquereurs de la Gaule , & depuis tres-riches & puissans, fussent sans Garde: principalemēt Clouis , apres qu'il eut batu les Bourguignons & Vvissigotz : les Roys desquels ayant vescu en grande magnificence & pompe , nous trouuons par la seconde Epistre de Sidoine Apolinaire que Theodoric Roy de Thoulouze viuant l'an de nostre Seigneur Iesus Christ cccclx. auoit des Gardes . Quelqu'un de sa suite (dit-il) armé se tiët pres de sa chaire, le gros de ses satellites fourrez, pour oster la presse , demeure deuant la porte de la salle, separez de tapisserie & enclos de barreaux, afin qu'ils ne fassent du bruit.

MAIS il n'est pas aisé de dire quelles armes ces Gardes des Roys François souloient porter: iacoit qu'il est croyable que ils auoient des Arcs, Fleches, jaelines, Ancons , & Francisques , Masses & autres armes du temps , dont i'espere parler au quatriesme liure de ce recueil : il est vray que sous les Roys de la maison de Capet , lon ne trouue certainemēt quelle fut leur garde , sinon qu'ils auoient des Sergents (c'est à dire, Seruans) à pied. Tous les Autheurs du temps Romanciers ou autres opposent aux Cheualiers les Sergents: comme s'ils

DES GARDES

cussent esté Roturiers, & non Nobles. Tef-
moin cet endroit du Roman du Graal. Et
„ si emmena cinq cens Cheualiers, que Ser-
„ gens à cheual, & bien neuf cens Sergents
à pied. Et tost apres le mesme Autheur:

* Es
pour
voicy.
* Por
che,
pour ce.
* Es vous venir vn Sergent apres la Route,
Vn arc en sa main. Et autre part. * Porche
ne veuil ie mie estre cōme Cheualiers, ains
comme Sergent. La grand' Chronique, par-
lant de la Bataille de *Boüines*, dit : Les Alle-
mans eurent desdain de ce qu' ils furent
„ premierement assaillis par Sergens & non
„ mie par Cheualiers. Le Greffier du Tillet
dit, que le Roy Saint Louys, fonda Sainte
Catherine du Val des Escoliers à Paris,
pour memoire de la victoire que Philippes
Auguste obtint à Boüines, en laquelle les
Sergens firent vaillamment l'an MCCXIII.

MAIS iacoit que la grande Chronique
dise, que les Cheualiers, & Sergens à pied
& à cheual s'y portèrent hardimēt, Rigord
qui a escrit telle bataille comme present,
& le Moine de Saint Denis, qui a mis
dans ses Chroniques ce qu'il auoit appris
dudit Rigord, ne remarquent aucune par-
ticularité signalee des Sergens d'armes du
Roy. Mais il appert par le memoire qui est
graué au portail de ladite Eglise, que les
Sergens d'armes du Roy (que ie pēse auoir
aussi esté de sa garde) ont augmenté ladite
Eglise, qui a pris son nom du Val des Es-
coliers, pour aucuns estudians là retirez, &

qui enseignoient les lettres. Les Huiffiers d'armes portent encores des Masses d'argent deuant les Roys : mais ils n'estoient pas seuls gardiés du corps des Roys, ains il y en auoit aussi d'autres : & mesme des Escossois que le Roy Charles septiesme retint, tirez du nombre que les Comtes de Boucan, Douglas & autres Seigneurs d'Escosse, luy amenerent pour chasser les Anglois. Quant aux François, ils furent appelez Archers, à cause de l'Arc, arme lors commune.

Ces Archers du corps, pource que du temps de Charles septiesme ils auoient des hoquetons (mot qui vient du Grec) couuerts de paillotes ou escailles d'argent doré, qu'on souloit appeller Orfrais, pource que les Orfeures les faisoient (pour les employer sus la broderie ; & les deuises du Roy) prirent le nom d'Orfauerizez, comme les appelle Philippes de Comines à la difference de ceux qui n'en auoient point : laquelle magnificence fut suyvie de noz Roys successeurs dudit Charles septiesme, qui ont changé les armes desdits Archers en hallebardes, pour ceux qui seruēt à la Cour : Mais à la guerre, ceux qui durant la paix ont des hallebardes, portent des lances, & sont armez comme les Archers d'Ordonnâces, & aucuns desquels depuis quarante ans, portent des harquebuzes.

CHAPITRE XIII.

LEs visiteurs des Merciers, des Barbiers, & de la maisón du Roy, s'appelloient Roys: mais pas vn Autheur que i'aye veu iusques icy, n'en dit la raison: & i'oseroy presque asséurer, que ce fut à dire Correcteur, ou Chef: puis que les principaux Heaux sont nommez Roys d'armes, comme ceux qui souloient regler les ceremonies des iustes tournois. &c. dont ie parleray autre part. Quant au premier des trois cy dessus nommez, i'en ay parlé comme d'un Vicaire ou Commis du grand Chambrier, pour la visitatió des marchandises propres à la Chambre du Roy.

MESMES i'ay autre fois entendu dire que le Barbier du Roy, s'appelloit Roy des Barbiers. Car encores a-il son Lieutenant à Paris, pour visiter les Maistres de l'estat: & croy que ce Roy auoit le droit de visitation sus tous les Maistres des autres villes de France: tels que les Chirurgiens, & ceux qui guerissét les playes iadis appelez *Mires*, du mot Grec *Miron*, qui signifie vnguét. Côme les Medecins s'appelloient Physiciens pour s'estudier à la conseruation de la nature. Mais le troisieme qui s'ap-

pelloit Roy des Ribaux ne faisoit pas l'estat de grand Preuost de l'hostel, comme aucuns ont cuido: ains estoit celui qui auoit la charge de bouter hors de la maison du Roy, ceux qui n'y doiuent manger ou coucher.

CAR au temps passé, ceux qui estoient deliurez de viandes (qui est ce que depuis lon à dit auoir bouche à cour) apres la cloche sonnee se trouuoient au Tinel, ou Salle commune pour manger: & les autres estoient contrainsts vider la maison: & la porte fermee, les clefs estoient apportees sus la table du grand Maistre. Et pource qu'il estoit deffendu à ceux qui n'auoient leur femmes de coucher en l'hostel du Roy, & aussi pour voir si aucuns estrangers s'estoyent cachez, ou auoient amené des garces; ce Roy des Ribaux, vne torche au poing alloit par tous les coings & lieux secretz de l'hostel, chercher ces estrangers: soit larrons ou autres de la qualité fufdite. Du temps de S. Louys lon appelloit Ribaux, les gés de peine & forts hommes, tels que les Crocheteurs & porte faits. Ieā de Mung au Roman de la Roze, monstre que le Roy des Ribaux estoit vne charge de cour. Car faisant parler le Dieu d'Amours à faux semblant, il dit.

Par foi (dit Amour) ie l'otroi.

Des or vueil que sois de ma Cour.

Chil vient auant, & chil a cour

F iij

DY ROY DES RIBAVLX.

Faux semblant, par cil conuenant,

Seras o moi, tout maintenant,

Tu seras mon Roy des Ribaux, &c.

M A I S Guillaume de Loris, monstre
que les Crocheteurs & porte-faits, en Gre-
ue, de son temps estoïent nommez Ribaux:
tesmoin ces vers de la premiere partie du-
dit Roman de la Roze.

Des Roys me pourroit oposer,

*Ki por lor noblece * alozer,*

Si com le menu peuple cuide,

Fierement metent lor estuide

A fere entor els armer gens:

Sept cens ou set mille sergens.

Et dit len tot communelment,

Qu'il leur vient de grand hardement,

Mais bien scet Dieu tout le contraire,

Ki tousiours les tormente & greue,

Soubs & sus par tot aller

*Et deuant les Barons * paller*

Car sa force ne vault trois pommes,

Plus que la force dung Ribault

& encores le mesme,

Il nest chetif si ne cuide estre,

Soit Roys; cheualier ou Ribault. &c. qui en
ce lieu est pris pour homme de basse con-
dition, fort & puissant de corps.

C A R encores disons-nous d'un hom-
me corsu, c'est vn puissant Ribaut. Mais ce-
tui-cy monstre euidemmēt que les porte-
fais cōmunement s'appelloïent Ribaux. &c.

* c'est
loüange.

* c'est
parler.

DV ROY DES RIBAVLX.

45

*Mais Ribauldz ont les cœurs si * baudz*

* c'est
fier, hau-
tain.

Portent sac de charbon en Grene:

Que la pene point ne lor greue

Sils en patience trauaillant,

*Quilz batent & * trepent & fouler*

Et vont a S. Marcel aux tripes,

Nine prise tresor trois pipes:

* c'est
trepei-
gner.

Ains despendent a la tauerne

Tout leur gain & leur espargne,

Puis reuont porter les fardeaux.

Band, signifie haut : ainsi qu'auetz leu, voire hardy & impudent ce dit Iean de Meung.

Si feroient estunes chaudes,

A quoi leurs bateries bandes,

Tous nudz pourroient demener:

Quand lair verroit a forcener. Le mesme de Meung surnomme encores les nourrices *Bandes*, c'est a dire hardies, comme volontiers elles sont en parolles lasciuës.

Mais c'est trop s'asseurer de l'antiquité, de dire que le Roy des Ribaux faisoit l'estat de Preuost de l'hostel. Car dès le temps mesme de Charlemaigne, il y auoit vn *Comes Palaty* qui iugeoit des differents des gens de la suite de la Cour. Ainsi qu'on void dans *Æginard* qui escriit la vie de cet Empereur.

L'ERREUR peut venir de ce, que lon dit que les filles de ioye qui suyuoient la Cour, estoient tenües en May, venir faire le

DV ROY DES RIBAVLX.

liet du Preuost de l'hostel : & lesquelles pour leur hardiesse impudete & impudique estoient nommees Ribaudes: comme Ribler signifie courre:& rauder, pour Ribaulder. De maniere que cet officier commandant à des gens insoléts qui suiuoient la Cour, fut appelle Roy, comme visiteur & Correcteur des Ribaux, & impudents, ainsi que le Roy des Merciers auoit la visitation de la mercerie, le Roy des Barbiers des faiseurs de barbe. Voire le souuerain degré des Heraux estoit de porter le tiltre de Roy d'armes : possible pource qu'ils estoient comme Iuges & Correcteurs des fautes qui aduiennét aux assemblees d'armes, comme estoient les Ioustes & Tournois.

*Fin du premier liure du Recueil de l'Origine
des dignitez & Magistratz
de France.*





DEVZIESME LIVRE
DE L'ORIGINE DES
DIGNITEZ ET MAGISTRATZ
de France.

Des Patrices, Ducs & Comtes.

CHAPITRE I.



ES Officiers domestiques expediez, nous parlerons des autres qui sont publics: comme des Patrices, Ducs, Comtes, & autres pour la guerre. Noz anciés qui pré- uirent les maux des elections à tous char- gements ou mort de Roys, & conside- rent les fautes d'aucuns Merouingiens (qui laissans l'exercice de leurs estats, pour s'ad- donner à tous plaisirs se seroient totale- ment deschargez sus les Maires de leur Pa- lais) par l'election de Pepin: semblent auoir fortifié l'Estat & Couronne Françoisse, re- mettans sus les plaids Generaux, Synodes, Sanes, & Conciles (ainsi appelez pource que les Euesques & Abbez s'y trouuoient, & que les faicts des Ecclesiastiques & les

DES PATRICES,

affaires de la Religion s'y traiçtoient premieremēt) que Boniface Vvnefrid Anglois natif pres de Londres & depuis Euesque de Majence l'an vccxliiii. se plaint d'auoir esté discontinuez par enuiron cent ans. C'est en ce temps là, que les gens d'Eglise font plus grande instance d'estre appelez aux Synodes & Parlemēts, & de vouloir estre iugez par les Euesques. Car par le premier Concile d'Orleans, tenu sous Clouis l'an cinq cens xii. ils s'estoient exemptez de la iurisdiction laïque, sous ombre de la clericature. Soit que les Frāçois se souuinssent de la reuerence, que les Gaulois & Germains portoient (ainsi q̄ i'ay dit cy dessus) à leurs Druides & Prestres: ou que le zele de la religion Chrétienne par eux nouvellement embrassée, les eust tellement eschauffez, qu'ils pensassent n'y auoir rien de bien fait, que ce qui sortoit de la main des Prelats: lesquels depuis, vñs inconsidérément de leur pouuoir au degradement de l'Empereur Louys le Debonnaire, fils de Charles le Grand, firent (possible) perdre à leurs successeurs, le respect qu'on leur auoit porté auant vn si grand orgueil. Mais les vñs fondateurs de l'Estat Frāçois, ont esté ceux de la maisō de Capet: lesquels de leur gré, ou contraincts par la Noblesse, de laisser en heritage, & sauf l'homage, les Duchez & Comtez au parauāt tenus à vie, (car on ne trouue point certainement,

quand & pourquoy ils se sont faits hereditaires) amoindrirent ceste desbordee puissance des anciens Roys, de faire toutes choses à leur appetit. Et comme ceux de Lacedemone receurent les Ephores, pour Controlleurs de leur autorité, ceux-cy establirent & asseurerent les plus grands Seigneurs Ducs, Comtes, & Bairs de la Cour de France, pour tenir le grand Parlement, audience, & generale iustice de toutes les doleances du peuple: & les iugements des Seneschaux, Baillifz, & Iuges inferieurs, donnez en grandes causes. Car du commencement de ceste derniere famille, il n'y auoit Comte, voire Seigneur Chastellain, dependant nuëment du Roy, qui ne pensast auoir autant de puissance en sa terre, que ces nouveaux Roys. De sorte que Huë, & Robert Roys escriuans à Audibert Comte de Perigueux, fils de Boson le vieil, qu'il eust à leuer le siege de deuant Tours, & luy demandant dans leurs lettres (comme par reproche) qui l'auoit establi Comte? Il ne fit difficulté (ainsi que dit la Chronique de saint Cibar d'Angouleme) de respõdre; Ce n'est vous Roys: ains ceux qui vous ont faits Roys. Aussi voyez vous que Henry, & Philippes les premiers Roys François, de ce nom, & Louys le Gros, font plus empeschez à guerroyer ces petits tiranneaux d'entour Paris, que cõtre les grands Ducs & Comtes. Mais quand ce

DES PATRICES,

dernier eust effarté (par maniere de dire) son Royaume , & desraciné telles ronces de ce beau Iardin François , & que tant de voyages en la terre saincte eurent emmené ces mangeurs de peuple , la France reprist son ancienne beauté. Et noz Roys incitans les grâds Seigneurs pour les aider à maintenir leur grâdeur , quant & quant les establirent Pairs du Conseil , Iustice, ou Parlement de France: lequel commença deslors à seruir de ressort de Iustice: au lieu des anciens Plaidz Generaux , Sanes , & Conci- les tenus durât la premiere & seconde famille : ainsi que ie diray en autre endroit plus à propos.

I' A Y parlé de l'Estat de la maison du Roy , & des officiers qui approchoient de sa personne, fors du Connestable , que ie reserue (comme i'ay dit) à metre entre les gens de guerre. Mais dautant que le Royaume à tousiours esté embelly d'autres dignitez , pour la paix , & pour la guerre , ie pense qu'il ne sera hors de propos de les descrire premierement , & les separer d'avec la maison du Roy , pour plus facile intelligence de leurs charges.

IE dis donc, que les Pairs de France pretendent deuoir marcher deuant toutes autres dignitez de ce Royaume. Tesmoing Philippes premier de ce nom Duc de Bourgongne: lequel estat puisné de Louys Duc d'Anjou, au banquet du Sacre du Roy

Charles V I. leur nepueu, se mit entre le Roy & ledit Duc son frere plus aagé.

MAIS la Roine Catherine vefue du Roy Henry I I. à vuidé ce differéd; faifant au Sacre du Roy François I I. son fils, immediate-
mēt aller apres ledit Roy, les autres enfans
veftus en habits de Pairs. Ce qui fembla
raisonnable, veu qu'il n'y a plus en France,
aucun qui tienne ces anciēnes Pairries: &
que (poffible) quelque iour il fut adueni,
qu'un Gentil-homme eut precedé le fang
Roya: feulemēt pour auoir fuccedé à
ces Pairries imaginaires: chofe plus tolle-
rable aux anciens Pairs, tous parés du Roy;
ou qui tenoient les grandes feigneuries &
Fiefs du Royaume; lesquels auoient eſté
caufe de leur donner tel nom fignifiant
parenté: ainſi que d'aucuns penſent. Tou-
tesfois il y a plus d'apparence que ce fut
pource qu'ils eſtoient (entreux) eſgaux &
pareils en dignité. Car memes les feigneurs
François auoient des gens appelez Pairs
de la cour de tel & tel Duc, Comte, Baron,
& feigneur haut iufticier: lesquels aſſiſtoient
aux iugemens des cours deſdits feigneurs.
De forte que par toute l'antiquité, vous
voiez que toutes les parties plaidantes, de-
mandoient d'eſtre iugees par leurs Pairs:
c'eſt à dire, Vaffaux du hault Ber. & Sufe-
rain: que i'interprete *Pareils*: & dont ie par-
leray lors que ie deſcriray l'adminiſtration
& diſtribution de la Juſtice de France.

DES PATRICES,

~~EN~~ Allemagne ils ont encores ces Pairs, qu'ils appellent Heulent & en Latin Pares Curia. Aussi Othon de Frisinghen chapitre trente vniesme au premier liure des Gestes de Frideric dit : le Prince suiuañt nostre coustume demāda l'aduis de plusieurs de ses Pairs:

ET de fait, il semble que les Pairs de France auoient esté choisis comme égaux: & pour estre luges aux parlements generaux.

CEUX qui ont composé les Romans ne les estiment & prennent que pour compagnons. Celuy d'Alexandre le grand fait enuiron l'an 1140. (car ie ne puis certainement coter au vray le temps des Autheurs dudit Roman) dit.

Elisez douze Pairs, qui soient compagnon:

Qui menent vos batailles par grant deuotioñ.

Et au Roman de Gautier d'Auignon composé enuiron l'an mil deux cens.

Assez de mal me fit vostre oncle, Ganelon,

Qui trahit en Espagne li douze compagnons.

Celuy de Iudas Machabee fait l'ã m^ccclxxx. dit:

Il assembla tous ses Barons

Qu'il fit Pairs par diuisions. &c.

Et il n'y a doubte, qu'au deuxiesme exemple l'autheur n'entende parler des douze Pairs: la pluspart desquels, les Romans feignent auoir esté tuez à Roncevaux: suiuant l'histoire fabuleuse de Turpin.

Si est-ce que le mot se prend aussi pour Parent: comme il se trouue au Parlement & veüe que firent sus le Rhin, l'an vccclxi. les Roys Louys de Germanie, Charles de Frâce, dit le Chauue, enfans de l'Empereur Louys le Debonnaire, & Lothaire fils de l'Empereur Lothaire premier Roy de Lorraine: où il est dit, les Roys accompagnez des Seigneurs que chacun auoit nommez du Royaume de son Pair: qui en ce lieu s'entend pour Parent & pareil: plustost que compagnon. Car ils estoient deux freres & vn neueu.

Et en la conuention des Roys Louys le Begue, & Louys fils de Louys Roy de Germanie, faite l'an vccclxxxviii. ou lxxix. indication xii. il est dit au cinquiesme article. Que personne de nous ne louhaittera, ou for-conseillera (qui signifie, des-conseillera) la perte de la vie, Royaume, subiects, ou chose appartenant à la prosperité, honneur, ou Royaume de son Pair.

Et tenir en Parage ou Pareage, c'est estre subiect de quelqu'un, comme ayant partagé avec luy, ainsi que Parent. Car Parage, Pareage, & parentage est tout vn. Le commencement d'une Oraison à la vierge Marie toute commune, dit:

*A toy Royne de hault * Parage.*

Et au Roman d'Alexandre

*Gadifer fu moult preux, d'un Arabi * lignage.*

En Berry fu nouris & cil de son Parage.

* c'est
paren-
tage.
* c'est
fier.

G

DES PATRICES;

Etau dict, intitulé pour orgueilleux humilier
composé enuiron l'an m c c l.

*Aux vers de droict heritage,
Seca beau cors & beau visage,
De toute humaine creature,
Ja mes * n'y aura aduantage,
Tant ait esté de hault parage,
Que ne deuene pourreture.*

* c'est
plus.

Au Roman de Meraugis, composé par Raoul
de Houdan enuiron l'an m c c.

*Et selle est gente de lignage,
Je sui assez de hault parage:
Mes pere fu parent le Roy.*

Le semblable est dit au Roman de Fauuel,
qui est vne Satyre contre ceux qui tien-
nent trop grand compte d'or, composée
l'an m c c c x.

* c'est
tout.

*Tuit * ces choses que iay nommees,
Qui de tout mal sont renommées,
Sont toutes du grant faux parage,
De Fauel, & de son lignage.*

ON ne peut dire que noz Pairs tiennent
quelque chose des anciens Patrices Ro-
mains. Car ceux qui à Rome portoient ce
tiltre, furent enfans, ou descendus des pre-
miers Sénateurs, choisis par Romule, pre-
mier Roy de Rome. Et ceux qui vindrent
d'eux; ou depuis, furent mis en leur place;
quand les races des premiers faillirét. Mais
Constantin le grand, ayant changé l'estat
de Rome, quand il se declara Chrestien, fit
d'un tiltre commun à plusieurs familles, un

degré d'honneur voulant (ainsi que dit Zosime au 2. liure de son Histoire) que les Patrices fussent assis au dessus du Prefect du Pretoire. Suidas dit, Que les Patrices estoient comme chefs du Senat: & possible celuy, qu'en la Republique on eut appellé *princeps Senatus*, à qui le Consul demandoit le premier son opinion:

Ce deuoit estre vne excellente dignité, puis que l'Empereur Anastase en honora Clouis nostre premier Roy: luy enuoyant quant & quant, les robes & Couronne Royales. Aussi estoit-elle (entre les autres charges) seule à vie, ainsi que dit Cassiodore, en vne Epistre du cinquiesme: & laquelle, par la Loy dernière *De Consul.* & 71. Epistre du 8. liure dudit Cassiodore, semble auoir pris son nom du mot Pere: pour la sagesse & meureté de plusieurs de ceux qui furēt pourueuz de cēt Estat. Iacoit que l'ambition ayant depuis affecté ce tiltre, il le trouue que des Empereurs l'ont octroyé, voire à des enfans.

Noz François n'en vsèrent qu'en Bourgogne & Gothie, c'est à dire, Languedoc; & païs iadis tenu en Gaule par les Roys Goths. Car si Aimon dōne ce tiltre à quelque Seigneur de deça Loire, c'est improprement: & pensant parler plus latinément que ceux delquels il s'est aidé. Ce qui bien souuent rend cōfuse l'histoire de ce Morne assez mauuais antiquaire Romain.

DES PATR. DVCS ET COMTES

IE trouue que le Patriciat a duré en Bourgogne iusques à Vvillibaud, tué par Flao-cat, regnant Clouis II. c'est à dire, iusques à l'an vcl. Auquel país ceste dignité estoit la plus grande, comme en France celle de Duc: i'entends, auant que les Maires du Palais eussent empieté si grande autorité. Aussi Gregoire de Tours liure vi. bié souuent appelle Duc Eune Mommol, Patrice, sous le Roy Guntchran. Car noz Roys (comme autre part i'ay dit assez de fois) ont tousiours esté modestes en leurs conquestes, ne changeans guieres les noms des Officiers, ne les loix ou coustumes des país par eux vaincus, ou ioincts à leur Couronne. Et par l'histoire dudit Gregoire, ló void ledit Mommol faire les actes de Gouverneur, Comte, & Duc d'un país.

IE ne me fusse pas tant arresté à la preuue & comparaison de ce Patriciat, & la Pairrie (qui commença sous la maison de Capet) n'eust esté, que i'auoy desir de monstrier la diuersité, qu'il y a d'une dignité à l'autre: & laquelle se trouue presque en tous Estats, Grecs, Romains, & François. Pource que nostre Monarchie a esté gouvernée d'une autre maniere que ces deux. Ce qui sera dit, pour tous les autres estats, dont cy apres nous parlerõs. Et afin de n'aller trop curieusement rechercher leur etymologie: ou vouloir comparer les offices, & iurisdicions des Royaumes estrangers aux nostres.

Des Ducs.

CHAPITRE II.

IL n'y a aucune doute, que le mot de Duc ne vier ne du Latin *Dux*, signifiant celuy qui va deuant, & conduit les autres. Qui est aussi la cause pourquoy les Chefs & Capitaines d'armees ont esté ainsi appelez entre les Romains: d'autant qu'ils doiuent conduire & monstrier le chemin à leurs gens, ou ce qu'ils doiuent faire. Ce neantmoins ce til-tre de Duc n'a esté pris pour dignité, que sous les derniers Empereurs, & depuis Diocletian ou Constantin: du temps desquels les Gouverneurs des Prouinces & frontieres, & ceux qui commandoient à grand nombre de gés de cheual & de pied aux frontieres, ou cõduite des armees sont appelez *Duces & Magistri armorũ*, par Ammian Marcellin. Il est vray, que l'õg temps deuant, Tacite Historian Romain, viuant sous Traian, appelloit aussi *Dux* le chef d'une armee: mais c'estoit plus gẽnerallement. Ces Ducs des derniers Empereurs & de nos premiers Roys, estoient d'auantage que les *Comites*; & leurs superieurs: commandans à toute vne Prouince. Aussi Vvalafrid Strabon, c'est à dire le Bigle) les compare aux Archeuesques.

DES Ducs

L'AY autre fois veu vn vieil Cahier, qui disoit, qu'un Roy doit auoir deux Patrices, vn Patrice, quatre Ducs, le Duc quatre Comtes. Vn autre adioustoit : le Comte quatre Barons. Le Baron quatre Chastellains. Le Chastellain quatre Vassaux.

Il appert par l'histoire de Gregoire, principalement par le quarante huitiesme chapitre du cinquiesme liure : q̄ Duché estoit plus que Comté : puis que Leudaste Comte de Tours y aspiroit. Aussi quād Pepin voulut appaiser Griffon son frere, il luy bailla le Duché Dentelen (possible Endely en retient le nom car il est certain qu'il estoit voisin de la Mer de Picardie pres la riuere de Somme, toutesfois Endely est sus la riuere de Seine) il donna (dis-ie) ledit Duché avec douze Comtez à Griffon son frere. Que les Ducs menassent à la guerre les habitans de leurs gouuernemens, il est euident au vi. liure dudit Gregoire chap. 19. où l'Autheur dit; il enuoye ses messagers
 ” aux Comtes, Ducs, & autres officiers estās
 ” en charge : ausquels il manda d'assembler
 ” l'armee pour entrer au Royaume de son
 ” frere. Ils leuoient aussi les tributs, imposi-
 ” tions, & deniers Royaux. Car le mesme
 Gregoire au xviii. chapitre du viii. liure
 dit. Que Theoduf, enuoyé par le Roy
 Guntchram, pour estre Comte d'Angers,
 estant chassé de sa ville, fut remis en posses-
 sion par Sigulf. Et au mesme liure chap. 30.

Les Ducs ayans mal conduit l'armee dudit Roy Guntchram, & perdu beaucoup de gens, sont contrains de luy rendre compte de leur voyage. Encores au xxxi. chap. du vi. liure, Chilperic faict coupper la teste au Comte de Roan, pour auoir souffert ses gés piller des villages, en allant à la guerre. Au xii. chapitre du ix. liure. Gregoire dit: Aucuns aussi furēt osterz à *Primatu Ducatus*. C'est à dire, du hault degré de Duché. Comme si Duché fut le plus grand estat de ce temps-là. Car au v. liure chap. xiiii. il dit: de Leudaste Comte de Tours. Et quant à " toy, tu tiédras le Duché de tout le Royau- " me par cinq ans. Fortunat, Poëte viuant du " melme temps, en dit autant: & i'entends dire, que Duché estoit lors plus honorable tiltre que Comté.

ROBERT esleu Roy au lieu de Charles le Simple, Hugues le grand son fils, & Hugues Capet, fils dudit Hugues, ont porté le tiltre de Duc des François: Iacoit que les chartes que nous auons des Princeps de ce temps-là, ne portent que le tiltre de *Comes*, soit pour Normandie, Champagne & Poitou. Et Floard monstre, que ledit Hugues le grand, auoit des Vassaux du temps de Louys d'Oultremer. Car il se trouue aux Annalles dudit Autheur, qu'un Hilduin & Arnoul estoient ses hommes: & comme tels il les alla secourir, voire il se peut presque conclurre. que tenāt le Duché & Mar-

D. E S. D U C S.

quizat de France , c'est à dire , la Lieutenance de toute la terre , qui estoit depuis la riuere de Seine iusques en Bretagne, & entre Loire & la Mer de Normandie, tous les Comtes qui se trouuoient en ce ressort, tenoient de luy. Mais quand ledit Capet & Robert son fils vindrent à regner, il est croyable qu'ils ne voulurent point ceder le tiltre de Duc à pas vn autre Seigneur, sinon au Duc de Bourgogne leur fils, tellement que bien long temps apres, les Seigneurs de Normandie, de Lauguedoc & autres principaux Seigneurs de France, ne porterent que tiltre de Comtes: ce qui dura iusques à Philippes de Valois, qui fit leã son fils aisné premier Duc de Normandie, n'estant lors la dignité de Duc encores tenue par aucun Seigneur en France.

Et de fait il n'y a au Royaume de Pologne tiré sus Frãce que deux Ducs: l'vn pour la Pologne, & l'autre pour la Lituanie, qui ont la charge & la cõduite pour les armées: esquelles ils ont toute puissance. Ces Ducs ont chacun vn maistre de Camp: & les Capitaines generaux des Prouinces rendent iustice, aux Nobles, leuent les tributs & reuenus que les Roys ont en leurs ressorts, comme lon void au 11. Tome de l'histoire dudit Royaume, par laquelle appert q̃ les Ducs en ce pais là, sont comme Lieutenans generaux d'vn Roy, & font l'estat que souloyent faire les Ducs & Comtes de nostre premiere race.

Des Marquis.

CHAPITRE III.

POVR le iourd'huy, les Marquis sont estimez plus que les Comtes: & toutesfois i'ay leu en vn vieil fragment de liure, que le Comte deuoit auoir sous soy dix Marquis: le Marquis dix Barons: le Baron dix vassaux. Et de fait vous ne trouuez pas que le mot de Marquis, ait (en France) si tost esté en vſage que celui de Comte: ne meſmes entre les François ne autre nation sortie de Germanie: Car lon tiét pour certain que le mot de Marquis vient de Mark: qui de tout temps en langue Gauloise & germanique (iadis cōmune & presque semblable) signifioit cheual, ainsi que dit Pausanie Autheur Grec. Voire, pour monſtrer que ce mot a longuement duré par deçà; il est dit: en la Loy des Bauieriens, au tiltre des vicieux Animaux s'il luy a coupé la queue, ou l'aureille (si le cheual est de ceux que nous appellons Mark) il l'amendera de . . . sols.

Tous cheuaux ne portoient ce nom: ains les meilleurs. Car les moyens par la dite loy s'appelloient Vviltz: les derniers A ndarnaço. Ceux qui commendoient aux gens de cheual estoient appelez Marquis.

DES MARQUIS.

Mais depuis, parce qu'on les tenoit aux frontieres affin de plus facilement decouvrir la venue & surprise des ennemis, ils donnerent leur nom au pais où ils demouroient. De sorte que les limites & confins prirent le nom de Marche.

Pour môstrer ce que dessus, le Roman de la destruction de Troye fait par Benois, parlant de Paris embarqué pour raver Hèlene dit:

*Li Cheualier & li marchis,
Ke Paris ot semont & pris,
Et ses freres Dei febus,
Et furent bien deux mil et plus:
Ki sont venu d'armes garni &c.*

Auquel lieu l'Authheur n'entend parler de Seigneurs de terres, quand il dit Marquis: ains des hommes d'armes montez à cheual. Autrement ce seroit vne par trop grande menterie de donner deux mil Marquis (honorez de terres & grans fiefs) à vn fils de Roy, pour seulement l'accompagner à vne course. Et ces Romanciers (quelques lourdaux qu'on les puisse estimer) ne peuuent auoir esté tant hors du sens, de seulement l'auoir dit par Hyperbole c'est à dire excès & outragé de paroles.

TOUTESFOIS l'Empereur Frideric donne vne autre raison de l'etymologie du nom Marquis, laquelle semble differente à aucuns & non pas à moy: qui sou-

tiens que le mot vient de cheual: ayant de mon opinion ce grand & sçauant Iuriscôulte Alciat, au liure qu'il a fait du Duel: & Beat Rhenan en ses Annotations sur Tacite. Car le susdit Empereur au deuxiesme liure des Feudes au dixiesme tiltre dit. Celuy qui par le Prince est vestu de quelque Duché, est communément appelé Duc: & qui de Marche, est Marquis, Et la Marche est ainsi nommée, pource que le plus souuét elle est assise pres de la mer. &c. De fait vous voiez que la Marche d'Ancone, Treuisane, celle de Brandebourg, & de Danemarch, sont assises sus la Mer. Et lors on pense que ce soit, côme si lon eut voulu dire, *regio marica*, pour *marina*. Mais ie ne trouue point que *maricus* pris pour *marinus*, soit Latin: quelque chose que dise Castel Vetro Italien. Et en la Loy des Bauieriens, tiltre des Bornes, il est dit. Toutesfois & quantes qu'il se meut differend de terres Commarchanes, quand les signes ne sont apparens. &c. Il est certain qu'il entend par Commarchanes, parler des terres qui marchisent & se touchent. Quant à nous François, nous appellons Marche, ce que les Latins disoient *Limes*. & quant lon dit ces Prouinces Marchisent; c'est à dire, elles sont limitrofes, ou se touchent l'une & l'autre.

ALTA MER au commentaire sus le liure des mœurs des Germains composé par Cor-

DES MARQUIS.

nille Tacite, dit: Que les Allemans appellent Marche vn pais conquis par armes: & Marquis le Seigneur d'un tel pais. Volaterran, en son quatriesme liure sous *Venetia*: donc encores vne autre raison, disant: Que les Lombards faits maistres d'Italie, la comirent au Gouuernement, partie de Ducs, partie de Marquis: qui en leur langue signifioient Magistrats hereditaires & perpetuels. Car les Ducs ne venoient à telles dignitez par succession. Vadian les estime comme ceux qu'en Latin lon appelloit *Præfectos militum* Gouverneurs des frontieres, appelez Marquis en langue Allemande ou Germanique. Et qu'auant la venue des Romains en ce pais là, ils auoient des Margraff.

IAQUES Vvinfeling, Auteur de la vie de Dretheric Archeuesque de Majence, dit, les Comtes auoir esté appelez Graff, pour la grauité de leurs mœurs: Et a trouué Zaze sçauant Iurisconsulte: qui a fuiuy son opinion au traicté de *Vsibus feudorum*. Comme si dès ce temps là, les Germains eussent parlé & entédu Latin. Je confesse bien que Tacite dit: Que chacun Prince ou chef des armées Germaniques auoit douze *Comites*, c'est à dire, Compagnons, ou gens qui ne partoient point d'aupres d'eux: mais non pas qu'ils s'appellassét Graff: ainsi que veut Vvinfeling. Car comme j'ay dit autre part, les Allemans prononcét & escriuent deux

FF. pour vn V. comme Geneff pour Geneue : Graff pour Graue, disant Rhin Graff, que nous prononçons Rhin-Graue.

Des Comtes.

CHAPITRE IIII.

LA dignité des Comtes, sans doute, suit celle des Marquis & à son origine bié autre que beaucoup de gens ne cuident : & de bien petit commencement (comme la pluspart des dignitez) sont venus à la grandeur que maintenant lon void. Ceux là qui veulent prendre du plus haut, disent : que les Preteurs & Proconsuls iadis enuoyez par les Romains au gouuernement des Prouinces leurs subiectes, auoient à leur suite des gens appelez *Comites*, *contubernales* & *cohors Pretoria*. C'est à dire, gens de sa suite, Camerade, & compagnons du Preteur : pour ce qu'ils faisoient compagnie à ces Dignitez & grans Officiers. Les Empereurs (côme il est croyable) entretenrent ce train, de sorte que venant l'Empire de Rome entre les mains des Césars, combien que les Magistrats & presque toutes autres affaires de consequence passassent à leur appetit (car Iulles & Auguste portoient quelque honneur au Senat) Calligula fut le premier, qui se disant Seigneur, dissipa & ruina presque

tout l'Estat ancien : comme aussi fit Neron,
 & les guerres civiles de Galba, Othon,
 Vitel, & Vespasien. Puis la tyrannie de Do-
 mitian. Mais venant l'Empire entre les
 mains d'Adrian, il esleut des gens de bien
 & honorables, desquels il fit quasi comme
 un priué Conseil. Il est vray que ses prede-
 cesseurs Empereurs auoient des gens de
 leur suite appelez *Comites*, pour ce qu'ils
 les suiuiotent. Car ie trouue que Suetone
 en la vie de Galba dit : Au contraire, il n'y
 " eut chose quelcōque, qu'il ne souffrit faire
 " & adiuger à pris d'argent par ses *Comites*;
 " c'est à dire, ceux de sa suite, & affranchis.
 " Mais ie croy que lors ils n'estoient pas en-
 cores en dignité. Et il est plus croyable, que
 Adrian, aimant fort à voyager, ceste com-
 pagnie qui le suiuiot par tout, fut dite *Comi-
 tatus Cesaris*, la suite de Cesar : & les amis
 de l'Empereur *Comites* : i'entends ceux qui
 estoient de son cōseil : comme iadis estoient
 sous les Preteurs & Proconsuls gouuer-
 neurs, ceux desquels cy dessus i'ay parlé.

CESTE façon de faire iadis s'obserua par
 les successeurs dudit Empereur : & tant,
 qu'aucuns d'iceux commettoient ces *Co-
 mites* au maniement des affaires qui surue-
 noient à la suite de leur Cour, soit de Fi-
 nance, de renuoy de causes de conséque-
 ce, voire & de la guerre. De là vindrent les
 dignitez des *Comes largitionum*, qui peuent
 auoir esté cōme les Tresoriers Generaux :

Primatarum ceux qui manioient le domaine particulier du Prince. En la guerre le Côte d'Orient d'Afrique, d'Illirie (c'est Esclauonie) du Palais, d'une Prouince, voire & d'une forteresse; mais ce fut bien tard: lesquels noms de dignitez ont duré iusques à la ruine de la Monarchie Romaine: & ont esté gardez par les Gots, François, Bourguignons & Lombards: mais plus par les François; lesquels (ainsi que j'ay dit autre part) n'osterent presque rien de la police Romaine par eux trouuee en la Gaule. Car Procope dit, qu'ils laisserent les Gaulois viure s'habiller, armer, & gouverner à la Romaine: voire leur souffrirent porter en guerre des enseignes pareilles à celles qu'ils souloient auoir, deuant qu'ils fussent leurs Seigneurs. Aussi trouuez vous dans l'Histoire de Gregoire de Tours les Magistrats gouuernans les villes & Prouinces estre appelez Ducs & Comtes.

LE passage que ie sache le plus expres pour monstrier quels officiers vn Prince François de la premiere race auoit pres de soy, ou qu'il enuoyoit avec vn de ses enfans fait Roy d'un pais, est celuy dont Gregoire parle liure ix. chapitre xxxvi. où il dit, de Childeberr Roy d'Austrasie. Il conclud “ d'y enuoyer son fils aîné: auquel ayant “ donné des Comtes, Domestiques (j'ay suivant Procope, autre part dit, que c'estoient “ comme Secretaires & gens de Conseil) des “

DES COMTES.

Maires, Bajules (Bailly en vient , iàçoit que
 lors proprement ce fut vn Gouverneur &
 „ Nourriffier) & tout ce qui est neceffaire à
 „ l'Eftat Royal. Mais celuy qui est en la vie
 „ de Louys le Debonnaire , faite sur le recit
 d'Ademar tres-noble Moine , est encores
 plus certain: lequel auffi n'est pas oublié en
 la grande Chronique de S. Denis avec ces
 mots. Le Pere (c'est Charles le Grand) luy
 „ dōna deslors le Royaume, si Dieu luy don-
 „ noit vie : & voulut qu'il en fut Sire clamé.
 „ Bien ſçauoit l'Empereur qui tant eſtoit re-
 „ nommé , qu'il eſtoit ainſi que le corps d'un
 „ homme, qui ſouuent eſt bouté & heurté de
 „ diuerſes maladies : & toſt mourroit aucu-
 „ neſois, ſ'il n'eſtoit ſecouru des Medecins &
 „ Phyſiciens. Tout ainſi eſt il d'un Royaume
 „ ou Empire , qui toſt ſeroit gaſté & deſtruit
 „ par diſcorde & guerre , ſ'il n'eſtoit ſecouru
 „ par le conſeil des preud'hommes: pource
 „ voulut-il ordonner & eſtablir Comtes &
 „ autres miniſtres par tout le Royaume d'A-
 „ quitaine & de Frāce , qui fuſſent ſi ſages &
 „ poiſſans, que nul ne peult à eux contrafter
 „ par malice ou par force , & qu'ils euſſent la
 „ cure des citez & des païs. En la cité de Bour-
 „ ges eſtablit premierement le Côte Robert:
 „ en la ville de Poitiers Alboin : en Perigord
 „ Mainbourde (le Latin dit *Vvilibodum* , c'eſt
 „ Guidebould) En Auuergne Iriers, En valla-
 „ ges (le Latin dit: *Vvalagie*, & ie croy Vellay)
 „ Bules. En Thoulouze turſin. En Bourdelois
 Seguin;

Seguin ; En Boubutois (le Latin dit *Albigensis* qui est Albi à mō aduis) Aimō (ie croy “ pere de Regnaut de Mont-auban & des “ trois autres ses freres tant renommez par “ les Romans) En Limosin Roger. Et vn peu “ apres la mesme Chronique de S. Denis, “ continuant. A iceluy Tursin fut ostee la “ Comté, pource qu’il s’estoit cōsenti à sa vo- “ lenté. En son lieu fut mis vn autre, qui auoit “ nom Guillaume : Et n’estoient-pas en ce “ tēps, ces Duchez par heritage: mais estoiet “ comme Bailliages, que lon ostoit & met- “ toit selon le temps. Voila ce que dit nostre grand’ Chronique. Les Anglois qui ont beaucoup retenu des coustumes du Royaume François (lequel a presque seruy aux Royaumes voisins pour se patrōner sus les formes, qui par noz Roys ont esté obseruees en leur maniere de viure & officiers) apportees en Angleterre par Guillaume Duc de Normandie, appellé le Conquerant : gardent ceste-cy en partie. Car encores que le Royaume d’Angleterre soit party en Duchez & Comtez, li est-ce que tous ceux qui portent ce tiltre, n’ont droict en la propriété : Ains au lieu d’icelle, le Roy (qui par forfaiture des anciens Seigneurs qui long temps a, ont cōfisque) cest acquis le fonds & assigne aux nouveaux Ducs & Comtes, certaine somme d’argēt pour l’entretenement de leur Estat & dignité : & toutesfois le nom & tiltre va à leurs heri-

H

DES COMTES.

tiers. Les Comtes qui furent en France du temps de la premiere famille de noz Roys, & encores de la seconde, tenoiét l'audience de la Iustice, menoient à la guerre les gens qu'on leuoit en leur país: faisoient venir le Tribut, ainsi que dit Gregoire, liure vii. chapitre xxi. & xlii. Somme, ils n'estoient autre chose que ce que sont noz Baillifs, ou les Vicomtes de Normandie, qui encores ont Iurisdiction, & leuent les tailles de leurs ressorts: Mesmes à Londres, le Vicomte est cōme vn Baillif. Mais ces Ducs & Comtes, Commissaires, ayans bien souuent esté cōtinuez, leur vie durāt, & puis leurs enfans estans pourueuz de mesme dignité, comme s'elles leur eussent esté donnees en heritage, acquirent premierement de si grandes richesses en leur ressorts; & puis apres telle autorité ou alliances, à cause de la continuation, qu'aux premiers troubles qui se presenterent, les Roys malgré eux, laisserent tels gouuernemens aux enfans de ces possesseurs trop anciens, & pour ceste cause, nō aisez de chasser d'vn tel heritage. De sorte qu'il est croyable que ceux qui iadis, & depuis l'an vccclxxx. ont porté le nom de Comte & de Duc voyans les diuisions suruenues au Royaume de France, tant par la minorité de Charles le Simple que les Courses des Normans, tout ouuertement commencerent à vouloir tenir en heritage, ce dont ils

iouyffoient par commission: donnans les autres moindres terres de leur Iurisdiction à leurs confidens. Desquels sont venus les Barons chastellains & autres plus petis Vvassaux: principalement depuis que Charles le Gros, despité contre les François Neustriens (qui sembloient le desdaigner cōme Germain) eust abandonné aux Normans pirates: partie de la Neustrie maritime, & Charles le Simple l'eust confirmee à Raoul ou Rollo. Car il est vray-semblable que cela donna occasion aux autres gouverneurs plus esloignez, d'vser de pareille audace. Et que Huë Capet les y laissa, pour auoir moins d'ennemis; n'osant leur reprocher qu'il ne deuoient tenir les Duchez & Comtez en heritage; puis que luy mesme empeschoit, que le vray & apparent heritier de la Couronne en iouïst.

L'AIOVSTERAY, que nonobstant que les Comtez fussent en commissiō, que toutesfois ceux de Bretagne (i'entends depuis Saint Malo & Renes iusques au fonds & bout de l'ancienne Armorique) estoient hereditaires, dès le temps des Meroüingiens, & encores durant celuy des Charliens. Aucuns desquels Comtes de Bretagne, se donnerent tiltre de Roy: comme au semblable, quelques Ducs de Gascongne: depuis que la maison de Clouis commença à degenerer de sa premiere vertu. Ce qui dura iusques à ce que Charles le

H ij

DES COMTES.

grand, eut tué Gadifer, Gaifier ou Vvaifier dernier Seigneur d'Aquitaine, ou plustost de Gascongne. Car lors le país d'Aquitaine commença d'estre gouverné par Louys le Debonnaire, Pepin son fils, Pepin fils de celuy-cy en tiltre de Roys (ainsi que i'ay dit) & party en Comtez sous le gouvernement desdicts Roys. Les anciens Comtes donc ne furent iadis autre chose que ce que depuis ont esté les Baillifs & Seneschaux en leur premiere institution.

I E ne puis oublier qu'en mesme temps ie les trouue auoir esté appelez Quens & Comtes, nommément aux Romans de Siperis de Vineaux, où il est dit :

Le Comte de Lancastre qui et a nom Henry

Met à Conseil le Comte qu'on dit de Vvaruic:

Sire Quens dites moi, por Dieu ie vos en pri,

voire sus des tombes de Sepulchres le mot de Quens s'y trouue escrit.

Des Barons.

CHAPITRE V.

IE ne sçay qui a voulu tirer le mot de Baron du langage Grec, & dire qu'il signifie graue. Mais les anciennes loix Françoises ou Allemâdes montrent bien qu'il vient du Septentrion, & signifie Seigneur. Le continuateur de l'histoire de Gregoire de Tours est le pre-

mier apres leſdites loix (ſi elles ſont faites du temps de noz premiers Roys) qui en uſe : & quand il les nomme , il entend parler des principaux Seigneurs , apres les Patrices, Ducs & Comtes de Bourgongne. Ber (mot commun au liure intitulé li eſtabliſſement le Roy de France , ſelon l'vſage des Chaftellet de Paris, d'Orleans , & de Baronnie) encores qu'il ſoit compoſé au temps prochain de S. Louys , en peut bien venir : & de ceſtui-cy Bernage, qui eſt ſuite de Nobleſſe : au lieu de Baronnage. Car au liuret du iugement d'Amour , compoſé du temps de S. Loys il eſt dit :

De courtoisie & de Bernage

Ot il aſſez en ſon courage. &c.

Car là , Bernage eſt pris pour Nobleſſe & franchise de cœur. Encores dans les vieux Couſtumiers de Paris, d'Olcans & de Baronnies. Li Bers ordinairement eſt pris pour haut Seigneur , comme Baron. Aux remonſtrances que les Eueſques preſenterent au Roy Charles le Chauue à Bonneuil, l'an „ vccclvi. il eſt dit. Et auſſi les articles tirez „ des chapitres ou memoires des Eueſques, „ que par le conſeil des ſages Barons vous „ leuſte à Eſparnay , pour eſtre gardez. Il eſt „ là monſtré qu'il entend par le mot Barons, les Seigneurs de marque & les principaux vaffaux. Mais en la Loy des Allemands chap. xcv. article II. le ſoufflet baillé à vn Baron, n'eſt eſtimé nō plus que celuy don-

DES BARONS.


né à vne seruante : & là le Baron se prend pour vn Simple homme. Comme le glossateur ancien de Perse , Poëte Latin Satirique , le prend quand il dit, interpretant *Baro regustatū digito tenebrare salinum, cōtentus.* de la v. Satyre , dit que les Gaulois appelloiēt ainsi les serfs des gens d'armes , & entend que ceux là soient tres-fols qui seruent les fols.

Aussi les loix des Ripuariens, tiltre de *Tabulariis*, article *xiiii.* disent; Que si quelqu'un oste de la main-burnie (c'est à dire Garde) du Roy vn homme ou femme , il sera amendable de *lx.* sols. Et là, le Baron est pris pour vn receueur de Domaine (ce croy-ie) ou du Tribut ; & qui en tient le registre. Autres disent , affranchy par lettres.

MESMES , en l'article suiuant : il est dit, Qui auroit osté de la main-burnie de l'Eglise , femme ou Baron. &c. ne se prend pour autre qu'un homme simple & sans qualité. Ce que , possible ; les femmes de Picardie ont retenu , appellans leurs maris , men Baron , pour mon homme , mon mary.

Des Chastellains, Vassaux, & Fiefs.

CHAPITRE VI.

 PRES les Barons marchoiét les Chastellains Vvassaux ou Vva-
uasseurs : à sçavoir , ceux qui auoient droiét de tenir Chastel : & ie croy que c'estoiét Capitaines de places fortes , plus petites que les bonnes villes , volontiers la demeure des Comtes.

Pour le regard des Chastellains , les plus honorables Seigneurs qui ayent porté ce tiltre , furent les Chastellains du Puiset en Beauffe , de Couffy , de Courtenay , & de Montlechery : tous alliez de la maison de Capet.

MAIS puis que nous sommes entrez si auant en la declaration des degrez d'honneur tenus par la Noblesse , il semble qu'il ne sera mauuais (pour esclaircir ces dignitez) dire quelque mot des Fiefs & de leur origine : laissant à ceux qui en ont faiét traité expres la description plus ample.

IE diray seulement , que ceux-là s'abusent , qui pensent les Fiefs estre vne inuention de Lombards. Car il est certain (& on le peut voir par les liures qui parlent des Roys de Perse , de ceux de Macedone , des Consuls & Empereurs Romains , & des au-

DES CHASTELLAINS

tres grands Monarques ou Republiques) que tousiours il y a eu des terres obligees aux plus puiffans Royaumes & communauttez, pour les feruir en guerre, fous diuers noms: soit de *Victi*, c'est à dire, subiets vaincus: de rendus qu'ils appelloient *Dedititij*: & quelque fois par vne plus courtoise appellation nommez *Fœderati*: c'est à dire, Aliez. De maniere, que les Fiefs du temps passé & le Vasselage, que ie prends pour meisme chose (car l'usage du iourd'huy en est totalement corrompu) peut estre tiré du droict des gens: puis que le meisme seruice que faisoient noz anciens feudateres, (& dont nous retenôs l'image en l'arriereban) se faisoit de ce temps-là: prenans les Roys, Princes & communauttez faisine de leurs superieurs, auxquels ils s'obligerent par serment, ainsi que Xenofon au Roman (si i'oze ainsi parler) ou plustost institution du Prince Cire, dit: Que les Perfes suiuiôit les Medes; Cresus Roy de Ledie & autres Roys & peuples d'Orient les Perfes. Les Roys d'Inde & Baëtriane, Alexandre le grand. Les Romains estoient suiuis par le Roy Dejotare, les Tetrarches de Iudee, les Roys de Capadoce & de Mauritanie: a tout le moins de Iuba. Et n'est hors de croyance que ces premiers feudataires, n'ayent aussi tenu fous eux d'autres moindres obligez, comme noz arriere-Vassaux. Toutesfois la pratique des Fiefs a esté plus

commune en Occident, depuis la venuë de noz Roys en Gaule : soit qu'ils y eussent trouué quelque marque de Gessates, Ambactes, Solduriers, Vassos, noms iadis meslez parmy les anciens Gaulois, ainsi qu'il se trouue aux Memoires de Iules Cesar liure ou que de Germanie (leur derniere habitation) ils eussent apporté ceste coustume : ainsi que gens nourris en la garnison de la frontiere Romaine: là où (comme aux autres contrees) les Empereurs, & principalement Constantin le Grand & ses successeurs, auoient donné aucunes terres des limites & frontieres Romaines, à la vie militaire des Soldats destinez à la garde de la Marche de leur Empire: ainsi que nous lisons dans Spartian, & dans Lampride, en la vie d'Alexandre fils de Mammea. Tant y a, que noz Roys venus & arrestez en Gaule, laisserent des terres aux guerriers, pour en iouïr, aux charges susdites. Côme lon peut apprendre par toute l'histoire de Gregoire de Tours: le plus ancië & fidele Autheur qui ait parlé des Roys, & du gouuernement François.

O R d'autant que ces hommes en prenant & acceptant ces terres, faisoient serment aux Roys de les accompagner à la guerre: & telles donations furent appellees fiefs, comme tenties sous l'obligation de la foy, que cet homme auoit iuree. Et pource qu'en langage Thiois (c'est à dire,

DES CHASTELLAINS

Teutonique ou Germain (dont les François vsoient) vn heritage s'appelloit Leud & Alleud: ceux qui prirēt ces terres furent nommes Leudes, que nos peres ont appellez loyaux subiects: & feaux pour la Foy qu'ils iuroient en prenant leur fief. Avec li grande subiection, que du temps des Roys Meroüingiens & Charliens, depuis que ces Leudes auoient iuré tel seruice, ils ne pouuoient chercher autre Seigneur: ains estoient poursuiuis & redemandez à ceux qui les auoient retirez, iacoit qu'ils fussent de franche condition; ainsi que lon void sous la premiere famille, au traité fait entre les Roys Guntchram & Childebert à Andelo; dont est fait mention au x x. chapitre du ix. liure de son histoire. Sous la deuxiesme, au testament & diuision que Charlemagne fit de ses Royaumes, où il

„ dit. Nous commandons que tout homme
 „ Franc (notez que le mot franc, comprenoit
 „ seulement les Nobles) qui aura laissé son
 „ Seigneur contre sa volonté, & sera allé
 „ d'un Royaume à vn autre, ne sera receu du
 „ Roy, qui aussi ne permettra qu'il soit re-
 „ ceuilly de ses hommes, ou iniustement re-
 „ tenu. Ce que nous ordonnons estre fait
 „ non seulement des francs: mais aussi des
 „ serfs fugitifs, affin de ne laisser aucune oc-
 „ casion de discorde. Ce qui encores s'obser-
 ue en Italie; & nommément à Ferrare,
 d'où les Nobles ne peuuent partir sans le

congé du Duc. Et au partage premier que Louys le Debonnaire fit de ses Royaumes, auant la naiffance de Charles fils de Iudith fa seconde femme, lon peut voir la subiection desdits Leudes francs ou Nobles. Toutesfois ces Leudes fiefuez, estoient hommes de guerre & francs de tailles, encores que lors & auparauant il y eut des Leudes serfs: comme dit le mesme Gregoire, liure sixiesme. chapitre xlv. quand il parle de l'esquipage de Riginthe, que Chilperic son pere enuoyoit en Espagne, pour en espouser le Roy. Mais ceux-cy estoient païsans & gés de main morte, qui (ce croy-ie) estoient vendus, quand & les heritages, ainsi que les serfs latins *Adisti gleba.*

O V T R E ces Leuds, nos Roys ne laissoient d'auoir des officiers & ministres plus grans, comme les dignitez dont i'ay parlé: & outre ceux la des Graffions (qui semblent auoir esté lieutenans de Comtes & non pas greffiers lors appelez chancelliers; des Rachimbourges, Centeniers, Cinquâteniers, Dixeniers, Duonuires, Barons, non pas haults iusticiers desquels i'ay parlé cy dessus mais simples officiers: ains cōme ministres de iustice pour tenir l'audience aux Mals (c'est à dire auditoire) & faisoient les enquestes & informations des parties plaidantes, recepuans les deniers du domaine & les tributs Royaux, ainsi

DES CHASTELLAINS

qu'on peut lire aux loix capitulaires de Pepin, Charlemagne & ses successeurs: menans aussi à la guerre lesdits Leudes & communes de leur territoire: comme Gregoire le monstre par tout.

Ces Seigneurs & francs Leudes pouvoient auoir des propres heritages. Aufquels leurs heritiers masles ou femelles, succedoient, sans le consentement des Seigneurs de leurs autres terres infrodees: aussi bien qu'en leurs meubles: ainsi qu'il se trouue par le testament dudit Charlemagne. là où au quatriesme article il est dit. Mais chacun desdits hommes aura son heritage sans contradiction, en quelconque Royaume il luy aduiene & luy eschee. Pource(deuez vous croire) que ces alleuds ou heritages, n'estoient obligez au seruice de personne: ains seulement pour le droit de cens, & qui leur venoit d'hoirie & succession ils pouvoient quitement en iouir sans autre subiection corporelle, Mais aux terres subiectes au seruice corporel, qui emportoit necessaire obligation de foy & fermét (& pour cette cause s'appelloit fief, ainsi que j'ay dit) si celuy qui les tenoit, mouroit sans enfans (du commencement du Royaume François, voire de l'inféodation depuis faite d'aucunes terres sous Louys le Debonnaire) ils n'y eurent rien, & les Seigneurs les bailloient à qui bon leur sembloit: ainsi qu'on peut receüillir par

route l'histoire de Gregoire : mais principalement par vne Epistre de Loup Abbé de ferrieres en Gastinois escripte à

. par la quelle il le supplie de vouloir continuer aux enfans de le fief que leur pere souloit tenir. encores depuis, si les heritiers n'estoient du mestier des armes, ou que les fiefs tombassent en quenouille (c'est à dire en main de femme, comme tomber en lance c'est en main d'homme) le Seigneur en vestoit vn autre: c'est à dire l'on faisoit & rédoit Seigneur utile. Que s'il ayroit le deffunct, volotiers il marioit sa fille à vn, qui en prenant la terre du pere de la fille, quât & quant s'obligeoit à pareille fidelité & seruice que son predecesseur. Ce qui depuis fut appellé homage, pource que ces obligez deuenoient homes & de la suite du Seigneur de qui ils receuoient ces terres: lesquelles se trouuans si grandes que les premiers & seconds Leudes les peurent diuiser & subdiviser, engendrerent les arriere fiefs; aux mesmes conditions que les Suzerains & Dominans: c'est à dire de qui ils estoient eclipez & tenus (ie croy) par ceux qu'une vie de Charlemagne appellé *Milites militū*, c'est à dire Cheualiers de Cheualiers, ou Vassaux de Vassaux, & Leudes des Leudes: estans les Suzerains nommez *Maiors*: & *Minors* les arriere Vassaux, tous Leudes

DES CHASTELLAINS

neant moins, c'est à dire vassaux & subiets des Roys. comme encores les Princes d'Allemagne & la Royne d'Angleterre, appellent leur peuple mi-leud : c'est à dire mon peuple & mes subiets.

LOUYS fils de Charlemagne fut le premier qui donna ses terres & celles de ses peres, ayeul & bisayeul en fief hereditaire (ie croy à masses) ainsi q'i'ay dit en mes Antiquitez & Annalles. Mais quand le mesme Autheur dit, que l'Empereur Louys bailla ses terres & celles de son pere. &c. il semble entendre *privatū patrimonium* c'est à dire le domaine particulier & non Royal de ces Roys: qui auoient peu auoir du bien venant de Pepin surnommé l'heritel & de Charles Martel. Pource qu'il est bien certain, que de son temps il n'y auoit encores point de Duchez & Comtez ne grandes Seigneuries; que Bauieres: en laquelle nous voyons Tassilon succeder à son pere, par les Annalles Latines de Pepin & Charlemagne sous l'an Et encores dans Gregoire, pour la Bretagne: & lesdites Annalles de France: où lon trouue que Vvaroch, Iudicael, Nomené, & autres, semblent auoir tenu leur Duchez & Comtez, comme fils & heritiers de leurs predecesseurs: car il ne faut pas croire tout ce que d'Argentré a laissé par escrit à l'aduantage de ses Bretos. Tesmoing le tiltre d'Alain le long, qu'il dit auoir esté Roy des Letanics

ou Bretons Armoriques : & donne vne Commissiō à des professeurs *iuris-utriusque*, quatre ou cinq cens ans deuant qu'on appellast ainsi les Docteurs, qui lisent les droitz ciuil ou canō en nos escholes: mais cet homme autrement sçauant, transporté de l'amour de sa patrie ressemble ceux qui en combatant, cuidans atterrer leur ennemi d'un grand fendant, se laissent tomber tout plat: de maniere que si grande faulte fait doubter de tout le reste. Lequel Aucteur, ce neantmoins, ie ne tiens pas pour inutile en autres endroits, où il n'est pas question de la souueraineté de la Bretagne. Quant aux Lombards, qui du Septentrion vindrent en Hongrie, lors frontiere des Romains, ils pratiquerent aussi les fiefs estans passez en Italie. Et toutesfois apres les Frâçois. Puis que le Royaume de France fut establi es Gaules, auant que celuy des Lombards ne le fut en Italie, ainsi que nous le pourrons voir en Gregoire de Tours qui parle des Leudes de France, auant, ou (pour le moins) aussi tost que la venüe des Lombards en Italie.

M A I S le reglement de la plus part des Fiefs tels que nous les auons, n'est guieres deuant Hugues Capet: durant le regne duquel il semble qu'il n'y auoit que les hommes francs qui tinssent les terres Fiefuees pour la guerre: car les Leudes serfs estoient gens de main morte, ainsi que i'ay dit de

DES CHASTELLAINS

ceux qui accompagnerent Rigunthe. Et ceux de Franche condition par vn long temps desdaignerent de tenir des terres en villenage. C'est à dire, à droit de cens ou rentes annuelles : tant les vrais François craignoïent le nom de tribut, aimans mieux employer à la guerre le sang de leurs corps, que celuy de leurs bourse (ainsi qu'ô l'appelle communemêt) pour les terres qu'ils tenoient. Et pource il est croyable, que les guerres ciuiles des enfans de Louys le Debonnaire, la foiblesse du Roy Charles le Simple, le rauage des Normands, & l'aduancemêt de Hugues Capet à la Couronne, donnerent occasion à ces gens infeodez d'entreprendre la Iurisdiction sus leurs gens, hômes & habitans les terres de leurs Fiefs. Car il ne me souuient point d'auoir leu, deuant ce temps, aucune marque de Iurisdiction, que Royale ou Ecclesiastique; c'est à dire, de Iuges ayans le serment au Roy & cognoissance des differéds du peuple Laïc : Et des Euesques ou Abbez sus leurs Clercs & en matiere sacree: & (côme ie croy) suiuant ce qui leur auoit esté accordé par le Roy Clouis premier, au premier Concile tenu à Orleans : lesquelles Iurdictions les Euesques & Prelats ont depuis estenduës, iusques sus leurs hostes: c'est à dire (ainsi qu'ils veulent) les habitans de leurs Fiefs: n'estant lors le *Fendum lorica & Scutiferi*, c'est à dire, Fief de Aubert & d'Escuyer

d'Escuyer encores en vſage; & dont il reſte quelque marque en Normandie; où les Seigneurs de Fief de Haubert (voire les Barons) n'ont pas la haute Juſtice, pour iuger de la vie de leurs ſubiets: ſinon bien peu, & encores par priuilege, c'eſt à dire, Loy particulièrement octroyee à vn priué: comme lon void en la coultume de Normandie. Auſſi ie croiroy bien, que tous Leudes Nobles de ce temps-là, eſtoiēt hommes d'armes & ſeruans à cheual, parce que la force des François (c'eſt à dire Nobles) giſoit en la gendarmerie & Cheualiers veſtus de loriques: appelez Haubers, poſſible pour ce qu'ils eſtoient blancs & reluiſoient à cauſe des mailles de fer poly, dont eſtoient faites les loriques. Teſmoin ce vers de Virgile:

*Loricam conſertam hamis aurôq; trilicem: c'eſt,
De hameçons eſtoit ſa lorique tiffue*

A trois rang tous dorez. &c.

Autant en dit Silius Italicus au cinquième liure:

Loricam induitur. tortos huic nexilis hamos

Ferro ſcamma rudi permixtoque aſperat auro.

Sa lorique il veſtit d'hameçons eſcaillee, meſlee d'or & de fer. &c. Sidoine Apollinaire en dit autant au Panegyric d'Anthemie:

Circulus impactis loricam texuit hamis

c'eſt à dire. D'hameçons bien clouiez ſa lorique eut tiffue. Gregoire de Tours liure

DES CHASTELLAINS

septiesme chap. xx xviii. *Et immissa lancea voluit eum transfigere, sed repulsa articulis lorice nihil nocuit*, ayant branlé sa lance il le voulut tuer mais, repoussée par les annelets de la lorique, il ne peut luy mal faire; represente le Haubert faict de mailles iointes & passées l'une dans l'autre; dont viét le proverbe, maille à maille se fait le Haubert. Ce qui encores fait appeller Haubergeoniers les faiseurs de chemises de mailles.

IE croiroy bien que ces guerriers Haubergeoniers ou feudataires de loriques, auoient sous eux d'autres Nobles; lesquels n'estans pas en aage de servir avec le Haubert, portoient les escus ou targes de leurs Seigneurs & maistres: ce qui les faisoit appeller Escuyers: mais avec le temps & l'experience deuenoient Cheualiers: ou bien ces Escuyers n'estoient tenus servir qu'armez seulement d'un escu. Encores peut bien estre, que les grāds Seigneurs amoindrissans leurs liberalitez, & ne donnās plus tant de terres, qu'elles fussent suffisantes pour entretenir vn homme d'armes, ou Cheualier (plus pesammēt armé & qui par consequent auoit besoin de plus fort cheual & suite d'hommes) se cōtenterent d'auoir des Fiefs d'Escuyers, c'est à dire, de gens plus legerement armez.

DEPUIS les Comtes & hauts Barons, contre la regle des Fiefs (qui veulent que le Fief soit composé de chose immeuble &

de fonds) firent des Fiefs sans terre, & encores fiefuerent les offices, comme de Seneschal, Chambrier, Bouteiller & autres ainsi que j'ay dit: & qui furent hereditaires: comme encores ils sont en aucuns Royaumes, tels que celuy d'Escoffe: & mesmes en Normandie, le Seneschal & Connestable. Mais les Fiefs sans terres & tiltres d'offices, s'appelloient Fiefs de reuenüe. Quand vn Roy, Duc, ou Seigneur assignoit à vn Gentil-homme aucune somme d'argent sur son domaine. Car celuy qui prenoit ces deniers, deuenoit hōme de celuy qui l'assignoit. Et en Italie, tel Fief s'appelloit *de Camera*, comme assigné sus la chambre ou le tresor du Roy, que le Chambrier manioit ainsi que cy dessus j'ay monstré, parlāt de cet officier. Il y auoit aussi vn fief *de Cauena*. Toutesfois ç'a esté bien tard que noz François en ont vü: & ne me souuient point d'auoir leu exemple de tels Fiefs que dans Froissart, & ceux que du Tillet nomme, pris des tiltres du Tresor: entre lesquels il cote, que Geoffroy de Limoges fit homage au Roy Philippes de Valois, de deux cents liures de rente à vie, à prendre sus le tresor du Roy, & cinq cents liures pour vne fois. Soubs promesse de le seruir avec vingt hommes d'armes. Encores remarque-on deux sortes d'homage, l'vn de bouche & de mains: par lequel le vassal maintient n'estre tenu de seruir

DES CHASTELLAINS

son Seigneur qu'à la deffence du Fief dominant & Suzerain : pour ceste cause se disant homme simplement, & sans adiection de condition: Et l'autre homage estoit Lige (c'est à dire , de Leude , & non pas de lié, ainsi que d'aucuns cuident) car la ville de Liegé s'appelle en Latin *Leodium* , pource qu'elle fut habitee de Leudes. Or par ledit homage Lige, le Vassal est ennemy des ennemis de son Seigneur, & lié à le suiure par tout : comme les anciens Leudes dont j'ay parlé. Qui est l'interpretation que Jean de Montfort second Duc de Bretagne de ce nom, vouloit donner à Charles VI. Roy de France : en la dispute que ledict de Bretagne eut pour l'hommage dudit Duché, iacioit que ces distinctions fussent incogneuës sous les premiere & seconde famille de noz Roys : durant lesquelles, les Leudes suiuoient leur Seigneur par tout sans exception, & en toutes guerres & querelles, ainsi que j'ay cy dessus monstré.

A ceste cause lon peut remarquer en l'ancienne Coustume, seló l'vsage du Chastellet de Paris, d'Orleans & de Baronnie, que non sans raison l'homme tenant en arriere-fief, & sommé par son Seigneur de venir faire la guerre au Roy, pouuoit dire à celuy qui le sommoit : laissez moy aller vers le Roy, sçauoir s'il vous veut faire iustice. Que si le Roy le refusoit faire, le vassal pouuoit accópagner son Seigneur sans

crainte de perdre son fief, comme s'il fut plus tenu (ce doit-on croire) à celuy qui luy auoit donné son fief, & pris de luy son serment, qu'au Roy son arriere Seigneur: qui neâtmoins deuoit estre respecté cōme la source & premier bien-faiteur ou départisseur des fiefs. Ce qui (à mon aduis) estoit comme vn reste de la franchise (ou plustost Anarchie) de ceux qui destruirent la maison de Charlemagne, & se garderēt (aussi bien que soubs Charles Martel, de ne point payer de Decimes ce que Hugues Capet fut contraint de leur souffrir, pour demourer paisible de la Couronne: iusques à ce que Louys le Gros, eut retranché l'insolence des Tyrāneaux d'entour Paris: quand il essarta la France, pour enuoyer toutes ces mauuaises herbes en Lorient, aux guerres d'outre-mer.

LES sermets des vassaux ont esté diuers: le plus ancien que i'aye trouué, est soubs Charlemagne: lequel vouloit que le vassal iurast ces mots. *Je N. promets, & iure à la part du Roy Charles mon Seigneur, & à ses enfans, que ie luy suy fidele, & le seray tous les iours de ma vie sans fraude ne mal engin.* Aucuns disent que les anciens François en iurant, tenoient de la paille en leurs mains, laquelle apres ie-
 estoient deuant Dieu & ses Anges (ie.croy) en detestation, que s'ils faussioient leur serment, ils fussent aussi peu estimez que ceste paille ainsi iectee. Depuis en baillant les

DES CHASTELLAINS

fiefs les Seigneurs voulurent queles vassaux iurassent, de garder leur honneur & bonne renommee: & que lesdits vassaux ne feroient rien au preiudice d'eux, leurs femmes enfans & famille. Qu'ils ne conseileroient ou feroiét chose, pour laquelle ils perdissent la vie, les membres, ou les biens.

LA forme qui se gardoit du temps de S. Louys estoit telle, selon l'vsage du Chastellet de Paris, d'Orleans, ou de Baronnie. Le Seigneur prenoit entre ses deux paulmes les mains de son vassal ioinctes: lequel à genoux, nuë teste, sans manteau, ceinture, epee, ne esperons (ie croy pour monstrier toute humilité) disoit: *Sire, ie deuieñ vostre hō-*
de bouche, & de mains: Et vous iure & promets
foy & loyauté, & de garder vostre droict à mon
pouuoir, & de faire bonne iustice, à vostre semonce,
ou à la semonce de vostre Bailly, à mon sens. Cela dit, le Seigneur baisoit le vassal en la bouche. Mais depuis que pour aider aux Croisez (c'est à dire à ceux qui auoient pris la croix & s'estoient vouiez d'aller en Ierusalem, pour aller faire la guerre aux Sarrazins) il fut permis aux bourgeois & roturiers, de tenir des terres Nobles (pource que les vèdeurs en tiroient plus que des Gentils-hōmes) & encores quand les Roys priuilegièrent les habitans des grandes villes de tenir des fiefs, & qu'apres les batailles de Crecy, Poitiers, d'Agincour, Verneüil &

tant d'autres aduersitez de la France, eurent contrainct la Noblesse de vèdre leurs fiefs pour se rachepter de prison, l'argent estant demouré es villes, comme en lieux plus feurs que ceux des champs & de la campagne (demeure ordinaire de la Noblesse Françoisise) en fin, les fiefs (dis-ie) se trouuerent aussi en la possession des Bourgeois. Au grād preiudice de la militie Françoisise: qui en fut tellement affoiblie, que l'arriere-ban (iadis la principale force du Royaume) pour le iourd'huy est vn secours inutile ou de petit effect.

IE trouue par vn plaidoyé fait en Parlement l'an mil quarâte quatre le dernier Auriil, & vingt-septiesme Iuillet plaidant que pour faire Chastellerie, il faut qu'il y ait Abbaye, ou Prioré cōuentuel: fourbannier.&c.

Du Connestable.

CHAPITRE VII.



EV SSE volontiers mis les Bailifs au rāg des domestiques parmi les Chambriers, Bouteillers & autres, n'estoit que maintenant ils sont plus officiers de iustice que de la maison du Roy. Qui sera la cause pourquoy ie les passeray quant à present, pour parler du Cōnestable, iadis domestique,&c.

I iijj

DV CONNESTABLE.

maintenant le premier de tous les officiers de la Couronne: & cõme le chef & conducteur des armes , voire (comme i'ay leu dans vn vieil broüillar) le premier Sergent du Roy pour executer ses commãdemens; & à vn besoin mettre la main sus les grãds, pour les faire prisonniers, & les représenter à Iustice.

PLVSIEURS disputent sus l'origine du mot, les vns disent qu'il a pris son nom de Contestable: pource qu'il ne se changeoit pas comme les autres Comtes: ains estoit stable & perpetuel, lesquels ie vous ay cy deuant dit auoir esté changez, comme il plaisoit aux Roys. Les autres le prennent de Comte de l'Éstable, qui estoit vne dignité cogneuë, mesme du temps des Empereurs Romains, & anciens Roys François: & qu'ils seruoiet comme maintenant font les grands Escuyers. Les Romains n'en faisoient pas grand cas. Puis que Gregoire de Tours au 111. liure de son histoire chapitre xxxii. dit que Iustinian courroucé contre Bellissaire, pour les pertes qu'il auoit faites, le depõsa de sa charge de Lieutenant general en sa guerre d'Italie, contre les Gots, & le fit *Comes Stabuli*. Et toutesfois Cedrene Autheur Grec (il est vray que lõg temps depuis, & sous l'Empereur) en fait vn grand officier de la Cour de Grece, qu'il appelle *Megalos Conestaulos*, c'est grand Connestable & chef des Escuyers.

Comme du temps de Gregoire, cet estat estoit ja tenu par de vaillans hommes. Car Aimon, liure . . . chap dit: *Leudegisilus regalium prapositus equorum, quem vulgo Comistabilem vocant quémque rex ei prafecerat expeditioni.* C'est à dire, Leudegisille, Pre-
 uost des cheuaux du Roy, communement
 appelé Connestable, & que le Roy auoit
 fait chef de ce voyage. Comme aussi il se
 trouue que Bouchard le fut d'une armee
 de marine, que Charles le grand enuoya
 contre des Pirates, Maures de Barbarie ro-
 dans la mer Mediterranee.

IL y a bien grande apparence en ceste
 derniere etymologie. Toutesfois, ie pense
 quant à moy, que le mot de Connestable
 est François, & encores qu'il a esté mis en
 vsage plus tard beaucoup qu'on ne pense.
 Car venans les Maires ou Maistres du Pa-
 lais (pource que lon dit que *Meier*, signifie
 en vieil langage François, ou Allemand,
 Lieutenant) à estre abolis, il est à croire que
 Pepin qui auoit esprouué la puissance de
 ceste dignité, ne voulut donner occasion à
 pareille audace que la sienne, & celle de
 ses predecesseurs. Et pource, durant le re-
 gne de ses succeffeurs, il n'y eut point de
 chef ou conducteur certain des armes: ains
 seulement vn Comte du Palais, qui ren-
 doit la iustice à ceux de la suite du Roy.

MAIS du temps de la famille de Capet,
 vous trouuerez toutes les Chartes sous-

DU CONNESTABLE.

signees par le *Dapifer Camerarius*, *Buticularius*, *Constabularius*, & *Cancellarius*, ainsi qu'a-uons dit. Vray est qu'en aucunes, ie trouue que le *Constabularius*, n'est-pas tousiours le penultiesme des cinq. Côme en la Charte octroyee par Louys le Gros aux Bourgeois de Paris, de pouuoir faire arrest sus les biés de leurs debtteurs. il est dit: *Actum Parisiis publicè anno incarnati. Verbi, MCXXXIIII. regni XXVII. Annuente Ludouico filio nostro in regem sublimato. Au troisiésme, Astantibus in Palatio nostro quorum nomina sub intitulata sunt & signa S. Radulfi Dapiferi Viromãdiorum Comitum, Hugonis Constabularij, Hugonis Camerarij. Datum per manum Stephani Cancellarij.* Et encores par celle ou ledict Roy quitte les soixante sols qu'il prenoit en vendanges, sus chacun basteau qui venoit à Paris. *Actum Parisiis publicè anno incarnati verbi MCXXI. regni nostri XIIII. Adelaidis reginae VII. Astantibus in Palatio nostro quorum nomina subintitulata sunt & figura S. Stephani Dapiferi, S. Gilberti Buticularij, S. Hugonis Constabularij, S. Guidonis Camerarij. Data per manum Stephani Cancellarij.*

Pour reuenir à mon propos, ces officiers semblét auoir esté tous domestiques, & encores propres à noz Roys: car vous ne trouuez point que les Princes d'Allemagne vsassent de Seneschal & Connestable: mesmes les Roys d'Angleterre qui ont esté imitateurs de ceux de France, les ont pris de nous. Puis donc que la dignite de Con-

nestable (i'entens telle qu'elle est) a esté plus pratiquée en France , il est croyable que le mot est François. Je ne veux rien asseurer , & mets seulement cecy en auant, afin que chacun dise ce qui luy en semblera bon.

A v Roman des sept sages, parlant d'une maison nouvellement bastie par vn Seigneur.

*Et * s'auoit-il assez mesgnie*

** c'est
si auoit.*

Molt pres de la tor hebergie

Mefons & grances & estables

Molt riches & molt Connestables

qui est à dire en ce lieu bien basties & bien ordonnees. Dont vient (possible) que les compagnies de gens de guerre , estoient, il y a trois & quatre cens ans, appellees Connestablies : & les conducteurs cheuetains & Connestables. Ainsi que lon peut deuiner par vn Roman de la destruction de Troye : où apres qu'il a nommees les Portes d'une ville il dit:

Moult si furent hault li portail

Sus chacune ot d'or principal,

*K'aute * & espesse & defensable:*

** c'est
qui hausse.*

Ni eut si pauvre Connestable

Ki en baillie le menour

Mil Chenaliers not de s'honneur.

& apres:

Chacune aura sa compagnie

Bien ordonnee & estable

Et dans les grandes Chroniques sous le

DV CONNESTABLE.

Roy Louys le gros, il est dit: Et quand ce
 " vint à vn Mardy matin qu'il eut ses ost
 " amenez, si ordonna les batailles: & mit en
 " chacune Cheuetains & Cōnestables. Mar-
 fille de Padoüe qui viuoit enuiron l'an
 mcccclxviii. en son liure intitulé *Deffesor*
pacis en la premiere diction, chapitre lx. dit
 que le chef d'une armee de son tēps estoit
 appellé Capitaine & Connestable: & sem-
 ble que ce fut vn office de ville, disant: Cet
 office s'appelle aux Comtez modernes, Ca-
 pitainerie & Connestable. Toutesfois ce
 chef d'armes ne s'entremet d'aucuns iuge-
 ments durant la paix: mais en temps de
 guerre il est maistre de la vie, & peut cha-
 stier les malfaiçteurs. Au Roman des sept
 sages parlant d'un capitaine ou chef sous
 vn Roy ou, souuerain .il est dit:

*Connestable estoit & prince
 Et maistre de sa compagnie.
 De ces auoit la seigneurie. &c.
 Chil qui de tout fu Connestable
 Et Sire & chef & prince & maistre
 Chest Hector. &c.*

Et au fragment de la destruction de Troye:

*Polidamas li souuerains
 Ot ces en baille, & en ses mains
 Hector len ot fet Connestable. &c. le mesme
 De gens de pied & ses parties:
 Bon seigneur eurent & droiturier
 Cainc ne ne . . . souffri
 En sa cour ot establi*

Il y a long temps qu'à Bourdeaux y auoit vn Connestable, ainsi qu'il apert par vne charte de l'hostel de la ville de Paris, donnee par Edoüard Roy d'Angleterre. *Anno regni sui XXI. testemur ipso.* Et cōmence: *Edoardus. &c. dilectis nostris Iohanni de Haucaningand militi Senescallo, dicti Ducatus Magistris Raimondo de Ferreria decano Sancti Senerini Burdegalsis: & Iterio de Angolisma Constabulario nostro Burdegalsi.* Et au Roman de Siperis il les fait petits Capitaines. Car parlant d'un Royaume naguieres conquis:

*Puis fit par le pais & par mainte Cité
Et par tous les Chasteaux qui y sont maçonné
Belles Connestablies de foudoiers armé.*

Le mesme Roman semble dire, que ce fut vn chef de ville:

*Li communs de Paris celle Cité antie,
Sont ordonné chacun en sa Connestablie.*

Ce que nous appellons dixaine, comme ie croy. Et encores à Londres les chefs des Dixaines de la ville, sont nommez Connestables: & leur charge est d'empeschier les seditions. Le Capitaine du Chateau de Carcassonne s'apelle encores Cōnestable: & le Roman de Iudas Machabee composé l'an m c c l x x. parlant d'une armee disposée au combat:

*Quant orent fet lor six conrois
De lor Cheualier, li Gregois
S'ordonnent li sergens a pié
Quatre conrois dels ont rengié,*

DV CONNESTABLE.

Dix mille homme orent en chacun.

Que par le conseil du Kemun

Ot en chacun dix Connestables

Tous a cheual preux & notables.

Les grandes Chroniques semblent haucer d'avantage l'Estat, disans en vn endroit(ou Louys le Gros enuoie Louys son fils en Guienne, pour espouzer Alienor heritiere » du pais. A tant commença à ce faire,& à y » enuoyer:Et fit semondre iusques à six cens » Cheualiers & plus:tous les meilleurs de sō » Royaume.Et fit d'eux seigneurs & Conne- » stables le Noble Comte thibauld son cou- » sin : & le vaillant Comte Raoul de Ver- » mandois,& l'Abbé Sugier de S. Denis. Ce- la est enuiron l'an mcxxvii-auquel(si ie n'ay point failli) vn nommé Hugues, est par les Chartes appellé Connestable. Et ie croy, que de ce temps, le Connestable n'estoit que grand Escuier. Comme il semble que le *Connestabularius* fut vn officier domestique,aussi bien que ses quatre compagnons nommez aux Chartes. De fait au Roman des sept sages ou de Dolopathos,'composé du temps de Philippes Auguste, & dedié à Louys son fils, ou le plustard à Louys Hutin fils de Philippe le Bel,il est dit:

Il esgarda le Connestable

Qui tenoit les consteaux de table

*Et sauoit * les bacins d'argent*

* c'est
pour si
auoit.

Et puis apres:

Tantost corent oster la table

Li Serjan & li Connestable

là où il faut prendre ces Conneftables pour
Efcuyers tranchans, Gentis-hommes fer-
uans, & de la chambre. Tefmoing le paffa-
ge ia allegué:

La veiffiez coffres ouurir,

As Chambellans as Conneftables

Et veiffiez couurir ces tables

De pots & de hanaps d'argent.

Mefmes les trois chefs des fix cens Cheua-
liers enuoyez en Guienne, ainfi que dit eft,
font Commiffaires & deputez du Roy
pour accorder le mariage: & dōt l'vn eftant
Moine, mōſtre que c'eſtoit de telle charge.

Le Roman d'Alexandre compoſé par
vn Autheur afſez prochain de l'an m c c. re-
marque quelque choſe de l'authorité du
Conneſtable de guerre. Car parlant d'vn
certain Eumenidus qu'il fait Lieutenant &
Conneſtable de ce Roy, il dit:

*Que ſui Eumenidus qui toute loſt apend **

A mener & a diure deſſus leſtrange gent.

Que i'en ai en du Roy don & otroiment:

* c'eſt
depend

Encores il dit en autre endroit:

Maiftres & Conneſtable y mit & ordonna

les meſmes Autheurs le font plus grand &
luy dōnent de l'authorité. Car en vn paſſa-
ge, parlant d'vne compagnie de ſoldats, ou
Cheualiers ja eſbranlez pour fuir il eſt dit
ainſi:

Mais ils redoutent honte & vilain reprouuer

Et le franc Conneſtable qu'ex a a iuſticier

Et le mot iuſticier ſignifie en ce paſſage,

DV CONNESTABLE

chastier & faire iustice, punir & gouuerner,
tesmoing le Roman de Siperis :

Siperis ot a nom qui ot a iusticier

Le Royaume de France, & auant & arrier.
c'est à dire, qui estoit Roy de France.

EN la Chronique de Montfort, ou des
Albigeois, commençant l'an m c c i i. & fi-
nissant l'an m c c x i. souz l'an m c c x x i i i.
il est dit: qu'Amaury fils de Simō Comte de
Montfort, quitta au Roy Louys v i i i. tout
ce qu'il tenoit en Languedoc, & Agenois,
ne le pouuant deffendre contre les Albi-
geois, ou Comtes de Toulouze. *Rex verò cō-*
tulit Constabiliatus officium in tota Francia eidem
Comiti Amalrico, quem nouerat virum prouidū ac
strenuum & expertum in exercitio militari. C'est
, à dire, le Roy luy cōfera l'office de Conne-
, stable audit Cōte Amaury fils de Simon de
, Montfort, qu'il cognoissoit pour homme
, sage, & vaillāt & expérimenté à la cōduite
, des armées. Ce qui mōstre en cet endroit,
, que ledit estat estoit charge de Capitaine,
& non de grand Escuyer. Le Connestable
auoit Iustice sus les Soldats, & estoit com-
me Lieutenant general en l'armée du Roy.
Ce que monstre le Romā de la Roze, com-
posé par Maistre Iean de Meung, auant l'an
m c c c. lequel au sermon de Genius dit:

De l'authorité de Nature,

Qui de tout le mont a la cure:

Comme Vicaire & Connestable

De par l'Empereor durable.

&

& encores le mesme Autheur fait dire à Nature

*Icil grant sire tant me prise
Qu'il ma pour chambriere prise
Pour chambriere certes voire
Pour Connestable & pour vicaire.*

Cela est confirmé par Froissart au premier volume chapitre c c l x x x x. ou Bertran du Guesclin refusant de prendre l'Estat de Connestable, dit au Roy Charles cinquiesme qui l'en vouloit pourvoir, cher Sire, ie ne vous puis ne ose desdire de vostre bon plaisir. Mais il est venté que ie suis vn pauvre homme & de basse venue en l'office de Connestable, qui est si grand & si Noble, qu'il conuient qui bien la veut exercer & s'en aquiter, qu'il commande & exploite moult auant : & plus sus les grans que sur les petis. Et voyez-cy messeigneurs vos freres, vos nepueux & vos cousins qui auront charge de gensdarmes, & en ost & en cheuauchees, comment auferoisse commander sur eux. &c. ce qui encores dure. Et les Maréchaux de France (qui sont les Lieutenans des Connestables) ou leurs Preuosts punissant les fautes commises en l'armee. Vray est que les Connestables n'ont pas tousiours eu si grande autorité qu'a present. Et par aucuns Comptes qui sont encores en la chābre des Comptes, il apert comme i'ay dit cy desus du voyage que le Roy Louys le Gros fit faire en Gui-

D V C O N N E S T A B L E.

enne pour le mariage de son fils, que les Connestables d'armes, auant l'an m c c l. ou enuiron n'estoient que commissaires. Et tel portoit ce nom en vne guerre, qui l'ayant exploictée, la mesme année n'estoit plus ainsi appellé. Aussi leurs maistres estoient lors petis: mais quād les Rois se trouuerent auoir affaire à des puissans ennemis, la bōne conduite, le seruice & la vigilance de ceux qui tenoient tels offices, leur donna l'autorité telle qu'ils ont maintenant.

C'EST chose bien remarquable, qu'en l'institution du Connestable, le Roy en le pouruoyant de l'office, luy met vne espee nuë en la main. Et que le Connestable en fait foy & homage lige au Roy, promettāt de n'en vser que bien & legitiment. Quant à cet homage lige, il est de telle nature (ainsi que j'ay dit) que celuy qui le fait, ne se peult plus despartir de l'obeissance de celuy à qui il iure telle fidelité. Le mot que l'Empereur Traian dit au Preuost de son Pretoire (à qui les Maires du Palais de nos Roys ressembloient: & apres eux les Connestables) est remarquable. Pren, disoit le Romain, ceste espee, pour en vser contre moy-mesme, si ie fay mal. Mais c'est vne dāgereuse menterie, de dire que le Connestable a plus de pouuoir d'aliener le domaine, voire la moitie de la Couronne du Roy, que le Roy mesme. Ce que ie pense venir de la grande suffisance de ceux, qui par cy

deuant ont esté pourueuz de tel office : ain-
 si que i'ay dit. Et aussi les vaillans Roys n'en
 ont guieres vsé, qu'en tres-grande necessité
 & qu'ils n'ont peu vacquer en diuers en-
 droits : Car depuis cent ans il n'y en a eu
 que trois, les Connestables timbrent leurs
 escus & l'enrichissent de ceste espee fleur-
 delisee, leurs escussions & armoiries. Et sou-
 loiet prendre de grâds droits sus les hom-
 mes de guerre : avec vne iournee de leurs
 fouldes, outre assez dautres preeminéces:
 declarées par le Greffier du Tillet.

Des Mareschaux.

CHAPITRE VIII.



P A V S A N I E Autheur Grec dit, que
 Mark signifiolt cheual en vieil lâ-
 gaige Gaulois ; qui me fait croire
 que celuy qui ferre & medecine
 les cheuaux en a pris son nom : comme
 aussi il y a grande apparence que la digni-
 té de Mareschal vienne de la charge qu'ils
 auoient des cheuaux Royaulx, sous les
 Comtes de l'Estable leurs chefs : Telle-
 ment qu'il faut dire que les Mareschaux de
 la maison Merouïngienne, estans comme
 les Escuyers d'Ecurie du Roy present,
 quâd les Comtes de l'Estable ont esté faits
 chefs d'armees, les Maréchaux, qui estoiet
 comme petis Connestables, se sont aussi

DES MARESCHAUX.

aduancez en dignité. Et que dès le commencement de la maison des Capets, quand lon vid que les Gentil-hommes nourris en l'escurie, estoient plus forts au trauail, & mieux duits à mener & piquer les cheuaux (qui sont le principal instrument de la guerre, & par consequent dignes de la Noblesse, qui pour leur richesse les peut mieux achepter & nourrir) il est croyable que les Roys se seruirent d'eux aux armées. A celle cause comme plus propres à descouurir pais, ils furent mis à l'auant-garde.

Aussi nous trouuons que la principale charge des Mareschaux de France, estoit de mener l'auant-garde (ordinairement garnie de Cheualerie) non seulement pour descouurir l'ennemi, mais encores pour choisir les lieux propres à l'assiete du camp. Car au Roman de la conquête de Bretagne, il est dit:

*c'est *
piqueur
c'est *
guide*

*Charle apele Fagon le pongneur **

*Maréchal est de lost & guicor **

Et au Roman de Gerar du Frate parlant de Charles le Grand:

Son Mareschal a fait tout deuant cheuocher.

FROISSART en son premier volume chap. xvii. Et si n'estoit qu'il osast sur peine de perdre la teste, faire passer ne cheuaucher deuant les Banieres, fors les Mareschaux. Et puis il dit encores. Si fit commander par le Roy & les Mareschaux que

on se logeait la endroit. De fait vous voyez encores les chefs des fourriers estre appelez Mareschaux: leur nom donc vient du commendement qu'ils auoient sus les gens de cheual. Car Mark ainsi que i'ay dit signifioit cheual: & Schal maistre: Comme Seneschal maistre des cuisiniers. De laquelle opinion est *Castel Vetro*, sçauant Italien: lequel en la response faite à *El Varchi*: dit que Schal, signifie qui a soin. Et que pour cette cause celuy qui a soin des cheuaux s'appelle Mareschal. Comme Seneschal qui a soin de la maison & cuisine du Roy. Mais ie croy que chal est mot Allemand. Et que le liure intitulé Grace: qui est l'Histoire de la Bible & nouveau testament, mise en vers François Thiois par Otfrid, & dediee à Louys Roy d'Allemagne (ie croy) fils de Louys le Debonaire enuiron l'an vccclxx. par tout mōstre q̄ Schal, signifie maistre. Que de tout temps les Mareschaux eussent intēdence sus les cheuaux, il est clair, par vn parlement tenu entre les Roys Lothaire & Charles le Chauue l'an vcccxxxx. à Valentiennes. article xiii. où il est dit *ut missi nostri. &c.* Que nos commissaires en temps d'Esté, quād ils enuoient leurs cheuaux à l'herbe; ou en temps d'Hiuer quād leurs Mareschaux enuoient fourrager, ils ne pillent point les voisins. Et en la loy des Alemans titre lxxx. §. iiii. si le Mareschal qui est commis sus douze

DES MARESCHAVX.

cheuaux est occis il payera XL. sols. Ces sols estoient d'or, & au plus n'y en auoit que quarāte huit à nostre marc. Gontier Poëte, en son liure des Gestes de Frideric Empereur, intitulé *Ligurinus*.

Sed Stabulatori nostro denuntiet. &c.

Spiegel interprete *Stabulator* Mareschal, alleguant *Radenicus* : & Altamer en son commentaire sus les mœurs des Germains liure composé par Tacite, dit : Que le mot vient de *Marka* & *Merken*, qui en langue Allemande signifie Cheual & lument : dont vient *Merkenland*, le pais des Cheuaux. Les Allemands donnent à leur Mareschal Imperial la mesme autorité que nous au Connestable ; & luy font porter l'espee deuant leur Empereur : comme mailtre de sa Cheualerie. L'Electeur de Saxe tient ceste dignité : & pare ses armes de deux espees croisees, dans vn quartier à part. Noz Romains font quelque mention de l'Estat des Mareschaux, mais assez tard. Car ie cōfesse qu'il ne me souuient point d'auoir leu le mot de Mareschal deuant Louys le Gros. Car Guillaume des Roches estoit Mareschal de France, dès l'an M C V II. duquel font mention les grandes Chroniques de France.

A v Roman de Guyon de Nanteuïl, composé enuiron l'an M C C. Charlemagne parlant à Guyon luy dit :

Deformais porterez mon Royal Gonfanon.

Et apres vn Heruy, parlant de l'honneur qui auoit esté fait par le Roy à Guyon, dit: que le Roy luy a

Sa terre abandonnee & fait son Mareschal:

Mais ie croiroy qu'il faut lire Seneschal: par ce que nous auons dit cy dessus, que les Mareschaux parent leurs Escussions de Haches: ie croirois volontiers que c'est pour ce qu'on s'en sert à couper le bois dont lon fait des feüillees pour faire les logis d'un camp: qui est la premiere chose à quoy lon s'employe, estant l'armee arriuee: Voulãs les Mareschaux monstrier la principale charge de leur estat, qui est de loger le cãp. Vn memoire de la Chambre des Comptes, m'a appris, que les Mareschaux de France, auoient droict de prendre tous les ans, sus les Mareschaux de Bourges huit fers, & les cloudz, quatre en Auril (car ie lis ainsi audit memoire) & quatre à Pasques. Et la Cour & cognoissance des choses appartenans à leur mestier: lesquelles choses de piece le Roy a remise en son domaine: ainsi qu'il se trouue par l'enqueste faite l'an par Richart du Bec Bailly de Bourges: & dont les Mareschaux de France ont iouy & leuẽ leurs droits: lors que Foucault du Mesle & Monsieur Mille de Noyers estoient Mareschaux: c'est à dire, environ l'an m c c l x x x. souz Philippes fils du Roy Saint Louys. Ie croy à la facon des autres grands Offices & dignitez: ainsi que i'ay

DES MARESCHAUX.

cy dessus dit : ayans Cour, & cognoissance sus les mestiers, faisans trafic des marchandises dont l'on vsoit en leur estat. Car le premier Mareschal de l'Escurie du Roy, pretendoit qu'aucun ne pouuoit estre Heaumier, Haubergeonnier, ne Esperonnier à Paris, s'il ne l'acheptoit de luy, au nom du Roy. Et quant à luy, qu'il n'estoit tenu de ferrer que les cheuaux de selle du Roy, & non les autres. Je ne puis oublier que tous grands Ducs, Comtes & hauts Seigneurs: voire aucuns Ecclesiastiques auoient leurs Chambriers, Mareschaux & Eschançons, & entre autres l'Abbé de S. Denis. Et me souuient que l'office de Mareschal de ceste Abbaye, comme hereditaire fut affecté au payemēt du doüaire d'une vesue, ainsi que j'ay appris de l'Aduocat qui auoit conduit ceste cause & le feu sieur de Valence Allegrain qui tenoit l'estat d'Eschançon de ladite Eglise, me disoit que pour son droit la coupe en laquelle l'Abbé auoit beu à son entree en ladite Abbaye luy appartenoit, comme volontiers il se pratiquoit es Cours des autres Princes. Monsieur Hurault Seigneur de Vueil, Maistre des Requestes, l'an MDLXXXIX. comme gaigna vn procès contre ledit Abbé en l'arrest duquel, sont contenus plusieurs droits de pain quotidiā, harenc & autres especes.

De l'Admiral.

CHAPITRE IX,

L'ESTAT d'Admiral n'est pas de ceux que l'on ait appellez domestiques, ains nouveau : & iacoit qu'il soit entre les chefs de guerre, ce n'est que pour la marine, & pource Compte des deniers & apres les Mareschaux de France. Si est-ce que les Francs (dont les François sont issus) ont de leur premiere origine, esté bon nageurs, & gens d'eauë. Ce qui les a fait appeller des anciens Poëtes, *Hante-maretz*. Il se trouue que du temps de l'Empereur Probus vne bande de Francs s'adressant à luy, le pria de leur vouloir donner des terres pour habiter : & vne autre ne s'estant peu accorder, trouuant des vaisseaux en la mer Maiour, passa (comme dit vn Panegyric) en celle de Leuant : & courut iusques en la Grece. Puis de là vint saccager Siracuse (aujourd'huy Sarragoce de Sicile) retournans en leur pais par le destroit de Gibraltar & la mer Occéane : ainsi que i'ay monstré en mes Antiquitez. Mais depuis qu'ils commencerent (sortans des paludz de Holâde & de Frize) à cōquerir la Gaule, laissant cet exercice aux Saxons leurs voisins, & com-

DE L'ADMIRAL.

pagnons, lon ne trouue poins exploit fait par eux sus la mer: fors quand Thierry Roy des Frâçois à Rheims ou Metz, apres auoir tué Cochiliard Roy Danois, qui estoit descendu en son païs, c'est à dire, du costé de la mer qui est entre l'emboucheure des riuieres de l'Escault, ou de Meuse vers Brabant, poursuiuit ces gens qui auoient retiré leur butin dans leurs vaisseaux, & les desfit en mer. Et Iustinian Emperéur en la Loy 2. offre de garder sa Prouince des Pirates François. Charles Martel, plus de deux cens ans apres, combatit aussi les Frisons, brulant les Isles d'Amistrache & d'Austrache. Et combien que Charles le Grand fit bastir des nefes & garder toutes les emboucheures des riuieres qui entrent dans la mer du Septentrion, & l'Occident de la France (côme tesmoigne la tour d'Ordre, assise pres de Boulongne sus la mer, qu'il fit bastir ou du moins reparer, pour resister aux courses des Normans, vollâs ceux qui nauigeoient ceste coste.) Les Autheurs precedens son regne, & ceux qui parlent de luy, ne font aucune mention d'Admiral: ou de chef particulier pour la Marine. Car mesme en la bataille nauale, que de son temps les Frâçois gaignerent sus les Sarrazins d'Afrique qui auoient pillé la Sardaigne & la Corse, Isles de la mer Mediterranee, à l'opposite de la riuere de Genes, Bouchard Comte de l'estable (ou si vous

voulez Connestable , comme le veut Paul Emil) de cet Empereur , est nommé cōme principal de l'armee. Ce qui me fait croire, que l'office d'Admiral est des derniers introduits en France. Et encores depuis que noz Roys de la maison de Hugues Capet commencerent d'aller outre mer : pource que n'ayans aucunes terres maritimes, auāt qu'ils fussent maistres de Languedoc, ils ne se soucioient d'auoir à eux des vaisseaux, & encores moins des officiers particuliers pour la marine: ou s'il y en auoit , ils estoiet particuliers aux villes, & compris sous le nom general de Capitaines , avec adiectiō du mot de marine . Aussi lisez vous qu'es voyages que noz Roys firent oultre-mer (c'est à dire en la terre sainte) ils se sont tousiours seruis de vaisseaux Geneuois, Pisans , & Venitiens. Lon pense que le mot Admiral est Arabe : pource que les Sarrazins ont appellé Amiras , aucuns de leurs Roys & Seigneurs : Et Sigebert le Chroniqueur sous l'an v c x x x. dit que Mahomet establit quatre Preuosts, qui s'appellerēt *Amir* : ou *Emir* & luy *Amiras*: cōme premier du Conseil. Guillaume Archeuesque de Sur, liure, x. chap. x v l. dit : qu'Emir en Arabe signifie *Iuridicue*, que l'ancien trāslateur dudit Archeuesque de Sur à tourné Bailly : & au xxi. liure chap. xxiii. Amirau. le trouue par vn extraict de la chābre des Comtes , que messire Pierre le Mege Che-

DE L'ADMIRAL.

ualier estoit Admiral de la Mer de nostre Sire le Roy de France l'an mcccxxvii. le xi. Iuillet, Auquel iour il contracta à Nismes avec Damfrestut Patrons & Comites & autres. A mon aduis ce ne fut le premier Admiral de la mer de France: Car par le mesme memoire, il est dit que Geofroy Cormicy Chanoine de Sélis & Clerc, (c'est à dire, comme ie croy) Secretaire, enuoyé à Calais l'an mcccxcv. pour le fait des Galees & autres vaisseaux de marine; rend compte des faits par luy faits en sa charge. Et ie croy bien, puis que le Roy Philippes Auguste arma des vaisseaux l'an mcccxi. pour passer en Angleterre, qu'il y auoit des Admiraux de la Mer: & que ces Admiraux estoient chefs & conducteurs de tel esquipage marin. Ioinct que ledit Roy Philippes auoit ja chassé les Anglois de Normandie: & lequel deuant craindre leur retour, il est à presumer qu'il tenoit des vaisseaux armez: & par consequent, quelqu'un pour les conduire, & qui (pour le moins) auoit nom de Capitaine de la mer. Mais ie penseroiy bien, que la charge d'Amiral n'estoit qu'en commission; non plus que celle de Conestable des armées de terre. D'autant que (ainsi que i'ay dit ailleurs) les Conestables, n'ont pas tousiours esté chefs d'armées, ains premierement ont fait l'estat d'Escuyer d'Escurie, & puis de Grand Escuyer, quand ils ont sous-signé les Char-

tes: & par consequent ceux-cy tout de mesme. Car encores il semble que le droit d'Admirauté ne s'estende qu'en Normandie: pource que les Gouverneurs des Provinces de Bretagne, la Rochelle, Guyenne, Languedoc, & Prouence, qui touchent la mer, pretendent auoir tout droit d'Admirauté en leurs ressorts & gouuernemens, comme le souloient auoir les Ducz & Seigneurs de ce pais, auant qu'ils fussent vnis à la Couronne de France.

Des Marechaux & Fourriers des logis.

CHAPITRE X.

L'EVSE parlé des Capitaines de guerre, & autres membres des armées, n'eust esté la conionction des Fourriers avec les Marechaux guerriers, desquels ces petits sont tirez. Les Fourriers donc viennent de Fourrage: & ce mot de *Fodrum*, qui du temps de la seconde lignee de nos Roys, signifioit la paille & auoine que le plat pais bailloit aux gens de guerre & de la suite des Ducs & Comtes; ainsi qu'on lit en la vie de Louys le Debonnaire escrite à la relation du tres-noble Moine Ademar. Où parlant de l'ordte qui fut mis en la maison de ce Prince, lors que Charles le grand son pere l'enuoya, pour estre Roy d'Aquitaine

DES MARESCHAUX

(ainsi que j'ay dit autre part) il adioute: lesquelles choses ainsi ordonnées, il deffendit aux paisans de plus bailler des prouendes aux gens de guerre: que communement lon appelle *Fodrum*. Encores en Allemagne, l'auoyne paille & foin, distribuez aux domestiques des Princes, s'appelle *Fæster*. Et mesmes à Paris, lon appelle *Fouarre* (car il faut ainsi pononcer ce mot) l'estrain (c'est *stramen*) ou paille batuë pour faire li-riere. Depuis, ces Fourriers ont esté employez à faire les logis au lieu des Mareschaux. Car ie trouue dans le Roman de Gaultier de Nanteuïl.

*Plus d'une grande lieue sont li Fourrier couru
Et prenent la vitaille qui par la terre fu.*

Et au Roman d'Alexandre qui est plus ancien,

* c'est
fut iour
* c'est
fit clair.

*Les Soudoiers mon sire, dont quarante en y a.
Se partirent d'icy si tost qu'il aiourna: *
En fourre sont alez tresque il esclaira, **

Et pour môstrer que les fourriers tiennent quelque chose des grands Mareschaux, le principal de ces fourriers marqueurs de logis; s'appelle encores Mareschal. Et leur chef porte tiltre de Mareschal du corps du Roy. Ce qui n'est pas nouueau pour le regard des petis Mareschaux. Car au Roman de Brut, très-vieil (à mon aduis) il est dit.

* c'est
hostels.
* c'est
haults
lieux.

*Les Mareschaux Ostex * liurer,
Solliers, * & Cambres desliurer.*

Lon peut adiouter ce qui est cy dessus dict

ET FOURRIERS DES LOGIS. 80
des Mareschaux Fourriers, à la fin de la relation que Hues de Cleries fait pour les droits du Seneschal de France, dont i'ay cy dessus parlé. Qui est à mō aduis tout ce que pour le present ie puis dire en ce peu de loisir que m'aucez donné.

OR ay-ie laissē à parler de la Iustice, des Aydes & de plusieurs autres particularitez pour l'esclaircissement de nostre antiquité & reglement de la police de ce Royaume en general: que ie reserue en vn autre liure, s'il vous vient à gré (SIRE) & ceste mienne façon d'escrire vous plaist; priāt tres-humblemēt vostre Majesté de receuoir de bon œil ce labour, plus penible qu'il ne semblera à ceux qui n'ont pas couru, par les espineux champs des vieils Romās: sans la lecture desquels il est difficile d'acheuer mes entreprises & laborieuses cōceptions.

FIN DV LIVRE PRESENTE
*au feu Roy à S. Germain en Laye,
en Februrier, Mil cinq cens quatre
vingts quatre.*

ERRATA.

Folio 8. lig. 8. ostez la parentese qui est auãt le mot; ainsi. fol. 12. verso lig. 16. rayez dor. cod. l. 26. mettez Gombault. fol. 14. l. 8. lisez permise. fol. 15. l. 26. Enuoiant aussi chercher. vers. l. 7. c'est. cod. l. 12. O mes Lares petis, que d'encens ie parfume. De fleurs & chapelets i'embelis par coustume. f. 19. l. 29. pour le moins du monogramme de Christus. cod. vers. l. 22. rayez cõme ie croy. fol. 21. de mort ce dit Rhenan apres vn ancien. fol. 27. vers. 27. rayez signifier. fol. 28. l. 22. Seneschauzier * sera de eris. fol. 31. l. 26. de. lig. 31. du droit. fol. 33 l. 16. demanderoit, il luy. fol. 37. vers. l. 10. Por terre ne. por. fol. 38. l. 20. lor seignor cod. 21. sareseptc. fol. 39. vers. l. penul. Et encores. f. 40. vers. l. 8. sont enfoncez. cod. l. 28. Beduers. fol. 42. l. 1. prist grosse. fol. 45. lig. 4. balent. lig. 14. baleries.

Livre deuxiesme.

Fol. 49. verso lig. 4. sera beau. fol. 54. vers. l. 16. il y auoit. l. 18. Ditheric. fol. 55. l. 12. Ceux qui la v. fol. 58. vers. 13. rayez la virgule apres Comtes. fol. 59. lig. 27. leutes. fol. 63. vers. lig. 20. Seigneuries hereditaires. fol. 65. vers. lig. 2. à *circulis*. lig. 4. tuer; mais repousser. fol. 66. lig. 9. reuenuë: quand. fol. 67. lig. 12. decimes) lig. 28. apres il. fol. 70. vers. lig. 31. ki ainc, c'est qui onques. fol. 71. lig. derniere conrois. fol. 74 l. 8. ledit Connestable. fol. 75. verso & alegue.